

**SPEAKER**

Tin, an hnenah, "Fimkhur ula, awhna reng reng lakah, chuan inveng rawh u; sum ngah hi mihring dam chhan ani love" a ti a.

Luka 12:15

Zawhna kan la nghal anga Starred Question 61-na zawt turin Pu Lalrinliana Sailo i sawm ang.

**PU LALRINLIANA SAILO**

Pu Speaker, ka lawm e. Ka zawhna Starred Question 61-na Finance Department changtu chhan atan (a)

Central 12<sup>th</sup> Finance Commission report a Mizoram tana Municipality atan Rs. 10 (ten) crores leh Panchayati atana Rs. 20 (twenty) crores hi hman theih a ni em? (b) Theih nise pawisa engzatnge a lak? (c) Engahnge a hman? tih ka zawt e.

**PU ZORAMTHANGA  
CHIEF MINISTER**

Pu Speaker, kan Member zahawm tak Pu Rina zawh-a-na chhanna kha -

(a) Kum 2005-2006-ah hian hman tan tura ruahman a ni. (b) Pawisa lakna turin Proposal siama hma lak mek a ni. (c) Hmanna tur pawh ruahman mek ani e, tih a ni.

**SPEAKER**

Starred Question 62-na zawt turin Pu Zodintluanga ilo sawm leh ang.

**PU ZODINTLUANGA**

Pu Speaker, ka lawm e, ka  
zawhna Starred Question 62-  
na Minister zahawm tak

- Taxation, changtu chhan atan  
hian Employment kaltlang lo leh  
Advertisement ti lovin sorkar hnathawk engzatnge a lak?
- (a) Taxation Department hian Employment kaltlang lo leh  
Advertisement ti lovin sorkar hnathawk engzatnge a lak?
- (b) An lakte hming an post leh address kimchang min pe thei em?  
tih a ni e.

**S P E A K E R**

Chhang turin a changtu  
Minister Pu B. Lalthlengliana  
i lo sawm ang.

**PU B. LALTHLENGLIANA  
MINISTER**

Pu Speaker, kan MLA zah-  
awm tak Pu Zodintluanga  
zawhna chhanna chu (a)-na  
mi 28, contract leh Muster  
Roll an ni.

**(b) CONTRACT EMPLOYEES**

Sl. No.	Name & Address	Name of Post
1.	Benjamin Lalremruata Dinthar Veng.	Inspector of Taxes
2.	Lalramnghaka, Champhai	-do-
3.	Saizama Sailo, Khatla, Aizawl	-do-
4.	C. Vanlalhriati, Kolasib	-do-
5.	B. Zoliankhumi, Bethlehem Veng.	-do-
6.	Carolyn Laldingngeti, Bethlehem Veng.	-do-

**COMPUTER OPERATOR (MR)**

- |    |                                  |          |
|----|----------------------------------|----------|
| 1. | Sangzela Khiangte, Dinthar Veng. | Computer |
|----|----------------------------------|----------|

**LDC (MUSTER ROLL)**

- |    |                         |     |
|----|-------------------------|-----|
| 1. | B. Sangmawii, Champhai. | LDC |
|----|-------------------------|-----|

2.	Zohmangaihi, Laipuitlang, Aizawl	LDC
3.	Lalruatlani, Tlangnuam, Aizawl	LDC
4.	L. Deli, Saiha	LDC
5.	Lalveni, Champhai,	LDC
6.	R. Lalbiakliani, Vairengte	LDC
7.	Daniela, Ramhlun 'N' Aizawl	LDC
8.	Lalnunpuii, Serkawn	LDC

#### CHECKER (MUSTER ROLL)

1.	Rochungnunga, Kelkang	Checker
2.	C. Rochhara, Champhai Venglai	Checker
3.	T. Lalhruaitluanga, address a awm lo	Checker
4.	Roengmawia, Mission Veng, Aizawl	Checker
5.	R. Lalrinsanga, Aizawl Venglai	Checker
6.	Lahmingliana, Vairengte	Checker

#### CHOWKIDER (MUSTER ROLL)

1.	Kapthuama, Champhai Vengthlang	Chowkider
2.	Biaksanga, Kolasib	Chowkider.
3.	H.C. Vanlalrenga, Saiha	Chowkider.
4.	Johana, Serchhip	Chowkider.
5.	Lahmingthanga, Vairengte	Chowkider.

#### PEON (MUSTER ROLL)

1.	Lalsangluaia, Ramthar Veng	Peon.
----	----------------------------	-------

#### SWEEPER (MUSTER ROLL)

1.	Vanneihzuali	Sweeper.
----	--------------	----------

Hengte hi an ni e.

#### PU ZODINTLUANGA

Pu Speaker, zawhbelhna  
kan Minister zahawm tak  
khan min rawn chhang a.  
A then address hriat lohte

kha kan la ta mai mai a ni a, kan sorkar hi a in en let a ngai viau a ni. Sorkar hna kan la anih chuan a address hriat loh engang mi nge a tak a awm nge awm lo tihte kha hriat a har viau dawn a. Tin, hei Value Added Tax kan lak dawn khan sorkar hnathawkte an indaih lo nasa em em tih kan hre vek a. Chutiang angh chuan sorkar pawhin an indaihna tur Mizoram Tax tam zawk te a lak theih natur atan Finance Department te pawhin post chi hrang hrang 87 lai mai lak phalna an pe tawh a. Vawiin thleng hian lak an la ni lova. Tin, nichinah kan Minister khan min chhang tawh a, kan Employment Exchange kaltlang lo in mi khati zozai mai kha an la tawh a. Inspector pawh paruk lai lak ni khan a rawn sawi a. Taxation Department Group 'B' post Recruitment Rules, 2004 in a sawi dan chuan Inspector of Taxes te hi Mizoram Public Service Commission kaltlanga lak tur a ni a. He Recruitment Rules kalhin tunah chuan heng hnate hi lak niin a lang a, kan ramah lehkhathiam hna neilo tam tak an awm tawh lar leh Indian Constitution Article 16-na, Equality of Opportunity in matters of public employment a ti a, Section (1)-ah chuan heti hian a in ziak a, "There shall be equality of opportunity for all citizens in matters relating to employment or appointment to any office under the State" tih ani. Tuna kan kaldanah hian Pu Speaker, Indian Constitution pawh hi kan kalh a ni lawm ni? a tih theih a ni. Ka rawn zawh duh a chu, tuna Finance Department te pawhin a mi 87 lak tura tihfel tawhte hi engtikahnge kan lak ang? tih leh tuna Contract Basis a an lak tur an tih zinga Inspector ho te Recruitment Rules kalha an lakte hi regularise tum mai a ni em? A tithei fate/chhungte an nih avangin Interview te, Written Test te nei lova lak hlen hi an tum em ni? tih kha ka rawn zawt duh a. Tin, tunah hian Advertisement pawh an chhuah hma hauhin Department lam chuan dilna an hmu nasa em em a, an buai nasa tih kan hria a. Heng hna hrang hrangte hi Finance in a phalsak tawhte hi engtik hunah nge sorkar hian a tihfel theih ang tih ka rawn zawt e.

**PU LALTHLEGLIANA**

: Pu Speaker, ka lawm e. VAT Dan kan han hmang chho va, chanchinbu, Local Newspaper ah sawiselna hi a nasa em

em mai a. Hemi chungchangah hian tih dikloh kan nei nge, sorkar hian eng angin nge hma lak a tum? Tin, North East State hrang hrang te pawh VAT dan hi hman a ni tawh a, hetiang em em a sawiselna/mipui phunna hi a awm lovin a lang a. Tuna hetiang taka mipuiin sawiselna an neih takah hian sorkarin eng angin nge hmalak a tum? tih ka'n zawt a ni e.

**PU H. LIANSILOVA**

Pu Speaker, ka lawm e, tuna kan zawhna chhanna mekah khan ka'n zawh fiah duh chu hei Contract Basis a hna

lak leh Muster Roll ang renga hna lak a tam hle mai a. Tin, chumi avanga buaina kan tawh leh harsatna kan tawh pawh heng kan zawh avanga Department lama tlema kan ziaawm phah aiin a sawhkhawk a hi a nasa zawk a, mipuiaah leh kan zirlai lehkhathiam hna hmu lote ah a nasa zawk lawm ni? Mi lungawi lova chawnghei emaw kawng zawh emaw a bengchheng an siamlo anih pawhin an tawrhna hi dik taka in kalpui a, heng hi pumpelh theih dan a awm hram lawm ni? tih kan zawt duh a.

Tin, pahnihnaah chuanin, Sorkar a hna reng reng hei hi a ti thei te emaw ina anmahni mi leh sa an indah mai thin a ni tih anga impression kan neih leh tithei tur anga inggaihna pawh hi tibo turin open advertisement, kan constitution in 'equality in employment opportunity' right min pek ang bawhzui na turin open advertisement anih loh pawhin Employment Exchange through tal hianin heng hi lak thin a, Selection Board emaw DPC hmangin emaw thlan hi a theih ngang loh em ni? tih hi kan zawh duh a ni a.

Pathumnaah chuan, Taxation Department ah khanin VAT kan han hman atang leh a Department mamawhna en pawhin post engemaw zat hi chu siam thar ngai leh hna lak ngai tur ani tih hi hriat dan tlangpui leh sorkarah pawh kalpui mek niin a lang a. Chutihlaia tute emawina ngaihthat lohna tur leh inpuhmawh theihna tura sorkarina contract a tutute emaw lo lak tak maia kha thil fello tak niin a lang a. Tih tawh loh hrim hrim hi a

tha lawm ni? Constitution ngaih pawimawha helamah hian sorkar mite emaw a tithei chhungte emaw in appoint mawlh mawlh a. Contract Basis emaw M/R emaw te pawh hi nakina hna nghet a lo awm huna a zakhanna tana lo inman lawkna ang hian kan hmang ni hian a lang a. Contract a rei tak kan lo inchhawr tawh hnu hian kum 2/3 te a lo nih tawh hnuah pheih chuan dan ang taka inpaih thlak leh hi mihrinna thilah pawh har tak anih avang hian mi tha leh justice, rualkhai taka mipuiah sorkar hna kan in pekna turah hian kawng daltu ani tih hi kan sorkar hian ngaihtuahna a hmang zui thei lawm ni?

**SPEAKER**

Han chhang phawt se. A tul kan tih kha kan ti leh dawn nia. Minister i lo sawm ang.

**PU B. LALTHLEGLIANA  
MINISTER**

Pu Speaker, a zawhna neitu zawhna kha a dik ang reng khawp a. Mahse, Public Service Commission kaltlanga hna lak tur hi chu a tlangpuin kan han hriat danah Regular Post tur a nia. Tuna a zawh, Inspector 16 kan lak tur pawh kha Gazetted Post anih avangin Public Service Commission a refer tur a nia. 6 kan lak tak erawh hi chu 1.4.2005 VAT Introduce khan indaihlohna nasa tak a awm a. Post nghet leh create sa kan neih Regular a lak turin kan dil thin a. Sum indaihlohna avangin min phalsak lova. Contract Base a la turin min tia. Kan indaih loh em avangin hmanhmawh thilah khang mite kha han lak mai a nia. 28.2.2006 thleng Contract a lak anni. Helai Aizawl 'N' bialtu zawhna Employment Exchange kaltlanga lak hi a fel mai lo maw, Contract leh M/R hi. A Proportion a tihmai a fel lo maw tih kha. Hetia han ngaih mai chuan a dik thei viau mai a. Hmun tam taka kan buaina tawh hi DPC ang deuh Selection Board kaltlanga lak an han nih khan lak ho khan beiseina sang tak neiin kum a lo rei khan a Regular anga lak ve tho kan nia. Hetiang dinhmunah hian engatinge min dah ve loh tih kha a awm thin avangin keini ngaihdanah chuan Sorkar hian hetiang hian la ila, thla 4/5/6 chhung ve atana lain Contract fel tak sign tir ila, Binding awm miah lovin kan tia. Hei hi a fel ber tura ngaia la kan ni.

....150/-

Address neilo nichina an han tiha kha Lalhruitluanga kha Kahrawt veng, Champhai Checker ami kha a nia. Sweeper Vanneizuali kha Venghnuai, Aizawl a nia.

Tin, Pu Thlenga zawhna, VAT Dana Tax lak chungchangah hian sawiselna Local Paper ah te kan hmu thin a. Hemi kawngah hian sorkarin hmalakna a nei em ? tih leh N.E leh State dang tam takah hian VAT dan hman ani ve tho ya. Mizoram ang em ema sawiselna awm lovin a lang a. Kan ramah hian sawiselna a nasa bik nite pawhin a lang a. A chhan leh vang a awm em tih kha a nia. Hei hi a dik e. VAT 1<sup>st</sup> April atanga kan lak khan sawiselna a nasa e. Mahse, helaiah Act kan Introduce nia kha sawi ang khan tuihleuh zir tur chuan zuanthlak pawpa inhai ve phawt a ngai ka tih ang khan heng dan hmang tur hian zir thiamsa hi a awm tak tak thei chuang lova, kan hman hnuah pawh Traders inzawmkhawmho pawhin withdraw turin minrawn ti a. Amaherawhchu, kan han sawi ho fe hnuin withdraw ta ila, nangni leh keini hian vawiinnia VAT kan ngaihsak ang hian tuman an ngaih sak dawn lova, nangni leh keinin kan ngaihsak loh phei chuan tuman mipui phei chuan an ngaihsak dawn miah lo tihna a ni a. Chuvang chuan hetia nitin kan kal a, a fello laite kan siam tha zel ang hian kum hnih khat hnuah chuan fel duak dawn ani, tiin kan sawi hova, anni pawhin ani khawp mai tiin tun thleng hian kan la kalchho ani a. Hemi VAT kan lak chungchang a sawiselna Newspaper a lo lang thin hi a chhan ber chu Mizoram bikah chuan a zawhna pahnihna N.E leh State dangah chuan sawiselna a awm silo a tih nen khan a in kungkaiah a, hei hi Mizoramah hian Sales Tax hnuaiyah khan items 46 bawr velah chhiah lak ani a. Chutih lai chuan India ram State dang N.E bikah pawh lo ngaihtuah ta ila, VAT hnuaiyah Taxable Goods kan tih zawng zawngah hian an lo la vek tawh a. Nagaland bikah phei chuan tuna tam kan tih em em 12.5% hi item engemaw zatah an lo la tawh ani a. Chung anih avang chuan State dangah VAT an han introduce khan a danglamna mipuiyah a lang chuang lov, keiniyah chuan item 46 atangin 500 dawn laiah 1%, 4%, 12.5% vela an chhoh tak duakah khan tunhma a tax kan lak lohna tam takah lak alo nih khan Mizo mipuiin kan hrethiam lova, chu chu sawiselna a tamna chhan ber niin a lang a. Tin, chulo lehah chuan VAT hman hnuah thil man a sang bik tih pawh kha a awm a. Hei pawh hi Central in VAT kan lak atangin Central Sales Tax hi 2% a tlahniam anga kumkhatah. A kum hnihnaah 1% ah a tla leh ang a, a kum 3-naah chuan a 'zero' tur ani

an tih kha Dan te pawh amendment an ti tawh a. Amaherawhchu, Notification an la chhuah loh avangin la hman loh ani a. Chuvang chuan Mizorama sumdawng tam takin phai lama bungrua an zu lakin Central Sales Tax an chawi avangin helaiah a man a sang lo thei lova, chu chu mi tam takin min sawiselna leh Mizoramah chuan phunchiar a tamna deuh niin a lang a. Kha kha anih dan tlangpui chu ani deuh mai e, Pu Speaker.

**SPEAKER**

: Pu Zira hi i lo sawm leh phawt ang.

**PU R. LALZIRLIANA**

: Pu Speaker, ka lawm e. Kan Minister zahawm tak kha, a huaisen a, a fakawm ka ti hle a. Vawiinniah chuan a

huaisen dan hi hnam tan a tha lo ani. Tunah khan VAT chungchang a rawn sawi a, VAT chungchang kan sawi niah pawh khan ka sawi reng a. "Hna za chuang lak tur innei dawn a, heng interest hian mirethei chungah chhiah in khawn dawn ani lo maw" ka ti a. Chutiang chiah chuan sorkarin, DP & AR in, dan ang takin ni 12.9.2005 khan lak phalna a pe a. Chumi hma chuan Dan lovin Inspector 6 lai an lo la a, tuna an Address a sawi loh Inspector 6 laite kha MLA ten kan hre duh tlat a, kan sawi teh ang Pu Speaker, Benjamin Lalremruata hi T. Rohringliana, Dawrpui Vengthar fa, Lalramnghaka hi P.C. Lalthlamuana, Champhai fa, Saizama hi R. K. Kapthuama, Khatla fa, C. Vanlalhriati hi C. Zakhuma, Kolasib fa, B. Zoliankhumi, B. Lalthlengliana fa, Bethlehem Veng pa, Carolyn Laldingngheti hi A. Lalvunga, Bethlehem Veng fa, hengte hi Minister quota pathum, Commissioner Quota pahnih leh Deputy Secretary Quota pakhat, chutiang chuanin Taxation Department ami vek, diklo takin an lo la a, heng hna 16 Inspector leh thil dang lak tur pawh hi regularise an tum avangin a ti tlai mai mai zawk a ni. Pu Speaker, a thinrim thlak ka ti a ni.



VAT te pawh hi MLA te  
Legislator te min hrilh ni khan, "Kan ramah, kan hnamah chhiah a  
pun phah dawn lo, engmah rate hi a san phah dawn lo, thil man hi a  
tlem phah zawk dawn" an ti a. Engatinge thu dik lo min hrilh ITC  
import Tax credited tunge pe thei Mizoramah hian? Heng hi an pek  
theih loh chuan engvangin nge a tlawm ang? A thinur thlak hlein ka  
hria. Pu Speaker, hetiang anga kan inti dawn a nih chuan thu tha  
helaia sawi pawh hi a har khawp mai. Tin tak takah chuan  
Zemabawka BRTF Camp No Objection an pek theih reng reng loh  
kan Minister hian a fanu hmingin a pe a, Bethlehem Veng Sahuan  
pawh a In hmunah a chheprel leh tawh, a thinur thlak lutuk a ni.  
Hetiang hi Pu Speaker, a bang thei lawm ni ka ti a ni.

**S P E A K E R**

: Pu Vanlalthaliana.

**P U H . V A N L A L T H A L I A N A**

: Pu Speaker, zawh belhna,  
VAT hi Mizoramah April  
1, 2005 atang khan lak a ni  
a. VAT lak anih atanga

September ni 5, 2005 ah tax lak (VAT dan hmanga lak hi) engzat  
nge? Tin, Mizorama Sales Tax lak laia hemi perioda Sales Tax lak  
hi engnge a in thlahna, a intam hleihna tih ka zawt e.

**S P E A K E R**

: Pu R. Khawpuithanga.

**P U R . K H A W P U I T H A N G A**

: Pu Speaker, zawh belhna, thil  
thar kan ramah kan han  
practice a, VAT te pawh ram  
dangah North East-ah pawh

an Practice a. Kha kan han ngaithla nual tawh a. Hei Sales Tax te pawh Item 46 laiah lak a lo ni a. Tin, chubakah Vat-ah khan Item 500 velah lak leh tur a nih chuan a thawktute pawh kha lak belh tur chu a lo ni reng mai a. Amaherawhchu, a zat chiah kha kan hre lova, khatiang taka lak tur lo awm taah khan an han lak thenkhatte kha a tawk em lak leh tur ala ni em? An indaih reng em? Eng anga hau tak nge? tih kha ka han zawhbelh a ni.

**S P E A K E R**

Le, Question lam kha chu i duh tawk teh ang. Minister chhang turin i lo sawm ang.

**PU B. LALTHLEGLIANA  
MINISTER**

Pu Speaker, Saitual bialtu zahawm tak, rawn sawi kha a dikna chen a awm a. Amaherawhchu, contract base a lak hi Mizorama a hmalaiah te pawh a ni a. Muster Roll te pawh. Nichina ka sawi ang khan a proportion anga tih hi a hnuah buaina tam tak a awm avangin a awlsam zawngin a period neiin lak a ni a. Khalaiah khan tihsual lian tak kan neih kan hre hran lova. Amaherawhchu, zawhna neituin a rawn zawh ang khan tuna Inspector of Taxes 16 kan lak tur hi chu regular anih avangin dan ang thlapin Public Service Commission-ah kan refer dawn a. Chutiang ti tur chuan ni hnih khata khatiang document thil tih fel zung zung theih a ni lova, sorkar kalphungah kan hre theuh va, kar hmasa maiyah DP & AR atangin an phalna kan hmu a, tunah hian session kan nei zui a. Chutiang taka chak hian sorkar hian hma a la theilo a ni tih kha kan sawi lang duh a.

Tin, Pu Khawpuia zawhna kha, Mizoram Sales Tax Act hnuaiyah khan Taxable Item 46 velah lak a ni a, VAT hnuaiyah hian 500 dawn laiah lak a lo nih hian hnathawktu indaih lohna nasa tak a awm dawn niin a lang a. Hnathawktu lak tumna hi a awm em? tih kha. Lak tumna a awm a.

Tuna kan MLA te pawhin an sawi ang khan Superintendent of Taxes 7, Inspector of Taxes 16, Head Assistant 1, U.D.C 8, LDC 13, Driver 4, Checker 24, Peon 8, Chowkider 2, Computer Operator 4, avaiin 87 lak tum ani a. Chu chu Pu Speaker, ka sawi ang khan kar hmasa maiah DP & AR atanga phalna hmu kan ni a. Session in a chhunzawm nghal avangin engmah hmalak chhunzawm theih ani rih lova, kan indaih lohna hi VAT chungchanga buaina engemaw awmah kan chhuanlam pakhat anih avangin a rang thei ang bera lak kan tum a. Superintendent of Taxes hi chu Inspector of Taxes atanga kaisanna post tur ani a. Head Assistant pawh UDC atangin. UDC pawh LDC atangin. A bak kha lak tum ani a. Chu chu Pu R. Khawpuithanga, Aizawl South II bialtu zawhna chhanna nise. Mi 87 lak tum ani.

Pu Lalthaliana zawhna - VAT hi Mizoramah ni 1.4.2005 ah lak tan ani a, VAT lak anih atanga September, 15 thlenga VAT dana Tax lak tlingkhawm engzatnge? Mizoram Sales Tax lak laia a corresponding period ah engzatnge tax lak anih? VAT lak a lo nih takah hian engzat in nge a pun? tih zawhna ani a.

Pu Speaker, a tawi thei ang berin chhan tum ila. Ni 1.4.2004 atanga 15.9.2004 Sales Tax hnuaiah khan cheng nuaih 1508.79 hmuh ani a. VAT hnuaiah chuan 1.4.2005 atanga 15.9.2005 hnuaiah chuan cheng nuaih 2055.28 ani a. A khumna chu cheng nuaih 546.48 ani. Pu Speaker, VAT kan lak dawn lai khan kan sawi thin a. VAT introduce hnuaiah chuan VAT collection hi crore 3 vel chuan kumin chhung hian a pun hman kan beisei ani tih kan sawi thin a. Tun Quarters-ah ringawt pawh Revenue punna hi a chung a mi ang hi ani a, crore nga leh nuaih 46 cheng 78000.

**PU R. LALZIRLIANA**

Helaiah sorkarah revenue chung teuh mah ila, mipui ten nasa taka an tawrh si chuan, khalai tak zawk kha

mipui tawrh loh dan tura VAT kha lak dan a awm an tih zawk kha ani. ITC kha tunge pe thei, Mizoramah hian, khami an pek theih siloh chuan engtingge a tlawm zawk theih ang tih kha min hrilbfiah leh rawh.

**PU B. LALTHLEGLIANA  
MINISTER**

Pu Speaker, thilsiam chhuak-  
tu Mizoramah hian kan la  
awm tam loh avangin khalai  
kha chu kan beisei ang leh

kan duh angin a kal thei rih lo ani.

Pu Speaker, nichina ka sawi  
ang khan Central Sales Tax hi notification an chhuah a, tih bo anih  
chuan hei hi chu a tlawm hrim hrim tawh dawn a, kha kha  
notification.....

(Central lamin an la rawn tih fel loh chuan helaiah a tih ngawt theih  
lo alawm) India ram hrang State 6 ah chauh an la lova, a dang  
zawngah an la vek tawh a, BJP ruled State paliah leh Tamil Nadu  
leh U.P ah lak loh ani a, a bak zawngah chuan lak vek a ni Keini  
chauh hi la kan ni lo, kan member zahawm tak khan hemi VAT kan  
ngaihtuah chung zawng pawh a Consultative a member ani a.  
Amaherawhchu, helaia thalo tih leh thin hi lemchan na mai mai ani.  
Hmanni a tha thalo tih ang mai mai hi chu ani lo. Pu Speaker, chu  
chu a awmzia ani. Kan chhiah lak chu a percent a lak in cheng 36.22  
ani.

**PU H. ROHLUNA**

Pu Speaker, a rate sang lutuk  
a hi mipui an phunna ber  
ani. Chu chu CST hi 4% a  
Central in a lak chung hi

chuan VAT pawh hi 4% in a lak rual theih lawm ni.

**PU B. LALTHLEGLIANA  
MINISTER**

Pu Speaker, khalai kha zawh-  
na awm tak ani a. Keini  
pawhin ngun takin kan han  
ngaihtuah a Empowered

Committee ah te pawh sawi ani a, State thenkhat te pawhin a then  
then hi chu an lo ennawn leh mek bawk ani. Chuvargin keini pawhin  
engemaw zah kan ennawn ani. Exempted goods ah hian siamthat nual  
kan nei a, a pumpui a belh a hi 54 alo ni ta a, tin 12.5 a item  
engemaw zat kha 4% kan la thla bawk a ni.

**SPEAKER**

: Engemaw zat han tih ngawt kha a chianglo ang reng a. a zat a kha 20/40 chuangin emaw a sawi theih em?

**PU B. LALTHLEGLIANA  
MINISTER**

: Pu Speaker, 12.5 atanga 4% a kan tih thlak a kha 15,16, 17 vel ani a, heng kan han tih dawn pawh hian Mizorama sumdawngtu chi hrang hrang Joint Committee an tih te nen item hrang hrang hi en ho vek ani a, anni pawhin hengah hian hetiang hi ani tiin chutiang chuan kan duang chhuak tawh ani. Anni pawhin tunah hian tha an ti a, kan sumdawngtu ten tha an tih hle laia helaia anih phung hre lem lova a tha lo lo tih leh ringawt thin hi mi ram State zawng zawng pawhin an la ve mek ani a. Keini pawh kan kal tawh a, kan kal zel dawn ani.

**SPEAKER**

: A chiang thei chin ni awm chu a chiang a. Starred Question 63-na zawt turin Pu Sailothanga Sailo ilo sawm ang.

**PU SAILOTHANGA SAILO**

: Pu Speaker, ka lawm e. Transport Minister chhan atan, Starred Question 63-na (a) Aizawl khawpui Chhungah hian Parking Fee khawwna hmun engzatnge awm? (b)-na Parking fee khawntute hi engtia thlan nge? (c)-na engchen atan nge? (d)-na kum 2004-2005 chhung hian engzatnge sorkarin Parking Fee hmuh a beisei, tih a ni e.

**S P E A K E R** : A chhang turin Transport Department Minister Pu Lalrinchhana i lo sawm ang.

**PU LALRINCHHANA MINISTER** : Pu Speaker, Pu Sailothanga Sailo, MLA zahawm tak zawhna chhanna chu hei hi a ni e, (a)-na chhanna chu Aizawl khawpui chhungah hian Parking fee khawwna hmun, parking place hmun 337 a awm a chu chu area 33-ah khaikhawm ani, (b)-na chhanna chu Parking fee khawntute hi quotation kaltlanga thlan an ni, (c)-na chhanna chu tuna Parking fee collect turte hi kum khat chhung atan appointment pek an ni, (d)-na chhanna chu 2004-2005 chhunga Parking fee atanga sorkarin sum a hmuh tawh te chu nuai 11,64,552 a ni e.

**PU H. ROHLUNA** : Pu Speaker, hei Parking fee hi tam tak kan hmu a, kan sawi leh kan zawh duh a chu Parking fee hi New Market area hi bazar lun ber lai ani a, New Market thlang kawngpui dung sir vel khu Parking area kan neih chu a ni deuh mai a. Hei hi bazar duh leh motor nen veng hla deuh atanga lokal te tan motor dahna tur hi a awm lo lutuk a, taxi hi a ding khat zel mai a, hei hi a solve dan a awm em? Department hian ngaihtuahna an lo hmang tawh em? tuna Parking siam tuma sorkar a inbuatsaihna laiah te hian New Market area ah hian Parking place ruahmanna hi Department lamin an nei em? tih ka zawh belh a ni.

**PU H. VANLALTHALIANA** : Pu Speaker, ka zawh duh chu, hmannah STA an thukhawm a, hemi bus, Auto Rickshaw leh Taxi

permit etc. pe turin. Tah chuan Lawngtlai lampang kha ka zawt a pakhat mah kan pe lo, kan pe tam tawh tiin min chhang a, a taxi owner te, association ten complaint awm miah silova, eng vanga Lawngtlai hi pe thei ta lo nge an nih, motor neituten a tam tawh e, a hlawk love, tiin complaint sela chu awmin ka hria a, anmahni pawh ka zawt a, kan hminga complaint an awm anih loh chuan kan complaint lo, rickshaw, bus, taxi pawh an ti a, pek kan ni ta lo hi engeni a chhan? tih Minister zahawm tak ka zawt e.

**S P E A K E R**

: Chhang turin Minister i lo sawm ang.

**PU LALRINCHHANA  
MINISTER**

: Pu Speaker, New Market thlanga Parking area harsatna chungchang thu rawn tarlan kha Parking area,

Parking place buatsaihna hi traffic police lampangina ruahman tir an, ni a. Tichuan, Parking place atana remchang leh tha ni a an hriat an rawn ruahman angin heng Parking Place hi buatsaiha fee khawn chu a ni a, hemi thuah hianin engmah complaint na kan la hriat loh avangin tih danglamna kan la nei lem lova, engpawh nisela, tuna kan Member zahawm takin a rawn complaint na atang khan kan lo chhui zui a nge, a tul angin rem kan lo ruat ang e. Tin, Lawngtlai Taxi permit chungchang chu chianguanga hriatna ka nei hauh lova, a tul angin kan lo bawhzui a nge, i ti mai ang.

**PU LALDUHOMA**

: Pu Speaker, Rural Development Minister chhan atan ka zawhna -

- (a) Rural Development Department. hian vawkte a sem ve em ni? Khawiah te nge an sem?
- (b) Engzatnge a sem?
- (c) Vawkte pakhat rate engzatnge?

- (d) Engzah percent nge thi tawh ?
- (e) Eng Variety nge ?
- (f) Eng Scheme hnuaiyah nge ? tih ka zawt e.

**PU AICHHINGA  
MINISTER**

Pu Speaker, member zahawm  
tak Pu Lalduhoma zawhna  
chhanna -- Rural Development  
Department hian vawkte a

sem ve em ni ? chhanna SGSY, Integrated Piggery Development (IPD)  
hnuaiyah vawk vulh, Project anih angin, vawk note sem ani.

(a)-na- Lunglei District chhunga Lunglei leh Hnahthial RD Block-ah.

(b)-na- 1239 Nos.

(c)-na- Rs. 2,500/- zel.

(d)-na- Lunglei RD Block ah chuan an thi vek a, Hnahthial RD Block  
hnuaiyah erawh 8 an la dam a. Thi zat percentage chu 95.46% ani.

(e)-na- Yorkshire/Hampshire/Landrace ani.

(f)-na - SGSY Scheme hnuaiyah Special SGSY Project ani.

**PU LALDUHOMA**

Pu Speaker, kan sorkar hian  
Vawkte hi a tuipei hle a,  
Vety Department in a buai-  
pui a, RD in a lo ti veleh a,

Forest Department pawh hian an sem ve bawk a, hmun thenkhatah  
chuan Seventh Day te pawhin an dawng ani awm e. Vawkte 1239 ah  
8 chiah a la dam ani a, a variety pawh hi kei chuan ka ringhlel a,  
khasi vawk ani an ti a ni. A supply tu hi ka hriatsual loh chuan  
Annee Enterprise, Shillong tih ani a. Hemi vawkte man Rs. 2500 zel  
hi an dawn tur atanga paih tur anih avangin vawkte an hralh tihna  
ani, kan sorkar hi miretheite hnenah vawkte in a sumdawng tihna ani.  
Tin, a quality a chhe em em a, a thi teuh teuh zel a, chuvangin, heng  
vawk hian phivawk pawh a tluk lova, a 'phi' lai an sawi duh lo mai  
mai ani, a vawk chin chiah an sawi a, chuvangin, sorkar hian  
engtingge a chhui zui dawn ? Engatinge heti em em a mortality rate a  
lo awm ? a supply tu emaw a thawktu emaw atangin action lak tumna  
a awm em ? Tin, self help group 17 lai an thlante hi engtia kal ze  
turin nge sorkar hian a ngaih, engtia tih zawm zel nge a tum tih ka  
zawhbelh e.



PU LALHMINGTHANGA

Pu Speaker, tun thla ni 3  
khan ka bial Lungleiah ka  
phei a, kan Minister in a  
chhanna vawkte hi Lunglei

RD Block chhungah an lo sem mek a.. A sawi ang khan ni 10 hnuah ka rawn hawng leh a, ka hawn kha chuan Thuampuih pakhat chiah a la dam a, an en huai huai mai tih kha ani a. Mahse hei a lo thi zo ta a, hei i report kha kan dawng ta a. Kan zawh duh pakhat chu Animal Movement Control Act te kan nei a, khami in a tum ber kha chu kan State pawn lam atangin entirnan Foreign atangin emaw, State dang atang te in emaw hetiang ang ran hri a lo kai kan ram chhunga randanga kai darh theih ang chin rawn keng te kha an control tur tih te a nia, chutiang ang a nih lai chuan sawlaia report kan dawn leh mita kan hmuh chu Runtungah khan an la hreh chung chung kha a sem tu ten khawngaih takin min lak sak rawh u, chutilo chu Department tan a buaithlak e an ti a, Runtung khuain an la a, mahse an vawkte lak khan Hri a lo keng a, tichuan anmahni vulh sa pawh khan a kai ta a. Ka awm lai khan Runtung vawk kha 79 a thi tawh tih a ni a. Chu chu laka a thih mai kha thu khat nise khatiang ang Epidemic diseases nei kha awm niin an sawi a, thu tak ni pawhin ka hria a. Hauruangah ka chhuk thla a, mimal takin ka zuk zawt a. Chuvang chuanin fimkhur a tul khawp mai a. Khanglai kha sorkar hian a hria em? Hri a keng a ni tih lai te. Tin, a lo hria a nih chuan eng step nge a lak dawn? Tin, kan sawi ang khanin sawti laiah sawn RD hovin an han sawi dan chuan a hmuna BDO te khan hei hi an arrange tur ni awm tak a ngaihna an nei a. Mahse, hetah RD Directorate lam atangin engnge maw hlawkna umin office lampang pawn an tih loh tur chin deuh hlek pawh BDO Jurisdiction kha an dai niawm ten sawi a awm bawk a. Chulaite chu kan Minister hian min en sak thei ang em? tih kan zawt tel duh a. Tin, helaiah hian an zuk lakna hi nichinah member zahawm tak Ratu bialtu in a sawi ang khan Annee Enterprise tih Shillong atangin a ni a. An sawi dan chuan Hampshire breed a tha chi a ni e tiin an sawi a. A phurhna motor a kha rawn en ve rawh an tia ka han en a. Khami motor pakhatah khan chhuat an siam a, chhuat li/nga, a then kha chu a chim ta a. Khami a chim khan a hnuai a awm kha a zuk delh a. Vawkte tam si kha chuanin kha kha kal kawngah pawh thih teuh loh theih lohna kha a ni hrim hrim mai a. Chutiang deuh chuan in a kal hmanga kha thil fel tawk lo a tam em em mai a, chu chu tun hnu lamah te la tih zawm leh tur a nih chuan khang ang pawh kha tha deuh zawk hleka arrangement siam dan te a awm lawm ni tih te ka'n zawt duh a ni.

**PU ZODINTLUANGA**

Pu Speaker, ka lawm e.  
Vawkte an sem zat kha  
1239 an ti a. Vawkte kha  
engzat chiah nge Department

in an lei tih kha ka rawn zawt duh a. Tin, a pahnihnaah chuan Lunglei bialtu zahawm tak sawi ang khan DRDA, Lunglei implement tur niawm tak si hi engvanga Directorate atanga buaipui ta daih nge an nih tih kha ka zawt belh e.

**PU R. LALZIRLIANA**

Pu Speaker, ka lawm e.  
Vawkte thih teuh lai khan.  
Lungleiah ka va kal a, a thi  
hnem viau a, ka hriat dan

chuan 1500 a ni a. Tichuan an kil luai luai mai a, a thi mangang kha an en tlawk tlawk mai a ni. A in chu a tha khawp mai a, amaherawhchu, a chaw pekna tur kha a hla a, an hlawh tlin hi ka ring chuang lo, thi lo pawh nise, chu chu kan sawi hmasa duh phawt a, Vawkte hi henglaiah pawh kan han lei hian thla hnihah kan man hrang chauh a ni a. Helai a an rawn pek hi chu hnute pek chawp ngai, naute hnute hnek anga pek tura an tih kha niawm tak a ni a, an tulh mawlh mawlh mai a, a then chuan, chutiang anga pek ngai chu an ni e an tia. Khatiang em em a lak kha a dik dawn em ni tih leh a contractor hi vawkte supply-ah chauh nilo thil dangah reng reng hetiang anga rawn tih hi sorkar supply contract thil reng rengah hian black list ani thei dawn lawm ni tih kha Pu Speaker kan zawt duh a. Tin, vawkte hi kan duh anih pawhin Vety Department kan nei a, kan Vety Department te hian an pe chhuak hnem thei viau mai a. Tunah Manipur Sorkarah pawh 1200 dawn lai an rawn order a, an pe dawn ani. A awm teuh mai a ni, Selesih Vety Farm ah khian helai a kan neih sa, a chiang sa khatiang anga chiang mang lo phivaw ang chi te rawn supply ringawt kha chu Pu Speaker, ti lovin, keimahni Department kha in dawr tawna engemaw hlawkna lutuk tuten emaw lo um lova, mipui a dawngtu turte hamthatna kha kan ngaihtuah thei zawk lawm ni tih kha Pu Speaker kan zawt duh ani.

**SPEAKER**

Chhang turin RD Minister i  
lo sawm leh ang.

**PU AICHHINGA  
MINISTER**

Pu Speaker, zawhna neitu  
Pu Duha'n a zawh belhna  
Sorkar hianin action lak  
tumna hemi thi ta teuhah

hian a nei em? han tihte khami ka sawi hma zawng khan hemi kan project chungchang hi han sawi chian deuh hlek ka duh a. SGRY Project ani a. SGRY ah hian Special Project an ti a, chumiah chuan District hrang hrangah hian DRDA te hian hma an la theuh a. Tunah hian Lunglei bik atan hian Piggery an thlang a, Forest te pawn an sem a, han tih te pawh kha a dik tho ang a. Amaherawhchu, Lunglei DRDA hian Lunglei District bik atana Project atan Piggery hi an thlan ve avangin chumi atan chuan kan tum dan chuan hemi SGRY kalphungah hian self-help group-ah zel pek ani a. Tunah hian Self help group hi group 75 siana chung mite hnenah chuan vawk hi group tin tan khan vawk 60 zel pek tuma hmalakna ani a. Chuta tan chuan Central atang pawhin cheng nuai 700 zet kha minrawn pe a. Chumi atang chuan Central Sorkarin a rawn tum ve tur hi a pawisa a rawn pek tur a hi nuai 500 zet ani a. Chumi karah kan State ina a tum ve tur kha nuai 140 vel ani a. A baka kha bank atanga hmuh tura ruahman ani a. Chutiang chuan self help group hmanga he project hi ruahman ani a. Self help group 75 ruahman ani. Chutah chuan a 1<sup>st</sup> instalment atan hian self help group 17-ah khan han pek tumin vawkte 1500 hi kan ngaihtuah a. Chu chu a lian tham a, a tam a, tahchuan kan Vety Department leh kan sorkar firm atanga hmuh tumin kan dawr a. Nimahsela, keimahni duh anga tam kha a hmuh mai theih ta lova, tichuan hmundang dangah te kan dap a. Hemi Annee Enterprise Shillong hi an lo zuk dawr a, chumi an dawr te chuanin vawkte pakhat Rs. 2500/- hisapin kan pe thei e an ti a. Chu chu kan officer te tirin a hmuna a vawkte hi a chhia em, a tha em tih te entir vek anni ve a. Chumi an zuk enah chuan an lungawi ni tur ani tichuan kan officer engemaw zat kal thla in Vety mithiam te pawh keng telin kan thawk thla a. An rawn phurh chhoh kawngah khan 126 zet a thi hrim hrim mar a. Tichuan an han sem leh pawh khan an sem a kha nung a lawi a awm talo a ni. Tunah hian fun thlenga la dam ni a kan hriat chu pariat (8) niin kan hria a. He vawkte hi a tha chi an ti a, a hmuna zuk hmutute chuan an lak lai chuan tha tak chu niawm tak a ni a. Keinin mitin kan hmu lova, an lungawi a, an la chu a ni. Tin, a phurh danah te pawh uluk taka an tih ve chu a ni a. Kawng lakah Motor pakhat erawh chu a chhawnga siam anih avang khan a chim a, a hnuai a

note thenkhat a delh tih erawhchu report ka dawng a. Chutiang ang chu an rawn sawi zawng zawng kha thudik vek niin ka hria a. Mahse a note kha a naupang lutuk a ni lo maw tih te pawh kha a dik paawh a ni mai thei a. Amaherawhchu, a vulhtute'n lak hran theih tura an ngaih, hralh theih a an ngaih kha hralh a kan lak chu a ni ve a. Mahse a hmuna hmutu ka nih ve loh avangin sawifiah thiam vek a har viau va. A vawk chi hrim hrimah erawh chuan vawk tha chi ve chu ni chuan a lang a ni. Amaherawhchu, a lo kal kawngah khan a hrivei te pawh chu a lo ni thei a. (Pu Lalrinliana Sailo : kan va hmu a Pu Zira-te nen a hmunah Sanghal te tak te, a lem hi a ang khawp mai). A hmunah ka hmu lova ka sawi chiah ngam lova. Kalkawngah khan cher hmanin a chhe hman pawh a ni ve thei a. Engpawh nise, khalai kha chu sawi mam ngaihna pawh a awm lova, a thi a ni miao mai a. A thi tawh kha chu nunna pe theitu kan ni bawh si lova. A tihdan a vang khawp mai a, action lak tum a ni em? ? Chhui tum a ni em ? tih kha kan theih ang tawh chuan engnge a chhan tih te pawh tunah hian kan en ve mek a ni. Hriat chhuah zel kan tum a ni tih kha zawhna Supplementary question No. 1-na kha kan chhanna ni sela.

Tin, khami in tih thih tak tawh si chuan a... group kal zel a te kha engtingge kalpui zel in tum tih a ni a. Tuna kan han lak mai hi chu a zawng zawng a la ni lova. Amaherawhchu, ramdanga phurh leh hi tih chi vak lo chuan kan ngai a. Local atanga dap emaw, kan vety atanga dap emaw, Burma lam atangin a lokal thin te an ti a. Chungte chu tunah hian a lei dan tur kha kan ngaihtuah zel a. Tuna kan ... group-ho hi tih beidawn kan tum chuang lova. A sum a hi Ist Instalment rawn pek chauh a ni a nuai 140 chauh la rawn pek a ni a. Chu pawh chu kan la hmang zo chuang lova. Heng la awm zel atang hian tuna kan group a te hi la pek leh zel chu kan tum tho a ni. Kan Project hi tih hlawhtlin hram chu kan la tum tho a ni.

Tin, he vawk hian natna a rawn keng a ni lo maw tih lai kha kan hre chiah lova, vawk dangte akai a ni tih pawh kha report keini chuan kan la dawng chiah lova. Amaherawhchu, kan lo en Chiang anga. Chutiang te anih pheih chuan ngaihtuah ngai tak a ni ang tih a rin theih a. Tin, Rural Development Directorate hian engvangin nge helai hi a lo take-up tih lai a kha DRDA Lunglei chu kan hriat angin District mai an ni a, an te viauva. Chuvangchuan a vawk lak dan tur leh a vawk tha ngaihtuah thuah te khan anmahni a ngaihtuah mai hleih theih anih loh avangin

Directorate-ah engtingge ni ang a vawk te hi tih kha an rawn rawn lo theih lova. Tichuan State level angin ngaihtuahna kan nei a, vawk tha ngei pek nise tih kha kan duh bawk si a, chumi avang chuan Directorate hian a ngaihtuahpui lo thei lova a ngaihtuah pui a. a cash leh thil dang zawng zawng hi chu DRDA direct-a kal vek la ni a, a vawk ngaihtuah pui a Shillong a dawrpui a ni. Chu chu Directorate a inrawlhna chhan a ni a. Tin, chulo ah chuan vawkte lei zat chu 1500 a ni a. Kawngdungah 260 a thi a tichuan 1200 zet kha kan sem theih a ni a. Kan sem theih chhun paawh a thi leh vek baawk si a chuang chuan awmzia kan nei ta lo viau a ni tun tum Ist instalment a kan hmalak na ah chuan chu chu ka'n chhan theih chin chu a ni mai awm e.

**S P E A K E R**

Awle Doctor-in damlo a zai a zai hlawhtling hle in a in hria a, mahse damlo chu a thi ta si a tih ang deuh kha a ni ta a. Scheme tha tak te pawh hi a Execution a that loh chuan a fail Chiang thei hle tih kan hmu a. Chuvangin kan Department hote Minister hote anmahni theuhah uluk taka fimkhur taka kan tih kha kan ram tan a pawimawh em em a, hrenawn theuh ila. Minute khat a la awm a, zawhna hnukung ber atan zawt turin Pu H. Liansailova sawm ang.

**PU H. LIANSILOVA**

Pu Speaker ka lawm e. Ka zawhna Starred question 65na hi ka zawt a tin, hemi min chhan rual hian han hriat belh ka duh chu, hei BAFFACOS ah hian Aizawl khawpui kalsan tumna awmin ka hria a, Sorkar lam atanga a implementation guidelines siam ah khan a bikin keini Aizawl North I te North II te West II te hi khawpuiah awm mahila Mau tam hian direct-in min hit-ve ngei ngei dawn a. Kan eizawn na Aizawl khawpui pawnah thlawhhma te neiin kan awm a. Chuvang chuan hemi scheme hi min kalpui zel thei lawm ni tih kha ka zawt nghal a ni.

**S P E A K E R**

A zawt chiangin a lang e hei kan hun a tawp na a. Minister-in han chhang sela Supplementary erawh-chu awm theilo turah ngai ila.

**PU LALRINCHHANA  
MINISTER**

Pu Speaker, Pu H. Liansailova, MLA zahawm tak zawhna (a) Baffacos atangin Aizawl khawpui veng thenkhat ah Rarvulh tanpuina chhungkaw thenkhat hnenah pek a awm tawh em tih a ni a. A Chhanna chu, awm tawh e tih a ni. (b) Chhanna chu, 2004 ah pek a ni tih a ni a. (c) Chhanna chu Sorkarin guideline a siam angin heng chhungkua te hi Aizawl District a Selection Committee in Loneitute leh kut hnathawktu tanpui tlaka a ngaihte an ni. Eng rarvulhna atanah nge pek an niha engzat zelin nge tanpui an nih theuh, chhungkua engzat theuh nge an tanpui tih a ni a. (1) Bawng lianchi Dairy ah chuan chhungkaw pahnih tanpui an ni a. Bawng pahnih theuh pek an ni a, In sak sak an ni a, Dekchi, Baltin, Milk... leh Bawngchaw te pek an ni a. An Bawng te hi Insurance tihsak an ni baw. (2) Piggery vaw vulh chhungkaw 55 hnenah pek an ni a. Vawkte 4 leh In sakna leh Dekchi, Baltin leh a chaw eitur pek an ni. (3) Broiler chhungkaw 36 hnenah Broiler note 200 theuh pek a, In sakna, a chaw leh tui pekna bakah a chaw ei turte pektel an ni. Pa 4-na Layer Chhungkaw 38- hnenah Layer note 100 theuha pek an ni a, In sakna te, a chaw leh tui pekna bakah, a chaw eitur pek tel an ni baw tih a ni a.

Pu Speaker, a zawhbelhna anga an rawn tarlana kha hemi BAFFACOS-ina a hna chungchangah hianin practice-na a practice tute Mau tam avanga an buh leh bal thaar theilo turte chung mite chu ani tih hi Department in a kan lo dawnsawn dan a ni a. Aizawl khawpui chung leh District khawpui hrang hrang ah pawh hianin Zoom-in practice kan tam em em theuh mai a. Chu chu anih avangin Aizawl khawpui District Town hrang hrang ah pawh hianin khatiang practice tute huam anih theihna turin tiin hemi huap tel hian kalpui a ni a. Tunah hianin nikuma kan han tihah chuan chhungkaw 560 zet hnena kan pekah khan Aizawl-ah hian chhungkaw 130 vel pek an ni a.

Tichuan, Planning lam atangin hei hian khawpui a huamlo tiin (PU S. HIATO : Tunah khan ka zawhna chhan a ni a. Ka zawhna a tel ve a, BAFFACOS hi khawpuiah hmantheih a ni lo, a title line pawhin a phallo tih a ni a. Tin, kan Chief Secretary zahawm tak pawhin khami statement an siamah te Order ah te a lo tel ta a. A engzawk chu nge hman tur ni ta ang. Department 14 lai te hian chu chu khawpuia hmantheiha tuna mi... khawngaih takin Khawpuia rethei zualte chuan hman vek kha a khap dawn ani tih kha ka zawh belh a ni.) Pu Speaker, chu chiah chu ka han sawi zawm tur chu a ni a. Tichuan, Planning lampang chuanin hei hian khawpui a huamlo an rawn ti ve ta thung a. Tah chuanin, helai thu awmzia Department leh Chief Secretary Panning lamina an ngaihtuahna kha inan lohna lai a awm ta flat mai a. Tah chuanin, Complain keini pawhin kan neilo thei lova, Mizoram ah hian khawpuia chhiar chu Aizawl Town bakah District 5-ah hian Khawpui an awm a. Heng zawng zawng hi nih leh lo neitu Jhumming practice ah hian kan dahvek dawn em ni ? hei hi ni theiin keini chuan kan hrelo a ni kan ti ve si a, chu chu anih avangin Chief Minister- hnenah pawh kan thlena, anin.. a... Planning pawhin kan rawn ngaihtuah tha anga, a lehpek tihdan tur kawng hi chu kan la sawiho leh anga, tichuan, rem kan la rawn ruat tiang dawn nia a ti a. Chutiang dinhmunah chuan tunah hian kan la awm rih a ni e.

**S P E A K E R**

Kan Question hour chu a lo tawp ta a, Business dangah kan kal dawn anga, kan kal hma in thil pakhat a awm a, Khawhai bialtu

Member zahawm tak Pu Lalrinliana Sailo-in Special Mention hun hman a rawn dil a, chu chu amahte nen pawh inbiain a hman dan tur thlengin kan sawi duna, tiang chuan phalsak a ni a.

Special Mention chungchang hi kan hman hma-in tawite han sawi nawn leh tha in ka hria a. Nikum November ni 25 khan Bulletin Part II kan lo chhuah tawh a, chutahchuan, All India Presiding Officer Conference-in Zero hour kan tih thina kha mumal zawkin hman ni sela, danah pawh lakluh ni sela, kan ti a, Zero hour titawh lovin Special Mention ti ila, an ti a. Amaherawhchu, an tihdan hi kan la tih than lohthe a ni a, tin,

thenah te hi chuan Member te pawh kan chep lutuk deuh a, chuvangin Dan-a la lut hrih lovin hetiang ang hrul deuh hian han kal tum chhin ta ila, Engemaw chen kan hman hnuah kan la sawitlang anga, a awmtawk kan tih angah danah kan la la lut ang chu, tih rilru puin chutiang chuan kan la kal rih a, he recommendation-ina a tiha chu Question Hour zawh veleh Special Mention a tih theih ani anga. Amaherawhchu, Special Mention hi a hma ni ah, Session tawp hnu leh vawiinni anga Session tan hma thil inkar ani tur ani tihte ani a. Mahse, khang kha chu a chep lutuk deuhin a lang a.

Tin, minutes 2 chauh mi pakhatin hun hman phal ani a tihte a awm a, chu pawh chu a chep deuhin ka hria a. Chuvang chuan 5 minutes hun neih ni ta sela kan in ti a. Tin, sawi tur kha ziak lawkin ward 150 bak ani tur anilo tih kha ani a, 150 Words pawh a tlem em em mai a. Chuvang chuan 5 minutes chhunga chhiar hman turin han ziak lawk mai kan in ti a ni.

Tin, he Special Mention hi a Concern Minister khan tul atih chuan a chhang nghal thei a, a tih lem loh chuan a chhang lo thei bawk e, tihte kha a ni a. chutah chuan kaihhruaina pakhat ah chuan a ziak a awm bak kha chu, a sawi tur anilo tih ani bawk a, chutiang ang deuh Condition nen chuan in Special Mention hun hmang turin Pu Lalrinliana Sailo ilo sawm ang. A thil sawi tur a hi ZEDA kal dan chungchang a thil diklo ni a a hriat a ni a. Hei hi ziaakin min pe sa vek tawh a, a ziak ang kha han chhiar lang sela a tha ang e.

**PU LALRINLIANA SAILO :**

Pu Speaker, tuna Special Mention ka'n neih tur a hi Officer te tumah huat leh va tihchhiat tumna ka nei lova. Ram tana tha tur ni a ka hriat ngawih ngawih vanga sawi ka ni. Khawvel mi thiamte chuan Kum 2050 ah hian Tui alh thei khu a kang tawh ang an ti a. Pu Rajiv a khan chumi hun atan chuan Renewable Energy Sources alo vei hle tawh a, Ministry of Non-Conventional Resources hial alo din tawh ani, Committee pawh alo din tawh a. Mizoram ah pawh P&E hnuaiyah ZEDA in chu hna chu thawkin, anmahni Building ah Zuangtui ah sawn tunah hian an thawk mek ani. Amaherawhchu



Pu Speaker, MNES atanga pawisa lo kal thin chu tihchingpen ngei MZP hotute'n min hrilh a, chu chu theihtawpin kan chhui a, rin aiin chhui a har hle mai a. ZEDA Staff te ka va zawt thin a, an tang tlat a, an Pu te thu an awih hle mai a. Amaherawhchu, Opposition Lleader zahawm tak Pu Lal Thanhawla neria Delhi a kan kal khan, ama rem tihna in MNES Office ah ka zuk kal ta a. Tah chuan, thil tam tak hmuin ka inhre ta ani.

Tichuan Pu Speaker ka rawn hawng a, ZEDA ah chuan ka'n kal ta a, chutianga cirukna chu a awm ngei ani. Chutiang chuan ka chhuita a, a hmasa bera chu :- Kum 2004 Christmas dawn khan Dong Dong Enterprise hmingin Mamit a Bio-Mass enkawl nan cheng 4 Lakhs hi an siam ta a, chu chu thawh miahlo leh enterprise pawh chu awm lo ani tih kha ka'n sawi duh a.

Tin, chulo lehah chuan tunah hian an hreh chung chung leh an phal lo chung chung kha ka'n dil lui a, min entir tehu a, ka'n ti a, an register ber kan en ta a, tiang chuan SPVS an ti a, Solar Photo Voltaic system pakhat Rs.1,31,001/- man chu 200 kha tumah awm lovin Bill an lo siam ta ani, Pu Speaker, Tichuan, No 1 to 200 chu kan en ta vek a, a kar lak ami chu ka'n lachhuak ta a, No 1 to No 10 te, No 30 to 40, No 70 to 80 te, No 160 to 170 te, No 190 to 200 inkar te mihring an pek a chu Beneficiaries a an tih a chu kan en ta a, chu chu Aizawl ah te, Thingtlang ah te, Mizoram pum ah hian an awmlo reng reng ani. Phuah chawp hlang hlak ani tih hi he House ka hrilhin ka hriattir duh ani. Pu Speaker, tiang chuan tuna MZP hruaituten min hrilh anga cheng nuai za chuang fe mai ti chingpen tua an rinhlelh thu min hrilh avangin kan chhui leh a ni a. Tiang chuan nikum 2004 kum tir lam khan MNES in cheng nuai 299 leh singnga an rawn pe a, ti chuan Mizoram State ina kan tum ve tur nuai 61 chumi tenen chuan nuai 350 leh 50000/- chu a awm leh ta ani. Tichuan heng ang Buarpui bial te, Chawngte bialte, tin, Lawngtlai bial te, Tlabung bial te a remote area a rethei leh harsa zawk te, electrified ve loh te hnena Solar home lighting system leh street light chu pek tur ani a, a thlawn liau liau in an pe tur a ni. Tiang chuan solar home lighting system kha set 1454 ani a.

Tin, chubakah street light kha 151 ani a. Tichuan nuai 350 chuang a hi tih chingpen leh kan hlauh avangin kan chhui ta ngat ngat a, kan hotute remtihna zelin. Tiang chuan hei hi open tender a tih tur ani a, mahse open tender a ti lovin 1454 ah khan 290 chauh open tender a tih in an pe a, tichuan an mi duhzawng leh an thawhpui Swastic Enterprise kha a pe ta char char ani. Tichuan heng pawh hi Pu Speaker a dik tak chuan Mizo zingah duh ve leh thawk thei tam tak an awm ani, mahse chu chu technical ground a hnar thla in Swastic enterprice chu a pelui ta zel mai a, Director chuan, chutiang chuan Mizoram a Thingtlang khua a mamawh ve tak tak te eng pek ve natur kha a tihchingpen sak ta ani. Tunah hian pawh em em mai pakhat chu Central atangin cheng 2000/- per set ah transportation ah an rawn dah a.

Tin, cheng 300/- hi filthing charge ani a, tichuan a let a lingin hetah Lawngtlai area ami te Chawngte, Tlabung ami te kha cheng 2000/- kha mipui atangin a la let ta zawk ani. (Pu Speaker ka la chhiar zel, a pawimawh em mai a) Chuvangin tunah hian a thlawn liau liau a pek tur cheng 2000/- ava la zel a, ZEDA board Member te a hneh nitur ani. Tiang chuan a buaithlak em em mai a, Mizoramah ni 1.4.2005 VAT an lak avangin a thlawn liau liau a la turin cheng 2000/- ava lak hnu ah cheng 3000/- in ati leh dawn ta ani. Hemi thu hi kan Chief Minister zahawm tak pawh ka hrilh tawh a. MNF Worker tepawn sawlam ami te pawh in an be hle tawh tih kalo hria a, a mimal tak tepawhin, mi hnen atangin ka lo hria a. Chutiang chuan he thu hi ka mangan em avangin Ruling Party MLA 5 ka hrilh a. Tin Minister zahawm tak Pu Tlanga pawh ka hrilh tawh a. Tin ani chuan Chief Minister hrilh la a lawm khawp ang ati a, kan Chief Minister zahawm tak pawh hi ka hrilh tawh ani.

Pu Speaker, mahse vawiinni thlenga sawmi hmuna Director hi an khawi reng avangin tunah hian nuai 1743/- 36 Hamlets' tan MNES atangin alo kal leh dawn a, chu pawh chu 2005 leh 2006 a execute tur ani. Tunah hian chhuanlam engemaw te te siam in Central-ah zu ziak thla a ziak thla thin a MNES atanga ka document neih zawng zawng te pawh heng te hi ani a, dawt anilo ani. Chuvangin hetiang sorkar sum tihchingpen hi a pawh em em a, tin he thu ah hian Pu Speaker ka hneh ngang loh avangin Director transfer turin Chief Minister zahawm tak ka hrilh a,

....170/-

ka hneh ngang loh avangin ka mangangin Mizoram atanga Mizoram sum leh pai lut tur thlang lama liam thla ka ui avangin Consultative Committee member ka nihna angin taxation ah ka hrilh a, tichuan taxation in an va kal ta a, cheng nuai tam tak hmu dawnin an insawi lehngal a, ka lawm em em ani. Tiang chuan kan Zoram a rethei leh harsa te chanvo ve tur leh an chanpual hetiang a ti chingpen tu Officer hi hrem lohvin a chhuak tur ani lo tih hi ka demand a, tuna ka thusawi hi thu tak ani a, tin tunah sawn, an register te chu dawt ni lovin ala awm renga, thu dik ani. Chuvang chuan ka rilru ana a, Mizoram mipui rilru ana ve in ka ring a, MZP rilru pawh ana ani, chuvangin hetiang a, pawisa ti chingpentu hi kan Chief Minister zahawm tak pawhin engatinge ka hrilh tawha a ngawih reng, engatinge action a lak loh, Commissioner zahawm tak leh P & E Chief Engineer te pawh ka hrilh tawh a ni. Pu Speaker, ka thinlung ana em maia helai hi, chuvangin action lak ngei nise ka rawnti a ni.

**S P E A K E R**

Awle, Special Mention chu kan duh tawk anga, sawitawh ang khan hong hi a Concern Minister, in aduh chuan a respond theia, tul atih lemloh chuan respond loh theih bawh a ni. Awle, A changtu Minister, kan Chief Minister ilo sawm ang.

**PU ZORAMTHANGA  
CHIEF MINISTER**

Pu Speaker, kei pawh kha kha ka hriat vawikhatna ti mai ila, Advance a kan Member zahawm takina a sawitur a kha ka hriat bik loh avangin tun kha ka ngaihthlak vawikhat na ania. Hemi hi kha kha thil aawmdan ani em, nilo em tih lampanga han respond ve turin, tun kha ka hriat ve mai anih avangin a hma advance a paper min pekte leh an thusawi tura kha kalo dawn hman bikloh anih avangin han sawifiah natur emaw a kha ka hre bik law, amaherawchu kan sawi duh a chu, he kan House mipuite rorel na hi ram rorelna tha taka akal theihna tur atana rulling party te leh opposition te awm kan ni a. Chuvangin Opposition ten Rulling Party te pawh in kan Member ten thil diklo, a Politician ani emaw, Official ah ani emaw hmun dang reng rengah

thil diklo nia kan hriatte kan sawi chhuah chu Ruling Party sorkar lam pawhin heng hi anih ang taka adikna hmuchhuaka action lak ngai anih leh action la bawk turin hei hi sorkar kalphung a ni a. Department pawhin chung chu kan lo en ange tih kha kan sawi duh a ni.

**S P E A K E R** : Awle tunah chuan kan List of Business ah kan kal anga. Laying of papers a ni a. Pu Aichhinga, Minister zahawm tak, Rural Development Depaartment changtuin Correction of Answers to Unstarred Question No.7 put by the Honourable Member Pu Zodintluanga on 26<sup>th</sup> 9.2005. House dawhkanah rawn lay sela.

**PU AICHHINGA MINISTER** : Pu Speaker, i phalna leh he House remtihna in Member zahawm tak, Pu Zodintluanga zawhna Unstarred Question No.7 na tih dikna chu he House dawhkanah ka rawn lay e.

**S P E A K E R** : Awle a Copy te kha han sem ni Sela, a tha ange. He Unstarred Question No.7 hi a chhanna tih dikna an rawn siam hma a, a chhanna original a kha Member ten kan nei theuhin ka ringa, kan Member zahawm tak, Pu Zodintluanga hian an chhan dana a lungawi loh thu a rawn sawia. An tih luih chu anih chu ka ring chiah lova. Kei pawhin kan ena ka lungawilo em em maia. Khatiang tur kha ani thei ngang hian ka hre lova. Chuvang chuan atih that dan kan zawnga, hei, Short notice ah Department-in a chhanna a dik an rawn pe theia, a lawmawm hle a. rawn pelo phei se chu hei aia thui pawh hi kalpui ngai hialin ka hria a. Diklo lutukin a rawn chhang a lungawi loh thlak tak nin ka hria a. Amaherawhchu hei an rawn siamtha a. A lawmawm a. Tunhnu zelah Department lamte pawh

zawhna chhan chungchang thuah kan fimkhura tha thei ang bera kanin chhan zel hi a tha a.

Tin, chumi rual chuan kan sawitel duh a awma, Member ten zalenna kan nei a, Unstarred Question kan zawh hian thenkhat chu Department tana rip lutuk phek 100 chuang khatiang ang chi kha Information pek ngai te a awm thin a. Copy khat mai nilo Copy 400 bawr vel han siam ngai nen hian a hautak lutuk deuh a. khatiang chi-ah kha chuan Member tena phek atam dawn riau chuan, ka'n insum deuh teh ang tih nachang kha kan hriat a tha hle in ka hria a. 'Tilochu lehkhapuan kha a hek mai bakah khan thildanga hriattheih tho hi, tangkai lutuka lang lem lo hi phek 100 chuangte kha Unstarred Question pakhat chhanna-ah khan an siam thin a. Khamah khan Memberte pawh kan fimkhur ve a tha.

Tunah chuan Private Members Business-ah kan kal anga. Zirtawpni hi Private Members Business kan khawihni thin kha a ni a. Nimina ka sawi tawh ang khan Private Members Bill leh Private Members Resolution kha Precedent kan pe a ni. Tichuan, Resolution hi avaiin 8 kan hmu a, Bill 1 kan hmu bawka, Resolution te hi Ni 22 khan ballot a ni a. Chuta a indawt dan chu Bulletin Part II 110-ah kan rawn tarlang tawh a, vawiinah hian Resolution hi a hranpa in List of Business-ah kan dah lova, kha kha kan ring a ni. Chuan, Balloting—a Resolution chhuak hmasa ber chu Buarpui bialtu zahawm tak Pu Zodintluanga Resolution ani a. Hei hi a Resolution chu a ni, 'Mizoram Serthlum kung Tam, abik takin Mamit District huamchhung ami hi Sorkarin ngaihsakin Serthlum huan neituten an Serthlum Kung Tam avanga sum tamtak an hloh tur hi tanpuina thatawk peturin he House hian a phut a. He Serthlum Tam nasa hi Natural Calamity-ah puangin a Tam nachhan hi research uluktaka mithiamte tihtir turin he House hian a phut a ni' tih ani a. Le, a move turin Resolution neitu Pu Zodintluanga ilo sawm ang.

**PU ZODINTLUANGA**

: Pu Speaker, ka lawm e. Ka Resolution 'Mizoram Serthlum Kung tam, a bik takin Mamit District huamchhung ami hi Sorkarin

ngaihsakin Serthlum huan neitu ten he Serthlum Kung tam avang hian sum tamtak an hloh tur hi tanpuina thatawk pe tur in he House hian a phut a. Tin, he Serthlum tam nasa hi Natural Calamity-ah puangin hetia a tam na chhan hi research uluktaka mithiamte tihtir turin he House hian a phut ani' tih move turin hun thatak he House zahawm tak a min pek avangin ka lawm e. Mizoram khawthlang lam Mamit District huamchhung, a MLA bialzawnga sawichuan Zawlnuam, Phuldungsei, Kawrthah bialchhung mipuite harsatna tawh mek, abik takin Serthlum huan siamtutena vanduaina an tawh sawihova, ngaihtuah ani thei tur hi ka lawm a. Tunhma in serthlum kung Tam leh Serthlum chingtutena harsatna an tawh chungchang hi ka hrechiang chiah ngam lova. Tuna ka resolution pawh hi Rulling lam atanga move ni theisela, a chak deuh pawr ka ringa. Amaherawhchu, Opposition lama move pawh nisela kan Kut hnathawktute chungchang anih tlat avangin Pu Speaker, i dinglam leh i veilam hian danglamna neiin awmzia neilo sela, inlungrual tlanga kan pass theih ngei hi ka beisei tlat a ni. Pu Speaker, ka resolution tih chian theihna tura tan serthlum chungchang hi tlema han sawi hmasak ve tulin ka hria a. Kan mifing leh mithiam hmasa thahnemngai ten serthlum hi kum 1933-34 bawr velah Shillong atangin an rawn la chhuak an ti a. Sairang ah ching hmasa berin kum 1936 khan Tlawng lui mawng lam Hortoki ah te an ching ta zela. Kum 1940 kha chuan Pu Vanhlira, Sairang khua chuan Serthlum hi a hralh chhuakin a thar hial tawh a ni, an ti a ni. Mizoram chhunga la aawm velo thlaite leh a chi hrang hrang ti darha Mizoram tihlar kawngah hian Pu Khamliana Sailo te, Pu Hmar... Sailote hian sul an su nasa tih kan mithiam leh kan senior ten min hrilh a. Tlawng dungah Serthlum chin a hlawk tih thuin Zoram chhung a fan a. Zoram hmun hla tak tak atangin Serthlum ching turin mi tam tak an lut thla a. Chungte chuan a hlawkna an hmu tan chauh dawn emaw kan tih laiin 1954 khan vanduaina a lo thleng ta a. tlawng dung ah chuan Serthlum tam chi hri nasa takin a rawn tlakbuak a, an thi fai ta vek a. Hemi atang hian Serthlum ching tur pawh hian Mizo ten engemaw phen chu kan thuanawp phah deuhin a lang a. Kum 10 zet hnuah kum 1965-66 vel aatang khan Kawrtethawveng tlangdung atangin a chi leh a tiak te rawn la chhovin lei tan leh a ni a, chu chu Mamit District chhunga an rawn tih tan leh dan niin kan mithiam te leh Ram senior serthlum lam tuimi ten min hrilh thin a. Khawthlang lamin Serthlum an hralh chhuah avanga hmasawna leh mahni intodelhna an neih chu keimahni hian, sawi lan ngaiin ka hre lova, economis leh sumdawna, Mizoramin kan thar chhuah kan tihve, kan ram eizawna ber kan tihah chuan serthlum hi no I niin ka hria a. Chungte chu khawthlang lama kan thar chhuah niin ka hria a.

Tun hnu hian Zoram hmun hrang hrang ah hian Serthlum hi kan ching tanve deuh chauh niin an sawi a ni. Mamit District chhunga serthlum thar chhuaktute hian vawiinni ah chuan chhungkaw tam takin chhiatna an tawk a. An serthlumte a tam a. Chutianga harsatna an tawh chuan keini hian kan ngaihthah mai turin ka ngai lova. Kan ngaihtuaha uluk deuha engtinngae an harsatna te kan sutkian ang tihte kan ngaihtuah te a tulin ka hria a. Vawiinni ah hian serthlum chingtute an fairel bel a nghawng a. An inngahna ber an serthlum huante chu vawiinni ah hman tlak lohvin a awm tawh a ni a. Chung awmziate chu vawiinniah hian kei ai hian kan Mamit bialtu zahawm tak hian sawi sela, a hrechiangin a sawi pawh a sawi thiam ngei ka lring bawk a ni. Mamit bial a khaw tam takte ka zuk tlawhna a. Phuldungseite, Kawrthah bialte pawh, an harsatna te a hmunahte ka zuk zawtve thin a. Chutiang an harsatna chu tlem han tarlang leh ila, a thain ka hria a.

Tin, kan Department lam, Horticulture lamte pawh ka zaawt a. Kan Department lam atanga min hrilh dan chuan Kawrthawveng khua ah chuan kum khatah Rs.50 lakhs la lut thin khan 2004-2005 kha chuan Rs.30,000/- vel chauh an lalut tawh a ni. Mamit district pumpui ah 2002-2003 chhunga 182 lakhs an lakluh a nih lai khan 2004-2005 kha chuan Rs.30 lakhs chauh hi la lutin an chhut a ni. Hei hi district chhunga an mipuite leh a hria leh serthluma tuimite chhut dan nen chuan a in anglo viau na chungin tuna kan sawi dan angte kha kan department te pawhina kan tuar nasatzia leh kan economic dinhmun a kan tlak chhiat nasat zia tilang tu a ni a khumi bial chhunga Serthlum tuimi, a chhut mi inti te chuan serthlum a tam hma kha chuan kum khat ah hian Rs.400 - nuai te thar chhuak thei in an in chhut a. chutiang chu kan dinhmun a ni a. Pu Speaker, kan state hi naupang te leh rethei te pawh ni ila state pawn lam chhiat tawh na ah te harsatna an neih te pawn tanpuina leh chhawmdawl na hi kan thawn ve zel thin a. Entirnan Sunami avangin India ramah chhiat na tamtak kan tawk a. Chung ah te pawh chuan pawisa khawn in sorkar in tanpuina pe in Mau te, dap te team wagon engemaw zat kan thawn thla thei a Gujarat lirnghing in nasa taka chhiat an tawh te pawh kha a Mizo mipui te nen an sorkar ang pawn tanpuina kan thawn a, chutiang zel chuan Kargil indona ah pawh tanpuina kan thawn a, khatiang kan thawn thei kha a lawmawm em em a, kan seat chhung ah ngei pawh hian Natural Calamity tih ngei

te pawh, kan fimkhur loh avanga kangmei chhuak te pawh sorkar hian tanpuina min pe thin a ni. Chung avang chuan sorkar hi kan nu leh pa, kan harsatna min chhanchhuak tu an ni kan ti thin a.

Vawiinniah hian chhiatna hi tu chung ah pawh a thleng thei, eng hunah pawh a thleng thei a ni a. Hetiang tanpuina kan in pek hunah hian in thik thei tur pawh hi ka hrelo a ni. Vawiin nia he rorelna a thu te hian kan ngaihtuahna tak tak kan hman tul in ka hria. Khawthlang bialten vanduaiana an tawh chungchang hi kan hriatpui mai ni lovin, a tak tak in kan tuarpui a, Natural Calamity a kan puan a, kan beihpui tak tak hi a tul a, BAFFACOS kan ti a, kan rama Mau Tam tur lo inven lawk nan BAFFACOS atang te in Central ah tanpuina tam tak kan dil a. Tunah pawh Serthlum khawthlang lamah a tam a, heng te hi a tanpuina tur in Central ah pawisa zuk dilin a tuar te hmanchhuahna tur atan hian Central lamah te pawh khuan tun aia nasa zawk hian tanpuina dil hi tulin ka hria a.

Tin, chumi piah lamah vawiinah mai pawh BAFFACOS atangin sum tam tak kan hmu a. Heng pawisate hi vawiinnia serthlum huan a chhiat avanga tuarte tanpui nan hian kan BAFFACOS pawisate pawh hi hman theih nise a lawmawm khawpin ka ring.

Pu Speaker, kan sawi tawh angin vawiinniah hian Serthlum tam hi a zo mai dawn lova, kan la buaipui chho zel dawn niin a lang a, engvanga tam nge engnge a chhan? engnge a invenna, a pumpelh dan a awm em tihte hi kan hriat chian a pawimawh a. Tuna kan dinhmunah chuan Horticulture Department a kan hotute leh Serthlum ching tute ngaihdan hi a inpersan tlat avangin a buaithlak a, a inpersan tlat a. Chuvangin a buaithlak a, a inpersan tlat a. Chuvangin research te pawh hi uluk lehzuala kan beih a, tulin ka hria a. Serthlum hi chhungkaw tam takin eizawn nan an hman tawh a. Serthlum huan tel lova eizawna neilo te pawh kan awm ve tawh a ni. Chuvangin, Serthlum chingtute harsatna tawh mek hi a thlentu tur hi mithiam zawkte zawchhuah tir a, chhuichhuah hi kan mamawh tak meuh meuh a. Chumi tur atan chuan kan sorkar pawh hian pawisa sen hi ren lo ila. Chiang lehzuala kan chhuichhuah ngei hi a tul tak zetin ka hria a ni. Kan kut hnathawktuten chhiatna rapthlak tak an tawh mek laia an chhungkuate chhawmdawla tungding leh turin sorkar atang lo chuan beiseina tur a awm lova. Heng dinhmun khirh taka awm mekte



chhanchhuahna atan hian BAFFACOS emaw MIP atangte hian kan sorkar hian tanpuina tha tawk pe turin ka ngen duh nghal bawk a ni.

Pu Speaker, ka resolution Mizorama Serthlum kung tam a bik takin Mamit District chhung ami hi sorkarin ngaihsak in Serthlum huan neituten he Serthlum kung tam avang hian sum tam tak an hloh tur hi tanpuina tha tawk pe turin he House hian a phut a. Tin, he Serthlum tam nasa hi natural calamity-ah puangin, hetia a tam na chhan hi research uluk taka mithiamte chhui tir turin he House hian a phut tlat a ni tih hi he House zahawm taka sawiho turin ka rawn pulut a ni e. Ka lawm e.

**SPEAKER**

: A move thiam bawk a, a dap tha viau bawk a, sawiho vak loin pass ila, vawiin chu nidang anglo deuhin pariat lai kan nei sia, kan kal vak thei mai em aw, ka ti deuh a. Engnge ni, kan sawi duh a lawm maw le, kan ti dawn nge (Member sawi duh an phar nual a) Awle, sawi duh kan awm nual dawn chuan, engtingeni nidanga kan tih thin dan ang thoin Member te minute 10 emaw hun inpe ta ila, kan Leaderte erawhchu, kan tihdan pangngai ang bawkin hun tlem pek belh leh bawk ila. Chutiang bawk chuan kal ila, resolution hi i sawiho dawn ang hmiang. Pu K. Lalrinliana a lang hmasa deuh tlat a ni.

**PU K. LALRINLIANA**

: Pu Speaker, ka lawm e. Hei Member zahawm tak Pu Zodin-tluanga resolution hi hetia han ngaihthlak mai chuan thil tih awm tak tih ngei ngei chi tur ni awm tak a ni a. Mahse, zau deuh zawka ngaihtuah chuan a bik takin Mamit District huam chhung, tih hi a zau lo deuh ani. Mamit District huam chhunga Serthlum tam dante chanchinbuah te kan lo hmu a, sum leh pai pawh kum danga an hmuh thin ang an hmuh loh dante pawh kan lo hre tawh a. Mahse, Mamit District chhung ringawt mai han tih bik hi keini District leh District

dangte pawh a tam ve nasa a, kei ngei pawh hian ka phun a. Ka dil kamah khuan Serthlum hi ka phun ve nuala. N. Hlimen atangin a chi ka la lut a, keiman ka kui a, chumi chu keimah ngeiin ka phun sawn leh a, engnge maw zat chu ka phun a, tunah hian a rawn tam a, kum 7 lai chu a ro a ni. Kung li vel kan kit thlu tawh a, a bak kung 3 vel khu kih thluk turin hmabakin ala awm ani. Chutiang chuan N. Hlimen leh hmundang Kolasib District chhungah pawh khuan engemaw zat Serthlum a tam a ni. Kan hriat angin Saitual bialah te, hmun dang dangah pawh Serthlum a tam avanga harsatna an tawh hi kan hre teuh a ni. Chuvang chuan hemi Resolution a Mamit District huam chhung bik kan a tih hi a dik theiin ka hre lova, hei hi ngaihtuah chian a ngaiin ka hria a. Zoram puma harsatna kan tawh mek a ni. Tin, chumi bakah chuan Serthlum tam hi 'Natural Calamity-ah puan nirawh se' han tih pawh hi Natural Calamity puan tur ang chi hi a bikin awm niin a lang a, Natural Calamity a kan lo puan ngawt theih tur ang chi pawh niin a lang lova. India sorkar emaw keini Mizoram State sorkarin emaw kan puan theih ni hian a lang lova ani. Finance Commission in uluk taka thlirin recommendation a siam a, chu chu India sorkarin alo pawmpui chauh thin a ni a. Chuvangin, heng Natural Calamities te hi a tanpuina tur bik pawisa pawh ruahmanna an nei a. Chu chu CRF an ti a. 'Calamity Relief Fund' hi a ni a. Eleventh Finance Commission in a recommend-na anga Natural Calamities te chu hengte hi an ni a. Cyclone tuar te, lirnghing te, Leiminah te, Rialah te, Landslide ah te, Rannung puang, vur tawh tih angte, item bik 10 (sawm) thlan an nei a, Eleventh Finance Commission leh Twelfth Finance Commission atanga recommend atanga pawm a ni a. Tin, hemi bakah hian Tsunami pawh hi telh leh a ni a. Chutiang chuan chhijatna thleng chiah khanin tanpuina pek thin a ni a. Lawngtlai, a bik takin 1995 ruahsur nasa leh leimin, tek tla vak vak ang chi-ahte khan Natural Calamity pek thin anni.

Tichuan, Calamity Relief Fund pawisa hi emergency thil, nunna leh bungruate chhanchhuah vat vat nan kan mamawh a hman tur ani a, venhimna (prevention) lamah hman phal a ni lova ni. Chuvang chuan he Resolution a bik taka Mamit emaw, hemi Serthlum tam a hi Natural Calamity a puang tura han tih hi thil remchanglo niin ka hria a. Tin, research uluk taka mithiamte tihtir turin he House hian a phut a ni, a ti a. Mizoram hian kan buaipuina hi alo rei tawh khawp mai a, Serthlum tam chungchang hi mithiamte pawh hian an lo buaipui fo tawh a, kan State sorkar pawh hian nasa takin alo buaipui tawh a ni. Mithiam tena an buaipui dan hi ka rin aiin alo nasa a.

Tin, Serthlum hi kan chinna chin pawh hi a lo rei tawh a. A tam chungchanga harsatna kan tawh pawh hi a rei tawhin, Mizoram sorkar pawhin ngaihtuahna alo hmang nasa tawh a. 1957 velah Tut luikamah chin tan nia hriat ani a. 1965 hnu atangin Hachhek velah chin tan alo ni leh a. 1972 atangin Kawrtethawveng khuaah te pawh chin tan ani. 1983 ah Cachar vai hote nen indawr tanin, insumdawn tawnmate tanin sum leh paiah pawh hlawkpuinate kan nei tan ani. Mahse, heng hian a daih rei lo thin a. Reiloteah a tam chho va. A chingtuten harsatna an tawk a, hlawk zawka Serthlum chingtuten hmalak tumna an nei dawn chauh a, a lo tam avangin harsatna an tawk leh, thin a. An tum angin a hlawk lova. Hmundangah (ramdangah) an insawn pawhin a lo tam leh thin ani. Chumi avang chuan Zoram sorkar pawhin ngaihtuahna a hmang nasa. Tin, National Research Centre for Citrus atangin Scientist rual an lo kal a. Zoram Serthlum tam chhan te pawh an rawn chhui a. An hmuh danah chuan huan enkawl that loh vang. Serthlum huante an tet lai atanga uluk taka an enkawl loh vang tihte an hmuh chhuahah chuan a tel ani. Thal lain tui pek tur a awm loh vanga tui an pek that loh vangte niin an hria a. Tin, Serthlum kung natna te rannung lama venna te, huan neituten an tih loh vang ani, an ti a. Huan vawn thianglimna kawngah hmalakna an neih that tawk loh vang ani. Huan hnim lutuk, Serthlum phunte pawh dip thei khawpa an enkawl that loh vangte ani thei a. Plan mumal tha awm lova, a tir atanga, khur laih that ang chite leh leitha lo dah lawk ang chite atanga phun anih loh vang ani tihte. Tiang chuan leitha pekloh chungchang thleng pawn an sawi ani. Research te ti a Scientist ten an lo hmuhchhuah tawh dan ania. Chuvangin, a bik taka Research uluk taka ti tura tih ai chuan a enkawl that dan inzirtirna tam zawk kan neih hi a tul niin a lang a. Serthlum kan phunna kawng chungchangah hian sawitur tam tak a awmin ka ring a. Member zahawm tak Pu Zodintluanga thahnemngaihna kha a fakawm ka ti a. Khatianga Serthlum tam Mamit bik a ti chauh erawh hi chu pawm har ka ti a, sorkarin a ngaihsakna hi a lo rei tawhin, a lo buaipui tawh dan sawi dawn ila sawi tur a tam ang a. Serthlum a tam avang hian Kolasib a ICAR Scientist te kan zawt thin a. Annite pawh khuan Serthlum hi a tam a ni lova, enkawl that tawk loh vang ani an ti a ni. Department in a bik taka an enkawl tir Pu Denghnuna E. Lungdar te, Pu Luaia S. Hlimen te kan han hriatah te pawh hian. Hengte pawh hi Serthlum tam awmlo tura anihna anga an enkawl tirah te pawh hian an hlawhtling viau niin a lang a. Chutiang chu vawiin nia kan dinmun anih avangin a enkawl na lampang zawk kan kalpui tam te pawh hi thil tul niin a lang a. Chuvang chuan Mizoram pumpui hi Serthlum tam bik kan ngaihtuahnahte pawh hian lang pha

thei se a thain ka hria a. Pu Chairman, hemi kawngah hian vawiinniah kan Member zahawm takin Resolution a rawn putluh hi a zahawm ka ti chungin Mamit District ringawt mai kan tih chuan Zoram puma Serthlum chingtute rilru te pawh kan tina thei a. Tin, Department pawhin mithiamte ruaiin research neih alo ni tawh bawk nen. Natural Calamity a han puanna tur atan khan vawiinniah hian han puan theih ani bawklo ani tih a chiang bawk si a. He resolution hi pass theih turah ka ngai lova, a zahawm khawpin ka hria a. Chutiang zawnga kalpui chu nise tiin Pu Chairman ka rawn rawt ani e.

#### PU LALTHLEGLIANA

Pu Chairman, ka lawm e. Hei a bik taka Mamit District chhunga Serthlum tam vei chungchangah Pu Zodintluanga, Buarpui bialtu

MLA zahawm takin resolution a rawn nei hi a ngaihtuahna leh a rilru te ka chhutin a lawmawm ka ti a. Amaherawhchu, helaiah hian ngaihtuah chian turte pawh hi a tam ve in ka hria a. Hei Assam ramah te, Maharashtra ah te hetiang hi an lo buaipui tawh a, India ram mithiam tak tak ten an lo buaipui tawh a. Kan ramah pawh term hmasa atangte pawh khan hun rei tak atangin buaipui a ni tawh a, kan vei tlang a, mithiam te pawh kan lo rawn thin a, phai lam atangten an chah chhuak a. Tun sorkarah ngei pawh Japan ram atangten mithiam an lo kal a, a ngaihna tak tak hi an hre lova, a chhan nia an han hriat nichina kan ngaihtlak tak ang khan "ani awm mai tak e" tih theih turte chu a awm bawk ani. Mahse, a chhan ber ani ang em tihte hi hriat a har a. Chutiang chuan he Serthlum tam hian hmun hrang hrang America te, S. Afric te, Australia te leh Argentina ahte pawh henghi an lo buaipui nasa hle a ni. Chutiang chuan khawvel huap deuh hleka thil kal ani a. Mahsela, a tam chhan tak tak hi hriatthiam a harin an la hmuchhuak lova. Reiek khua awm thin ka nia. Ka pa hi kum 89 anihin a boral a. Ka pa pa, Ka puin a phun kha vawiinni thleng khuan ala nula ani, Serthlum kha. A chhan chu leitha a vur a, a panga bawngghar awmte heng ang chi zawng zawng hi a ziat fai vek a, a tangro kha a hlep chhum zel a, kumtin leitha a pe a ni. Rah tam tak chhuah thin a ni a. Nimahselangin leitha a kham loh chuan a hnah chhia rau thit thet atangin a rawn intan a, khatiang khan a pan thin a ni a. Enkawl a nih chuan chutiang chuan nula awm thei tih hi chu keima experienced chuan

kan ser kung 2/3 lek atang chuan a hriat chian a, kum za chuang ngawt mai a dam tawh ani a. Chutiang chuan hei Mamit District chhungah a vanglai tak tak chuan nuai 182 lai an lo lei thei a, Serthlumin nikum lamah kha chuan nuaih 30 vel chauhah a tla a ni. A vanduaithlak hle.

Chutiangin Sawhthing ching tam tak mai te pawh hi a vanduaithlak hle a ni. Sorkar ang pawhin hengte hi chhan sak a tul a. Tiang chuan khawvel hmun hrang hrang atanga an lo buaipui tawh angin Nagpur atangin Missionary Research for Citrus Scientist ho Mizorama lokal pawhin a chhan bulbal tak hei hi a ni e, tih fak an rindan kha an sawi mai a, an nei thei tak tak lo nite pawhin a lang a. Chutiang thil chu vawiinah hian han ngaihtuah chho vak dawn ila engtia tih tur nge? kan ramah tam thei a pui a tam a. Heng ang hi intanpui sen a ni ang em? tihte pawh hi ngaihtuahnaah a awm avangin MIP lam atangin theihpatawpin Mamit District chu Potential Area a ni a. MIP-ah pawh hian helaiah hian thil tha thar hlawk lam deuh dap ila tih nasa takin, thlan bikah pawh neiin, MIP pawhin nasa takin hma a la mek a ni. Chutiang chuan Mamit District bulah hian duhsakna pawh an chang bik a. Tichuanin 11<sup>th</sup> Finance Commission duhsak bik thlan bik a recommend angah chuan heng cyclone te, Earthquake te, draught te, Flood te, etc. khatiang kha an thlang phawt a. 12<sup>th</sup> Finance Commission khan 4 lai a rawn tih belh a. Landslide te, rannung pung thut te a rawn thlang leh a, chutiang te chu a rawn thlang leh a, a hnuah Tsunami kha loh theih lohin an ti leh a ni. Chuvangin Central Sorkar a ni emaw, keini sorkar ani emaw hei hi Natural Calamity-ah puang thut thei kan ni lova Finance Commission a recommend tur a ni a. Helaia hi sorkar kha leh chen kan lo chelh tawh te khan kan hre lo emaw ni kan ti deuh a, chulaia chu tih belh theih mai ani lo. Puan theih nise Sawhthing tam te pawh hi puan a chakawm khawp a, kumpui lingleta an hmalakna han ral ta duak mai te hi a vanduaithlak ani. A bik takin nula inleng ngah deuhin a bik takin Thanga mangtha aw a tih ang deuh, khatiang anga in mangtha kha a ang a, kan bula thu Lawngtlai bialtu zahawm tak pawh hian kan bial lamah te khian a tam nasa asin a ti a, chutiang chuan North Vanlaiphai bial te, hmun tin maiah hian a tam si a. Tuna hetia a bik takin han tih hi khulai biala Congress tam tak hi kan vei zual chu a ni ta ang a, ka ti a, Pu Liansuama phei chuan a tam nasa bawk ani ang, a bel belin kan suan a, a baw tlem duh khawp mai a ti lehngal a.

Helai vei thutna a lo awm pawh hi lehlamah a lawmawm rualin tunhma kha leh chen kha kan ngaihtuah

tlang a, harsatna kan tawk a. Tun sorkar erawh chuan nasa takin awlsam taka MIP ang zawnga thlak dan a awm lawmni tiin ngaihtuahna te a hmang a. Kawng pawh a dap nasa a. Tunah khuan zawl awm thei zawng te, engemaw zat laihzawl sak niin kawng chi hrang hrangah hmalak tumna a awm a. Chubakah Bawngva leh Nalzawl inkar tumah la khawih loh, ram zau em em pawh Bull Dozer a sawisak a laih tir dan pawh ngaihtuah a tha ang tih MIP pawhin a ngaihtuah ani. Kawngpui khu a chawm theiin a rinawm ani.

Tun tumah chuan hetiang anga a bika veina lo awm hi a lawmawm a, kan tih theih loh thil ani a. Nasa taka tanpui an chak awm rualin tanpui pawh hi sorkar kalphungah sorkar kal tawh zawng zawngin an lo ti thei lo ani a, a tih theih dan kawng kha chuan kan sorkar pawhin dap sela, an harsatna hi a rang thei ang berin lo neihna chi dangah emaw thlak thleng dan ngaihtuahin kawng dap se, he resolution hian kan sorkar lam pawh min var chhuah sela, lo nei mite tan malsawmna thar sertam nei tan malsawmna thar lo chan theihna turin tih kha a thenlaih thlawp deuh siin kan sawi ani e. Ka lawm e.

**CHAIRMAN** : Pu R. Lalzirliana, Saitual Bialtu sawm ang.

**PU R. LALZIRLIANA** : Pu Chairman, ka lawm e. Vawina kan resolution Pu Zodin-tluanga MLA zahawm tak resolution Mizoram Serthlum kung tam a bikin Mamit District huam chhung ami hi sorkarin ngaihsakin Serthlum huan neituten an Serthlum kung tam avanga sum tam tak an hlauh tur hi tanpuina pe turin he House hian a phut a, Serthlum tam nasa hi Natural Calamity ah puangin a tamna chhan hi research uluk taka mithiamte tih tir turin he House hian a phut ani.

Kan House kalphung hi ka sawi tawh thin angin thil tha, i dinglama thute pawh khanin thil tha tak ani

a, mahse an han tih leh zel thin hi chu kan rilruah i sawi zawngin i nihna a lang e tih a lo lang thin a. Hetiang ang kan tih thin loh avang hian kan intanpui thin loh avang leh i veilama thute thu hi hnial hrim hrim tur emaw an tih avang hian thil tul tawh lo Fisheries Bill te pawh hun hekin kan sawi leh phah ani a, a tha lo ani pawm ve mai rawh u, kan mualpho ang e he House hi kan ti a, ban tam lam chhuangin min phar thla a. Governor ah an thleng a, Governor in a tawp emmai a ti a assent alo pe thei lo ani tih kan lo hria ani. Khatiang khawp khan kan mualpho a. Mamit bialtu khan nula rim lai anih avanga hetiang han tih te pawh a ti pawh ani mai thei, nula kan rima Rulling lam pawhin an rim mek a, chutiang laia induh tawh a midang MLA te belh kan ngai tawh hlei nem, helai bial chuan a tuar tuarin tuar sela, ti a duhsakna pakhat pawh hetiang kawnga kan hlan thei lo kha a pawh hle in ka hria ani. Chuvangin lian in ti tawh te an tlak a hun ani dawn a he hunah pawh hian in rawn sawi ngai lo hian tih kan lo tum a kan ti dawn nia ti a min thlawp mai kan beisei ani. Kan State a tul angin Natural Calamity kan puang thei a chuta tang chuan sorkarin a bawhzui ang a, action ala mai tur ani a. Roreltu ten theih loh nei anga kan inhre tlat hi a rualawh thlak hle a ni. Vawiinnia kan tum dan te thlak ila engpawhnise research chu Australia ah pawh alo tam nasa se, he resolution in a tum pakhat chu helaia Serthlum tam eizawanna a hmangtute an lo mangan takah hian tanpuina a duh ani tih zawka hi kan ngaihtuah a pawimawh zawk ani.

Tin, heng resolution hi hman atang khan Congress Party chuan kan manifesto ah kan khung tawh a, hetiang hian a tam chho tawh a, a ro hnuah chuan tupawh kal sela chhandam theih ani tawh lo. Prevention is better than cure, an ti a, chuvangin leitha kha kan pek a tul anih pawhin a tam hmian kan pe ang a, a damdawi kha kan pek a tul anih pawhin a tam hmian, khanga kha kan pe zawk tur a nia, vawiinnia a tam hnua Japan ami kan chah a han tih ve leh chhawnga kha chu a holam deuh hlekin ka hria a, chuvangin, Pu Chairman, Congress Party kha chu lo lai tawh ni ilang chuan term hmasa pawh khanin kan Manifesto ah khanin Japan mithiam te, Israel mithiam te, hengho research beih tur hian kan chah chhuak ang kan ti tawh daih a ni, vawiinniah hian Japana lo kal chu tungeni kan MLA, zahawm tak kha zawt ta ila, a hriat ka ring miah lo, helai House-ah hian inzawh leh phawng phawng kha a awm lova, engemaw tia thudik lo mawihnai tak han sawi mai te pawh hi thenkhat hi chuan kan hreh mang lova, a pawh ka ti khawp mai a ni, chuvangin hetiang hi a

research beih tur pawh midangin an ching zel anga, khulaih pawh chin leh theih tho ani, chutianga chin lehna tur atan chuan a tam lohna tur chu kan ngaihtuah zawk dawnin ka hria a. Mizoram hi engkim that theihna hmun a ni a, kan vannei em em mai a, kan hotute sorkar lam hnathawktute pawhin ngaihtuahna an nei nasa, helaia House a mipui aiawha thlankhawm te pawhin ngaihtuah kan hotuten in nei nasa ani tih kan hria a ni hmanlai atang tawh pawhin tiang chuanin thingtlanga lonei mite, kut hnathawktute hamthatna tur garden colony kan ti a, Jhum control kan ti a, NLUP kan ti a, vawiinniah MIP kan ti leh a, tiang chuan nasa takin kan ngaihtuah tawh hlawm ani, hengah hian a hlawhtling bera lang chu Serthlum hi ani tlat a ni, Serthlum hi sorkarin a hralhna kan ngaihtuah pui a ngai hauh lova, a lo para a sen atangin a leitu turte an lo kal chhuak a, tiang chuan a kung an lo khar ringawt mai ani. Chutiang ang chuanin Serthlum hi kan tan thil hlu tak a ni, chhimlam ani emaw hmarlam ani emaw thlanglam ani emaw chutiang ang chuanin vaiho hi hmun kilkhawr berah pawh a phurh ngaihna hmunah pawh a sen atangin, an va kal a an khar ngam a ni, chutiang ang chu uluk taka vawiinniah hian kan ngaihtuah ngun a ngai a ni. Khulai Mamit bial ber kher engatinge in tih tih te pawh kha vawiinniah chuan Mamit bial Kawrthaht, Zampui tlangdung khung lai anga a eizawnnana hmang tak tak hi an awm meuh lo ani Mizoramah hian, kan MLA zahawm tak te pawh khan kung sarikh ka ching a, a tam dawn emaw ni, tih lek ang kha ani lo a ni. Anni chuanin a kung nuai telin an ching a, khatiang khan kumkhat product an lei chhuaha pawh kha nuai tam tak vaibelchhe tel dawn kha bial khat ami pawh khan an thar thei ani a, hetiang ang hi uluk taka kan ngaihtuah a pawimawh hlein ka hria a ni. Chuvangin, kan duhnaah chuanin vawinniah pawh mau a tam dawn a, 2007 ah mautam kan urlawk a ni. Kan mautam tur te hi tih tak takah chuan 1959 vela mautam ang kha ani tawh lova, khang hunah kha chuan motor thingtlang khuaah a kal tha thei lova, buh leh bal kha kan inngahna tak tak ani, tampui mitthi a thleng thei ani. Vawiinniah erawh chuan chutiang ani lo chungin sum siam nan, sum lak luh nan a that avangin kan hotuten an ti a. Kan sawisel hranpa love, a hmanna erawh hi chu dik se a tha a chutiang chuan heng mautam tur kan inbuatsaih ai chuan Zampui tlangdung, Kawrthah te leh Mamit bial a Serthlum tam te khuan nasa fe in an tuar tawh ani, mau tam a ngai tawh lova, Serthlum tam tunah hian an tuar tawh ani, mau tam hi tuar leh tur chuang pawh an awm tawh lo. Chuvang chuan, Pu Chairman, vawiinnia kan Resolution hi hnawl anih chuan nichina ka sawi tak nula kan rim lai pawh a, kan hnen atanga beisei an neih pe phai miah lo chhungkuaah kha chuan luh an chak



lova, chuvang chuan, helai bial chhung mipui pawh hi rilru dang sum leh pai in kan lei leh mai ang tih ang kha ani dawn lo ani. Chuvang chuan, min pass-pui ngei ula, tichuan, fair fight in free and fair election nei ila chutah pawh chuan in bei ta ila kan cho khawwp mai tih kha Pu Chairman kan sawi duh a. Tin, member zahawm tak Resolution hi pass ngei turin ka sawm che u ani. Ka lawm e.

**PU R. KHAWPUITHANGA**

Pu Chairman, ka lawm e. Kan Resolution hi en ila, pakhat mai pawh nilovin, No. 2-na leh No. 5 naah pawh hian I veilam amite

khan rawtna an siam a, an ngai pawimawh hle a. No. 8-na te pawh sawi thleng hman ila ka duh viau va, tunhnai lawka India Today in hmasawna kawng chungchang thu India rama tehna a lakah State 30 ah 20 State lianah nilovin keini State te ho, State 10 vel zingah, Mizoram dinhmun sang taka an dahna lai te kha sawi ka chak ve khawp mai a. Primary Health ah pakhatna State te zingah kan nih te, dan leh thupek kenkawhnaah 2-na kan ni pha te pawh kha ka sawi dawn ta lo chu ka ui viau va.

Pu Chairman, Serthlum

chungchang bik hi ka tuina ani a. Tunhma kum 15 vel atang tawh khan ka huanah ka ching teuh mai va, ka chin chhonzawm zel a, tichuan, a kung thuah phei chuan kung 700 vel kan nei a, a par tan tawh a. Mahse, kum 10 hma lamah khan a tam hria lo kal chho ta a, mahse ka ti lui zel a, khawthlang lam a tam vak vak lai pawh khan sorkar leh mithiam te pawh hian a damdawi an himu chhuak ang a, helam chu a rawn thleng chho em lovang chu ka ti zel a. Pawiti takin ka ngaihtuahna ka hmang a. India rama mihring tluklehdngawn lai awm tawhah hian kan Supply hneh dawnlo ani tih kha a chiangin ka hria a. Tin, a Market lama buailo anih avang hian Mizoram pumpui hi Horticulture area anih bawk avangin a bik takin Serthlum tluka tha hi a awm thei hian ka hrelova, vawiinni thleng pawh hian tam lo sela chu, chu chu kan ngaihdan pawh a la ni zel ani. Tichuan Serthlum hi, ka ngaihtuahnaah chuan, midangte ngaihtuahna pawh ani ve tho ang a, kan ching nasa em em a. Amaherawhchu, a tam hri kha alo kal chho zel a, Mamit bialah te, bial dangahte pawh ani zel ta a. Tichuan, Mizoram pumpui deuh thaw he hri hian min bual ta ani a. A buaithlak hle a, rawtna lokal hi, rawtna

lawmawm tak pawh a niin ka hria a, kan pass emaw pass lo emaw wawiinniah hian kan sawi hona hi a tha hrim hrim a, a hlawkin ka ring a, tin hlawhtlinna pawh engemaw chen chu a awm tho tho in ka ring a. Inkhawmpui ni khuaah Kohhran lamah te pawh rawtna chi tam tak a lo kal a, pass kher lo mahsela an pass lohah pawh khan hlawkna tam tak a awm a, sawihona khan hna nasa takin a thawk thin a ni. Chuvangin, wawiinniah hian engang pawh hian lo awm sela a rawttu hi tlaah pawh in ngai lo sela, lo tla palh pawh nise tih kha kan sawi hmasa duh a. Tin, hemi text hrim hrimah hian Mizorama Serthlum kung tam a bik takin Mamit District huam chhunga mi hi an ngai pawimawh ta deuh a ni mai a. Sorkarin ngaih sakim tihlaia hi, sorkarin a ngaihsak em, ngaihsak lo em tih laia kha kan en tur chu a ni phawt ang a. Tin, sum tam tak an hlauh tih hi chu tlang hriat a ni a, Mamit kher lo pawh Mizoram pumpui hian kan tuar a ni. Tin, Natural Calamity-ah puangin Research uluk taka mithiam te tir turin he House hian a phut a ni, tih a ni a. Sorkarin a ngaih sak em? Horticulture Department hi sorkarin a hmanraw neih ber chu a ni mai a, Horticulture hi, kan Minister zahawm tak ngei pawh hi, huan leh Serthlum lo nei ve te ka nih avangin, a tam hi kan dan theihna turin engtingge hma kan lak ang? India mithiam te pawh hian an thiam lo deuh a nih chuan Japan/Israel, Scientist te hian an hre lo maw? te a lo tihpui ve fo tawh thin a. Chutiang bawkin kan Department hotute pawh hetiang lamah hian tan an la em tih te pawh kan lo zawt a. Tunah pawh hetiang Resolution a lo luh takah chuan Department lam hotute pawh kan lo zawt ve nual a ni. Chuvangin hma an lak dan a kha kan hriat tlan pawh a that ka ring. Sorkar hian hma a la lo/Department pawh hian hma a la la lo emaw ni le! hetiang a tam duak duak tak le! Tih mai theih pawh a ni thei ang. Amaherawhchu, hei kan han hmuh ang hian Department lam pawh hian tan an lo la nasa em em mai a, an lo zir nasa tawh a, engvangin nge a tam tihthe pawh an hre thawkhat a ni. Rannung in a ei avang te pawh hian mi thenkhat chuan tam lem lo te pawh hi tam neihin kan neih niin a lang. A vutbuakte pawh hi kan en liam mai mai bawk a. tin, a khertu leh eichhe tu hi a tam em em bawk a. Chuvang chuan keipawh ka buaipui em em a, ka tihdan chu sawi zel dawn ila, hunin min daih lovang a. Tichuan Department lamin an lo ngaihsak zia chu hei Dr. I.P.Singh te pawh hi mi thiam scientist Natural Research Centre for Citrus NRCC-a scientist te pawh hi 2001-ah khan an lo chah chhuak daih tawh a. Tin, chubakah NRCC scientist Dr. G. Gupta hovin Aizawlah Field Demonstrator te pawh Hlimen Serthlum hmunah te kalin an lo nei tawh nghe nghe a. Tin, chumai ni lovin Nov. 2004-ah pawh khan National

Level Workshop hi Aizawlah an lo nei tawh a, mithiam Dr. M.L. Choudhary Horticulture Commissioner, Government of India te pawh an ruai a, chu chang nilovin mi dang dang te pawh an chah chhuak fo tawh a ni. Engtiangin nge Zorama Serthlum tam hi kan dan ang a, tuna tam kal zel hi kan dan ang a, engtingge kan tih dam ang tih te leh a damdawi tih dan tur leh a enkawl dan te, farmer te Department hian an lo zirtir nasa hle tawh a. A bika enkawl awlsam nan Marking siama a kunga chhinchhiahna pek te pawh an lo zirtir thin tawh bawk a. Hetiang hian enkawl tur ani tiin awareness te an lo pe a, demonstration te pawh an lo nei a nasa takin an bei a, tunah pawh hian an bei mek ani a. Chung chu a rawttu te hian an hre lo ami aw ka ti a, a Department hi an lo rawn lo nge an zawt lo nge ni ka ti a, chuvangin resolution hi thehluh ngailo khawpin enkawl na hi an lo nei nasa ani. Chu chu anih avangin tunah teh thut a han tia a bak han sawn lehna tur hi a awm chuang lova. An tih lai mek anih avangin hei baka kal leh tur hi chuan a sorkar tan pawh, a Department tan pawh han tih leh ngaihna awm chuang lo ani a. Chuvangin nichina kan ngaihthlak tawh ang kha Serthlum enkawl dana hriat hi a pawimawh em em a. Keipawh hian a biak entima keimah leh keimah ina ka zir te pawh a awm ve a, kan in bula Serthlum a bika ka enkawl ve chu leitha ka pe, natna lakah leh kher chhe tu lakah ka veng thin a, a rah duh em em mai a, a rah pawh a tha hle thin. Amaherawhchu, kum engemawzat hnuah khan hetiang dinmun pawimawh te kan lo neih ve takah hian ka enkawl thei ta lova, a tam angin a awm ta tlat mai ani. Leitha te pawh tunah chuan ka ngaihtuah hman tawh lova, ka Serthlum engemaw zat kung 20 vel zet chu a tam angin a awm ta a. Department in tihdan tur an tih angin kan paih tawp tawp ta ani. Tichuan, mi rama an enkawl dan te kan ngaihtla zel a. Kan Opposition Leader zahawm tak thiannu hmana Thailand ram khaw chhak lam fanga an kal a, a article ziate kha ka chhiar a, Thailand ah chuan an enkawl tha em em mai a. A tang, a hnah ro pakhat pawh awm lo, hnim ina a chim loh, ei chhetu awm reng reng lovin, dum hlap khawpin an enkawl a, leitha pawh an pe tha ani tih a ziate kha ka rilru hian ka hre reng thin a. Tin, Taiwan-ah pawh Rev. Zaidarhzauva sawi danin Serthlum an enkawl dan te, thlangdar leh rannung dangten an tihchhiat loh nan Serthlum buk te lenin an tuam vek thin a ti a. Lena tuam lam hi chu kan la hre ngai vak awm love, chutiang chuan mi ramah chuan an lo enkawl tha ani a. State dangah tepawh khatiang khan nasa takin an lo enkawl a, keini enkawl dan hi chu a rah hi chuan kan duhtawk mai a, a ei chhetu pawh kan ngaihsak vak lova, a tam nge tam lo pawh kan chiang vak lova chutiang chuan kan rula

raw neih a. Chuvang chuan a tam kan tih tam tak te hi a tam lem lo niin scientist te chuan an hmu ani. Chuvang chuan a tlangpui thua han en hian helaia kan hmuh ang hian Department hian an theihtawp an chhuah a, farmer te hmakhua an ngai a. Mamita farmers te pawh hi, a bial ami pumpui hi an enkawl ngun em em a, a chhiat chungchang thua a mawhpurtu anni tih an in hria, chuvang chuan chhanchhuah theihna hna hi theihtawp chhuahin Mamit chang nilo hmun dang ami te pawh an lo ngaihtuah a. Tanpuina pek thua erawh chuan Mizoram pumpuiah Serthlum ching an tam lutuk a, min pe seng dawn lova. Chu chu anih avangin Sawhthing tam te pawh pek ngaihna a awm chuang lo ang tho hi ani. Serthlum ami heti zo zai chingtu a tam nasat avanga tuartute zawng zawng hi tanpui dawn ta ila tanpui sen kan ni lo. Keipawh ka ni a, helaia mi te pawh in ni ve mai thei a in sawi duh ula chuan. Chuvang chuan in puih sen ani lova, a enkawl na a a kal zel avang hian. Sawitur ka nei teuh na a, ka hun a tawp a. He resolution hi tha tak, amaherawhchu, hei hi sorkar pawhin, Department pawhin a khawih lai mek leh a ngaih pawimawh em em ani tih hi a tawkin ka hria a. Pass a ngai chuang lem love, kan pass sa alawm mawle ka ti deuh a ni. Ka lawm e.

**PU ANDREW LALHERLIANA :** Pu Speaker, wawiinni kan resolution han sawi ho tur hi lawmawm ka ti a. Kan member zahawm tak Buarpui bialtu Pu Zodintluanga n he resolution a rawn pulut hi a chungah pawh lawmthu sawi tlak niin ka hria. A resolution-ah hian Mizorama Serthlum kung tam, a bik takin Mamit District huam chhung ami hi sorkarin ngaihsakin Serthlum huan neituten an Serthlum kung tam avanga sum tam tak an lo hloh tur hi tanpuina tha tak pe turin he House hian a phut a. He Serthlum tam nasa hi Natural Calamity ah puangin a tam chhan hi research uluk taka mithiamte tih tir turin he House hian a phut ani a ti a ni. A huam zauvin a ngaihtuahna a puitling hlein ka hria a ni. Pu Chairman, hemi chungchang thua hian nikum lam tawh atang khan he kan Sorkar hi auh ei ka lo tum ve tawh a, ka hlawhchhamna tawh a ni a. Kawkulh khi Mizorama Serthlum thatna ber pawla sawi ani a. Nikum hmasa atang khan a tam nasa em em mai a. Nikumah he House-ah ngei hian zawhna ka pe lut a. Kawkulh khua Serthlum tam nasa khi kan

sorkarin a hria em? Hria nise tanpuina a pe thei ang em? Tin, mithiam te zirtirin hemi hi sorkarin tanpuinin a tam khi a tih reh sak thei lawm ni tiin zawhna ka zawt ani. Chu zawhna ka zawh chu tha takin min chhang a, mahse an tanpui theihloh tur thu an sawi a. Helaiiah hian kan in fin siak vak thin a, a tan chhan te kan ngaihdan kan sawi vak thin a. Scientist kan tir a, tih te pawh an sawi ri a. Ka biala ka han kal lehin mithiam Horticulture Specialist an rawn tir em ka ti a, tir miah lo an ti. Mahse, he House-ah chuan tirh mek a ni a, Scientist hovin an study mek tih khamin chhanna a ni. A tak takah Zokhua chu a thleng miah lo chumi tum pawh chuan. A pawl khawp mai. Tin, eizawna tak taka an lo hman avangin kum khatah singriat, nuai tel an lo hmuh ve na leh an lo inngahna tak tak chhiatna ang chi hi chu Natural Calamity a ni chiang em em a ni. Chuvangin, kha kha Natural Calamity anih avangin mipui sorkar siamtu ngei mipuiten harsatna an tawh chuan an tanpui mai tur a ni. A dik takin sawi ta ila Tsunami pawh Natural Calamity-ah an puang ta e, 12<sup>th</sup> Finance Commission in an ti. 12<sup>th</sup> Finance Commission in a puan hma khan Prime Minister in a puang daih chiang takin. He Natural Calamity rapthlak tak hi Sorkarin a tanpui dawn a, mipuiin a tanpui thei thei in tanpui se, Prime Minister Relief Fund ah chhun theih a ni an ti. Chuvangin Natural Calamity hi 12<sup>th</sup> Finance Commission emaw, 11<sup>th</sup> Finance Commission emaw puan kher a ngai lo Natural Calamity chu a English translation ah pawh kan hre vek. Hei hi ka puang thei chiang em, thil puan lampangah hian a dik tak chuan Pu Chairman I dinglam amite hi huai deuh an ni thin a. Vawiinah hian ka rin aini an dawitlat. Rambuai lai khan hmeichhe pakhatin vai officer pangpar thi a lo awrh tir a, chu chu MNF sorkar Speaker khan kei Speaker hian nang mihurah ka puang a che ati tawp mai. Chuti khawp chuan thupuan an huaisen a ni. Vawiinah hian engatinge 12<sup>th</sup> Finance Commission in a puan kher loh chuan Natural Calamity pawh hi Natural Calamity a tih ngam tawh loh. Chuvang chuan helaiiah hian an duhzawngah an huai, car tha leiah te an huai In ropui sakah kan huai kan nupuite thi manto tak tak pekah te kan huai mahse mipui tanpuina kawngah hian kan huai thin lo lutuk hi a pawl. Chuvang chuan vawiinniah hian ka beidawna tawh a ni a, ka bial chhungah sorkar auh ei ka tum tawh na a ni a. Zawhna te pawh ka lo zawh tawh ka hlawhchhama tanpuina min pek theih loh tawhna a ni a. A aia ring zawkin "Resolution in in au leh te ang" tiin Buarpu bialtu zahawm tak in khawng mipui an harsa em a khulai bial hming khuan i ti teh ang a ti a, a lawmawm thlawt a ni. Chuvang chuan heng hi tlawmngaiha lak chi a ni ngailo. Tin, he House in Resolution a Natural Calamity a an

pawm hian tanpuina tur dawhthleng hi kan dawh tan tihna a ni. Kan puang anga Central sorkar auh nan pawh kan hmang ang a. Pawisa pawh hi kan zu purchawk tam thei tih hi kan in tlansiak na a ni tawh lawm ni. Hengte pawh hi Natural Calamity hi Mamit ah puang ta ila Mamit chang a ni hleinem tiin bial harsa te pawhin an rawn belh chhah ang a, a tawpah chuan Mizoram pumpuiah hian Natural Calamity a nih zia a lo lang mai dawn alawm. A tan nan Mamit a rawn ti tlukah ka ngai kei chu. Hei hi support tlakah ka ngai a ni. Chuvang chuanin hei hi tlang ngei se ka duh a, kut hnathawktute dinhmun siamthat kawngah hian hawh u a tharin i thangharh ang u. An eizawna chhia te hi I ngai pawimawh ang u, hemi atan hian tihtheih sorkar hian a nei nasa em a dik tak chuan. Chumi chu ti turin he House hi an rawn pun a ni mai. Chuvangin khawngaih takin hei hi pass ila Serthlum tam hi a tamna chhan pawh waviin thlenga chhuichhuah loh a nihnaah hian kan ngaihtuah tawk lo a ni. Helaiiah hian infinsiaka a chhan hrang hrang sawi a ngailo mithiam titura nawra chuta tan chuan an thiam tawk kha kha a chiang em. A chhan chu waviinah Official takin Serthlum tamna kumthum chuang kalta atanga waviin thlenga la tam hi engnge a chhan dik tak hi Official Report kan la neilo niin ka hria. A chhan hrang hrang pawh ni thei awm an sawi chu a lang, amarawhchu, ni thei awm tam tak karah hei hi prove a ni e tih hi a la awmlah na chhan hi kan ngaihtuah tawk loh vang a ni. Chuvangin khawngaih takin he Resolution in a rawt ang ngei hian Research uluk taka mithiamte tih tir turin he House hian a phut a ni tih hi i pass ngei ang u. Chu chu a tha in ka hria a, chuvangin he Resolution lo lut hi a lawmawm ka ti, kan pass chuan kut hnathawktute tan hian hma kan ngai tak tak ani a, ti lang dawn a, kan pass lo anih chuan, ka chauhvin mipui kan hmangaih a a tak tak a ke pen a hun hi chuan engamah kan ngailo a ni tih a lang chiang dawn a ni. He House mualphona tur hi a ni, mipui aiawha dingte hian mipui harsatna solve na tura resolution lokal hi hemi changlo pawh hi lokal thin rawh se, I pass ang u, chu chuan kan duhdan chiang takin he House zahawmna keng hian a tilang thin dawn a. Chuvang chuanin, khawngaih takin hei hi i pass hram ang u tih kha kan sawi ve duh a ni e, ka lawm e.

**PU S. HIATO**

Minute 4 vel chauh a awm ta, kan la zel dawn nge kan chawl dawn anih chawhnu dar 2-ah kan thukhawm leh dawn nia.

**SPEAKER** : Kan thü chai lai kan chhonzawm leh ang a. Private member business hi dar 4:00 P.M. bak kan pel thei ngai lo a ni a. Chuvang chuan darkar hnih hun kan la nei a. Sawi duhte kan la tam viau phei chuanin, Party hrang hrang te pawh chance inpek kual a thain ka ring a. Pu Liansailova ilo sawm hmasa ang u.

**PU H. LIANSILOVA** : Pu Speaker, ka lawm e. Hei vawiinnia Pu Zodintluanga resolution kan han sawiho hi, pawimawh hlein ka hria a. Kha information a neih ang ang a han sawi atang khanin, a pawimawh leh zual a ni tih kan hre tlangpui thei maiin ka ring a. Serthlum hi Mizorama kan thlai chin leh thei chin ah chuan kan sum lakluhna hnar ber pakhat a nihna a rei tawh a. Hei vawiinni thlang pawh hian chutiang dinhmunah ala ding emaw kan la tih lain hemi Khawthlang lamah chuan chhiat an lo tawh nasa hle a ni tih chawhma lamah kan han ngaihtlak atang khanin a hriat theih nghal mai a. Khang Mamit District ah khan a District pumpui nge ni ka hre lova, nuai 500/- lai mai pawisa Serthlum ching ten an lo lak luhna thinah khanin, hetia a tamna hriin a han beih tak chinah hianin nuai 30/- pawh an hmu thei ta mang lo tih kan hria a. Tin, Kawrte ah phei kha chuanin kum khata nuai 35/- an leina thinah singthum pawh hmu ta lo tih han ngaihtlakte phei kha chuan, a tuartute dinhmunah han ding ilangin, a manganthlak hle awmin ka hria a. Tin, Serthlum hi heng Sawhthing leh thlai dang a an lohna lai a awm a. A chingtute tanah kum tam tak hah taka buaipui a ngai a, tin, a lo puitlin hnua sum tam tak lakluhna hnar a lo ni a, chuvang chuan hei Aizawl khawthlang lam Mizoram khawthlang lam Serthlum chingte hi chu chhungkua in sum an han lakluh ah pawh chhungkua sum la lut tha leh midangte pawhin an zar zo tham hial khawpa Serthlum avanga lo ding chhuakte an ni a. Chutih laia, hetiang tak mai a a tam hriina kan Serthlum chinte a han tichhia a, sum leh pai an hloh chu sawi loh, an eizawna rah hlu tak mai tihchhiat a a lo awm ta kha, a pawh tak zetin ka hria a, vawiinniah hian kan tawrhpu theuhin ka ring a. Chumi rilru atang chuanin he Resolution pawh hi rawn put luh a niin ka hria a.

Tin, chutih rual chuan kum tam tak chhungkuain dinchhuah puina leh eizawna nghet a an lo hman puina leh eizawna nghet a an lo hman a lo chhiat takah chuan chumi chhiatna leh

an harsatna ata chhanchhuahna chu hriain Sorkar hian tuna kan lo hriatpui leh kan lo ngaihtuah mai hi a tawk lova, tha pui kan thawh hi, a ngai a ni. Chuvang chuan, harsatna lo thleng a hi National Calamity ah i puang hial ang u tih duhna khawp rilru a rawn nei pawh hi a awm rengin ka hria a. Vawiinniah hianin khawi lai laiah emaw te chuanin Serthlum tam chu a awm a, amaherawhchu, chung Serthlum tam tam tak te chu engemaw lian tham deuhleka a khawihna a la awm lova, chawhma lamah kan MLA zahawm tak Kolasib bialtuina a han sawiah pawh khan anni lam pawhin an tuar naa, amaherawhchu, kung 5 kung 6 vel emaw chauh a la ni deuhva, amaherawhchu, khang tepawh kha ngaihthah chi chu a ni hauh lovang a, chuvang chuan vawiinnia kan thu sawiah hianin a resolution anni a a puluttu lam a party hrang leh engemaw ang zawnga en lovin, a problem tak a hi ngaihtuah leh a tuartu te dinhmun atangin heng hi kan ngaihtuah a, lungrual taka kan tawrhpuina thu leh anmahni chhanchhuah a, khaichhuahna tur a rilru a lungrualna thu a te pawh, hi he kan resolution kan pass danah hian lo lang sela tha hlein ka hria a.

Tin, a sorkar lam tanah phei chuan hei hi mutmawh hnarmawh aneih chi tak a niin a lang a. Nichina kan sawi tak ang khan kan ram atanga sum lakluhna hi kan ngah lova, helai a Serthlum chingtute hi ram dang pawisa kan hailuhna pawimawh tak a ni a, chuvang chuan cheng nuai 35 ram dang, State dang atanga an la lut hi a value dik tak a real value phei chuan kan ram pawisa miahlo kan lakluh anih avangin nuai 300 nuai 400 a hen zawng pawhin a sawi theih hialin ka hria a, a chhan chu nuai 30 emaw 40 emaw an lakluh hian thenawm khawvengah an zartzotu a lo awm a, pawisa kha a circulation alo zau zel a, nuai 30 hi an khawchhungah vawi 10 emaw a kal kual a, a circulate hman chuan chutiang turah pawh chuan ngai ila, nuai 300/400 a lo hen ta a ni. Chutiang chuan Mamit District pumpui a nuai 500 dawn lai mai kum khata an lei thin a kha, tuna nuai 30 leka a tlak thlak phei chuan kan hloh kha nasa deuh mai a ni.

Tin, chutih rual chuan atuartu te dinhmun a zu ngaihtuah khanin kum engemaw zat an lo buaipui tawh hetia a han chhe ta mai zel anih hian kan ngaihsak hi chu a phu takzetin a lang a, khulai kan ngaihsak leh a district bik kan ngaihsakna mai ni lovin Mizoram economy pumpui ngaihtuahin kan sum lakluhna hnar ber ve pakhat lo chhe ta a hi a tuamhlawm dan leh a chhanchhuahna kan ngaihtuah hi thil pawimawh tak niin ka hria a.



Tin, nichinah khan Finance Commission lamin Natural calamity atana puan theih tur awm a han sawi ang chiah chiah te kha ka hre phak ve lova. Amaherawhchu, vawiinniah hian Assembly ina he chhiatna hi kan ram tanah Natural Calamity a ni e tia keimahnin a kan puan a kan tih hi tuman a min khap theihna dan pawh a awm lova, kan duh leh duh loh leh kan ngaih pawimawh leh pawimawh loh a thu a h a innghat mai zawk a ni tih hi kan sawi duh a. Tin, hei hi natural calamity dik tak anih dan keima ngaihtuahna a lo lan dan chuan department pawhin theihtawp chhuahin mithiam chi hrang hrang te ruaiin a lo bei tawh thin a, mahse, a hlawhchham rih zel ani. A venna tak tak leh a tam tawh te tih thar leh na tur kawng an la hmu lo a ni. Chuti anih chuan kan theihtawp leh sorkar pawhin kan mithiam tha tha te kan ram chung ami te ina an lo beih tawh pawh a an chhan chhuah theih loh, tin, pawn lama Scientist thiam, India ram pawn lama mithiamte pawh kan chah a, kan chahchhuah theih loh, natural calamity dik tak, kan tih theih pihlama mi ani tih hi a Chiang hlein ka hria a. Chuvang chuan vawiinniah resolution a lo lut ang hian he resolution hi pass ila, a tuar tute hi chhanchhuah tumin, an lo tawrh tawhnate tanpuina leh nakin zela an khawsakna, an eizawna tur ruahmanna remchangah hmanng ila. Hmun dangah pawh, hetiang harsatna a lo awm anih chuan a thu azir leh anmahni tawrh dan a zirin kan kal zel a ng a. Hmun danga awm pheuh pheuh leh khawi lai emaw lo tuarte avanga tanpui ngaite kan tanpui theih loh ngawt tura hi chu adikin ka hre lova. Chuvang chuan he resolution hi pulut turin a rawn put luh ang hian pass ngei ila tha ka ti a, kan sawi ve a ni e, ka lawm e.

**PU H. VANLALAUVA  
MINISTER**

Pu Speaker, hun min pek avangin ka lawm e. Buarpui bialtu MLA zahawm tak, Pu Zodintluanga resolution hi a rawn putluhna chhan tur te han chhutin

Mizoram tan thil pawimawh tak leh thil tul taka nih avangin a lawmawm hlein ka hria a. Tin, chawhma lama kan ngaihthlak tawh angin kan han sawihona eng atang ringawt pawh hian hlawkna tam tak a awm ang tih ka ring a. Tin, he resolution hi he House hian a nih ang diak diaka pass hi a har a nih pawhin, her danglam duhna (amendment siama) kan pass hi chu kan ram tan hian a tul viauin ka hria a ni. Amaherawhchu, a nih ang anga han pass a, harsatna niawma ka zuk ngaih ve chu, hetia kan chhiara ka mawl ang anga kan chhut hian sawitur awm viauin ka hria a. Chumi hma chuan he resolution kan chhiar hian he rawtna lo luh chhan hi enge ni ang aw? tih te ka ngaihtuaha. He resolution 3 hi a wording leh comma thlengin

a inang vek a, Pu Speaker, i veilama thute vek an ni a. A rawttute hi an leader hovin a ni nghe nghe a. Chumi anih chuan a bikin Mamit District tih hi a lo awm leh bawk a. Chuvang chuan kan rama Serthlum tam tuar tute zawng zawng chu ahwap lo deuh a, chumi anih chuan Serthlum tam avanga huan neitu, tuartute zawng zawng huam lova, he rawtna lo luh chhanah hian ka ngaihtuahna a lo langah chuan Mamit District chhungah hian Bye Election hi a awm hnai dawn aniang a, he laiah hian min pass pui pawhin a hming thatna kan tum ang a. Min hnawl sak anih pheichuan hemi hmang hian kan vaw zek dawn nia, an ti em ni ang aw, tih te pawh kha rilruah a lo lang a, amaherawhchu, chutiang ngaihtuahna chu a awm lem lo turah ngai ila. Amaherawhchu, sorkarin ngaihsakin intih hi a ngaihsak em em a, a buaipui reng ani a. Session hmasaah te pawh Horticulture Minister in zawhna a chhannaah te leh Budget Session wind up khan a sawi tawh a, ngaihsak ani tih kan hria a. Tin, he House hian a phut a, han nih ringawt pawh kha Mizoram sorkar nge a phut a central sorkar nge a phut? tih hi a chianguang vak lova.

Tin, a pathumnaah chuanin, Natural Calamity ah puangin han tih hi, keini ho hian kan puang ngawt thei lovin ka hria a, ka hria ve dan chuan a list te a awm sa vek a lo nih avangin tunah puang ve ngawt mah ila awmzia aneih ka ring lova, hei hi ngaihtuah chian ngaiin ka hre bawk a.

Tin, a palinaah chuan 'research uluk taka mithiamte tihtir turin' a ti a, tih mek lai ani tih concern Minister te leh Department lam atangin kan dawng bawk si a, chuvang chuanin he Resolution pawimawh tak hi abik thil nilovin, Mizoram pumah he House hian mawh kan phur a, kan hmangaih dan pawh a inang tlang vek a. Chuvang chuan Pu Speaker, he Resolution pawimawh tak hi hetiang deuh hlek hian her danglam nise nakinah a wording hi chu tihdik ni ta sela, hetiangin Mizoram hmun hrang hrang a Serthlum tam avanga huan neitute sum tam tak an chan mek leh an la hloh zel tur hi he House hian pawh a ti takzet a. Hetianga Serthlum tam nachhan hmuchhuak tura sorkarin mithiamte hmanga Research uluk taka a kalpui mek hi chak zawkin kalpui nisela, hemi avanga tuartute tan tanpuina awm thei ang ang pe turin Central sorkarah nawr/thlen ni rawh se' tiin emaw her danglam ta sela. Chu chu lungual takin pass ila, Mizoram tan hian thil hlu tak leh pawimawh tak a ni ngei ang tih ka ring a, chuvangin apawng hnawl ngawt mai kha ka rilruah a lang em em lova, amaherawhchu, anihna ang ang a han pass ngawt tur chuan a harsa deuhin a lang bawk si a. Pu Speaker, hetianga amendment hi he Resolution neitu zahawm tak Buarpui bialtu MLA hian min phalsak se a lawmawm ngawt ang tiin ka han dil a ni e.

PU LALDUHOMA

: Pu Speaker, tuna Ruling Party kan neih mek hi Mautam hmasa atanga rawn indin chho kha ani a. Hei, tunah Mau a lo tam leh chiah a, chumai ni lovin Serthlum mai pawh ani lova, Zawngtah te pawh atam a, Panhnah te, Sawhthing te, Kuhva te lamin an tam a. Tam hri leh i dinglama mite hi an inlaichin ve deuh reng reng emaw ni aw tih te hi a awl viau mai a. Engpawh nise, Pu Speaker, apawimawh ber chu Crop Insurance Scheme, kan sorkar in aneih vat hi atul tih vawinah hian alang chiang a ni, phat thu awmin ka hre lo. Serthlum mai ni lovin, thlai chi hrang hrang kan chinte hi tam thei anni vek mai. Mihring ina control piahlahmah chhiatna lo thleng thei ani. India ramah hian ka hriatsual loh chuan Central Sorkar bakah, State zawng zawng te hian Crop Insurance Scheme an nei vek tawh ani. Chuvangin, an kut hnathawktute an chetsualin, khawkheng, tuilian leh a tam hri avangin an buai ve ngai lo. Chiang taka ka hriat ve pawh vawikhat chu India ramah khua akheng vak mai a, Dal te, Chana te, Purun te, Alu te kan eikhawp India hnathawktu ten thar chhuah tur an nei lova, mahse, chung thil te chu kan nghei thei si lova, chung chu foreign atanga thlawhna emaw, Lawng emaw nena va leichawp tur chuan a man a sang em em mai a. Kan India sum kha ram pawnah a luanglut ang a, kan chhiat phah zawk dawn ani tih hriain leh khang mite kha Sorkarin a tanpui loh chuan akum lehah engmah an tharchhuak lo leh ang a, BPL ah enkawl ngaiyah an tangchho leh zel ang a, ramin atuar nasa zawk ang tih hriain, kha kumkhata an chetsualna atanga la chhuak a, akum leha an hna theuh thawk leh tur khan India sorkarin Crop Insurance lianpui a siam a, vaibelchhe sang engemaw zat chumi atan chuan a ruahman a ni. Chutiang chuan, kut hnathawktute ni sa, ruahsur leh hling kara kan eitur thawkchhuak tute hi sorkar hian a lo duat thin a ni a. Keini pawhin chu chu kan tihve angai a, Serthlum-ah chauh lo pawh, hemi scheme hi ti ve ila. Crop Insurance hi Private Company ah te chuan atih theih mai, mahse, a to lutuk, loneimite tan te, kut hnathawk mite tante tih chi a ni lova. Sorkar ngeiin abuaipui erawhchuan tlawm zawk, hlawk zawk siin heng scheme hi atih ve theih dawn a. Chu chu kan tih phawt chuan nakin hun lokal zel turah kan mite hian thlamuang takin hna an thawk ang a, a lo tam palh anih pawhin an chesual dawn lo ani tih hre chungin tui takin anmahni hna an thawk thei dawn a. Chu chu vawiin kan Resolution hian chiang takin min rawn hriattir niin ka hria.

Tin, a Resolution wording a "a biktakin Mamit District huamchhung ami" tih hian hmundang a paih bo tihna a ni miah lo a ni. Mizo tawng kalhmangah, 'a bik takin' a ti chauh a ni. A tam nasatna hmun leh achingtute an in concentrate nasatna hmun a

a nih avangin a bik a nihna hi a bo lo reng reng. Chuvangin Mamit District hi Serthlum ah kher kher chuan abik nihna hi kan pek tha ka ti a. Chutih rual chuan abik nihna chiah an hauh ang a, adang zawng zawng chu kan ngaihthah ang tih a kaw k lo reng reng.

Tin, Serthlum tam chhan hi mimal takin kei ka lo bei nasa ve tawh a. Serthlum tam ka hmuh phak chin reng reng chu azung hi ka lai thin a ni. Fanghmir vang a la ni vek ka en tawh chin chu. A hnah a lo ro tawh chinah chuan a zung zawng zawng hi fanghmirin a lo khel zo vek tawh thin ani. A lo tang rei thei viau zawk a ni. Chutiange chu a ni a. Chuvangin keimahni experience atanga a chhante hi kan hriatchhuah a pawimawh em em a, chutiang hrechhuak thei tur chuan mithiamte hmangin, Mizotawng lehkhabu te siam a, a chingtu te pawh pek hi kan tih makmawh a ni a. Session hmasa lamah te pawh kan zawt tawh thin a. Chhanna mumal sorkarin min la pe thei lo reng reng a. Tuna a endik tute an tih pawh hian official report engnge an pek tih hi vawinah hian sawitheih anih chuan hriat ka chak khawp mai. Kan hriat ve chhunah chuan "In Serthlum te hi a tam a ni love, a tam a ni zawk, a ril atam a nih hi, chaw inpe tha taw k lo, tui inpe tha taw k lo a hnim lutuk, tih mai mai kha a ni. Hnim karah pawh, khawkheng ruahsur karah pawh Serthlum a thi ngawt ngai lo, a fere thei e, a rah chhe deuh thei e, a vai vaiin a pul ngai lo. Kha official report kha, kha kha an hmuh chhuah chhun anih chuan kha export kha pawm har ka ti khawp mai. Chutiang mai mai ni lovin, a taka huan neitu tena nia an hriatte nen ngaihtuah flangin kan ti tur a ni. Mizorama Serthlum leh hmun danga Serthlum kha ang khatin a zir ngawt theih loh, a climate te a dang a ni. Chutiang chu a nih avangin hengte pawh hi chutiang taka zir chian chu a la awm lo niin ka hria a.

Tin, meihawl tui te siam a eizawng tam tak kan nei ve tawh a. Meihawltui te hi Serthlum kungah te chuan pawnhhia chiah huhin vet ila, Fertilizer tha tak a nih bakah fanghmir leh rannung ei chhetute kha aveng vek ani. Heng angte pawh hi a practical a kan lonei mitena an tih a, a thatzia an hriat chhuah tawh ani a. Chuti anih chuan khatiang fertilizer meihawl atanga siam chhuah te pawh kha tam tham deuhin lak sak ila, eizawna chi hnan a lo ni ang a, kan unemployment problem solve-na pakhat a lo ni baw k ang a. Tichuan, huan neih nan a lo tangkai baw k ang a, chungte chu kan ngaihtuah chhuah tha ka ti.

Tin, Natural Calamity-a puan chungchangah 12<sup>th</sup> Finance Commission-in thu a nei ang tih hi India Constitution-ah ka hmu ve reng reng lova. Engatinge kan dawih viau? Independence te pawh conviction nei miah lo chung pawhin an puang thei a ni lawm ni? Tun ataka Finance Commission kan tih tak Faina hapta te pawh an puang a, ruihhlo do kum te pawh an puang a, MUP te pawhin Corruption do kum an puang a, Finance Commission an rawn lo reng reng. Chuvangin kan duh phawt chuan helai a mite hian kan puang mai tur a ni.

Tin, BAFFACOS te pawh kan puang kher em ni Pu Speaker, kan puang kher hlei nem. Puan kher loh pawhin hna a thawh theih. Puang kher lovin heti zat scheme department 14 laiah kan nei a, vaibelchhe tel scheme kan siam a. Kan ngai pawimawh a nih chuan kan puang emaw puang lo emaw, kan Serthlum chingtute harsatnaah hian kan tanpui thei a, Scheme kan siam thei ani tih hi a chiang em em a ni.

Tin, heng ang mipui harsatna kan sawi hian sum lama harsatna kan neih hi hmatheh takah kan hmang thin a. Kan sorkar hi sum renchem thiam tak chu nise thui tak kan tawmpui thei ang. Mahse, PMGSY atanga contract an pek dan hmanni lawkah kan sawi tawh, 3% Party fund-ah an la phawt a, 50% department in an la leh a, an inremsiam a, Contractor nen, a maintain nan an ti a, an maintain tak tak pawh hi kan hmu bawk si lova. Tichuan, nuai za man niin contract lo hmu se a tak tak a mipui tana lei a cheh a cheh tak tak nan chuan a chanve pawh an nei ta lo tihna ani. Chu chu development hian a tuar em em a kan hria a ni. Chutiang anga sum hman thiam lo chu an ni si a, thil tangkailo tak tak Ek In kal thei tih te, Mawza man to tih te leh Kelpal tih te an lei dan te han ngaihtuah hian kan mipuite mamawh ngawih ngawih kan sawi apianga sum lama harsatna an rawn chhuanlam ziah hi pawm harsa kan ti a ni. Official te corrupt chungchangte kan khel thin. Agriculture Director chungchang kan sawi te pawh khan kei chu amahah khan a tawpin ka hre lo reng reng. Vawiinni thlengin chu chu ka hmuh dan ani. Vawiinniah ZEDA Director chungchang kan ngaithla leh. A move-tu ngei khan Chief Minister hnenah a lo thlen tawh thu a sawi a nih kha. Action lak chu sawi loh kan House Leader khan ka hriat vawikhatna ani ala ti ta cheu mai a. Hetiang zawng zawngah hian Director mimal ten, chung a mite pute hriatpui lohva an tih hi kei chu ka ring thei lo reng reng, chumi avangin helai hi chhui turin Party tin atangin a chhui tu tur bik insiam ila, duh leh chair chu ruling-in chang ula, inkaihhnawih lo takzet anih chuan kan hre dawn nia, Inrinhlelhna arah phah tih te pawhin kan zawt thin reng kha a ni a. Thenkhatin an chawm a, an hawp bawk lai a, hetiang taka kan mite harsatna tawk mek, an eizawna takmeuh tlachhe mek, kan ngaihsak har lutuk hi lungawi har ka ti hrim hrim a.

Tin, chubakah VAT te pawh kan la a, "Helaiah min passed pui a, a hnuah in sawisel leh si" min ti a, Helaia kan passed ang khan hmang hek lo Kan pass ang kha nise chuan engahnge kan sawisel ang. Chutianga kal loh avangin kan nawr a, kan nawrna a zarah tlemin an tla hniam leh a. Hospital a hmanraw chi hrang hrang, Hospital charges namen lova tihpun ani a. Revenue hnuiaia chhiah chi hrang hrang namen lova tihpun a ni a. Privatisation miin an uar lain private sumdawnna chhuhsakin sorkar chu Thingzai zuarin vawiinniah hianin sumdawn hna athawk bawk a, mipui harsatna min siamsak a, kan quarry-a chhiah an lak t e chu alet tam takin an tipung a. Chutiang anga mipui sum nasa lehzuala he sorkar hian a sawp a sawp a nih si chuan chu sum chu anih leh, mi mangang leh harsate tanpui nan pe chhuak ve tal ang hmiang. Kan lonemite hi enkawl thain kan School te kan Hospital zawng zawng te hi lo changtlung se chhiah pek te hi a hrehawm vak hlei nem. Mahse, engmah a ni chuang si lova, kan Referral Hospital te pawh adinhmun kan hria a ni. Chuvang chuanin vawiinniah hian Pu Speaker, he kan thil ngaihtuah mek hi kan sorkar hian bawhzui se ka duh a, a puluttuin tha taka inbuatsaihin a rawn pulut a, a chungah lawmthu ka sawi a, helam a mite pawh hian "Keini tak hian a sin ngai pawimawh" ti ve mai sela, rel tlang ila, tichuan kan ngai pawimawh ve ve anih chuan pass mai ila a sualna hi a awm lova. Leh lam thiltih anih avanga inhnialna ringawt mai ngaihtuah a thil tha pawh sawisel kan tum dawn chuan Vanramah pawh han kal se, "a eng eu uau lutuk a, a nuam lo" an tih tho hi ka ring a ni. Chuvangin tha an tih a, tul an tih thu an sawi hrep a, atawpah 'amaherawhchu' kha a awm leh thin a, hemi tello hian lungrual takin hei hi pass mai ilangin, tichuan mipuite pawh Zoram pumpuia he tam hri avanga buai te hi rilru thlamuangin an awm thei dawn a ni, ka lawm e.

**PU F. LAL THANZUALA :** Pu Speaker, ka lawm e, hemi Resolution hi a tlangpuithua han en chuanin a tha khawp mai a, kei, Horticulture lam hi ka tuipei lam ani ve a, kan ngaihtuah vang vang hianin kan Zokhua amite, heng contract liante emaw, sorkar hnathawkte nilo tan chuan an dinchhuahna tura pawimawh ber chu Serthlum lam te, Grep te, Sapthei te leh eng eng emaw te kha aniin ka hria a, ka tuipei ve em em thin a ni. Hmannia President lokal te pawh khanin kan Ram tana Programme, a ngaihtuahna a'n sawi khan Horticulture lamte pawh kha a sawi uar a. Tin, Serthlum ngei pawh kha asawilang a ni a. Tin, kan Minister pawh hi a hah hle a, a vei nasa a, Mizoramah hian Horticulture thlai, kan dinchhuahpuina tur, Retheihna ata kan inlakchhuah theihna tur

atana thiltha ngaihtuahin a vei sek ani tih pawh kan hria a. Hetiang Resolution an awm hi a lawmawm han tih phawt hi chu kan duh a ni. Amaherawhchu, A titoh deuh a ni. Hei Serthlum hmin thalo te pawh hi a awm a. Khawimawlai chu ei theih loh paih ngaite pawh a awm thei a. A nih ang anga pass theih lohna chhan hi kei, lian tak tak ka nei a.

Pakhatnaah chuan - A bik takin Mamit biala Serthlum chingtute ngaihtuah bikna resolution a ni a. Keini Hnahthial bial chuan khalai kha a bika Mizoram sorkarin khulai Mamit bial a ngaihsak bik tur ringawt kha kan pass thei lo a ni. Hei a thua pawh hian a wording pawh hi a fel viau mai a. Mizorama Sethlum kung tam, a bik takin Mamit District huam chungga mi hi sorkarin ngaihsakin, a ti a. Helai Mizorama Serthlum kung tam tih kha chu a ve chauh a ni ta a. Khualkhung chungah comma a dah a, khami chung khungah khan Mamit Distirct kha Mizoram sorkar ngaihtuah turin a han dah bik a, Serthlum pawimawhna veitu zawng zawng tan pawh hetiang hi chu pass theih niin ka hre lova. Kei Hnahthial bial mi sang tam aiawha ding hian. Mahni bialah pawh atam ve a. Hnahthial luh dawna Thiltlang khua kawng kual ruih inkarah sawn Serthlum huan tha deuh hmanah chuan a awm thin a. A neitupa chu Zopa thil chikmi tak mai hi a ni a. Mahse, atam ta vek mai a, kung za tam aawm a. Khatiang khan ka bial Tuichang ruamah te pawh a awm a. Khang ho kha ngaihsak vak loh tur ang deuha Mamit District huamchung ami a bikin sorkarin ngaihtuah se, tih hi chu pass a har a ni. A theih loh a ni.

Tin, pahnihnaah chuan Natural Calamity a puan kha a theih a lawm kan ti a ni mai thei. Puan mai mai chu a theih a ni. Engpawh kan puang thei ang chu. Mahse, resolution in a kawh chu puan avanga Centrala tanpuina hmuh kha ani. Puan avanga Centrala tanpuina hmuh kha tum a nih avangin khata hmu thei tur chin kha chu, department of expenditure tia additional Secretay hian aziakah hian hetiang hian a zia a. Cyclone te, Earthquake te, Fire te leh Tsunami te, landslide etc. atawp berah hian pest attack tih hi a awm a. Thlai khatianga past rannung engemawin a han tihchhiat vak kha ani a. Mahse, hei hi tun thlengin kan ram Serthlum tam hi engvang tak nge ni, tih hi sawi dan tam tak a awm a. A tute emaw Zopa khawimaw laiah chuan kei ka hmuh ve dan chuan thil sawi tur neite chu an awm ang a. Nichinah pawh kan sawi a. Mahse, mithiam lokal tawh engemawzat ten an han en an han en a. Rannung pest attack niin an hre thei lo tlat mai a. Keini chuan chutiang khatiang avang chu a ni ti mah ila, Natural Calamity a puang thei tura pest attact a ni tih kha keini chuan han thlen mah ila, mi thiamte bawk khu rin tur a lo nih si chuan kan tanna kha a thui leh dawn emaw a ni a. Serthlum chingtute tanpui hrim hrim hi chu a thain a tul a ni.

Mahse, tunah hian a tamna chhana kha pest attack a ni e tin mithiam ten han report in finding te lo ni tasela chuanin tanpuina hmu thei tur list a, pest attack tihah hian kan lo qualify ve ang a. Puan pawh a dik ang chu. Mahse, puana puan mai mai kha kan tihtur a nih si loh avangin, hemi tanpuina hmu thei tura list a kha pest attack a hi a ni tih kan expert rawih ten an la tih si loh avangin. Natural Calamity a han puan ngawt mai a pawh kha awm a ni thein ka ring lova. Serthlum pawimawhnate enkawlina tura sorkarin theihtawp a chhuahna tur thute kha chu pawmawm em em ka ti a. Mahse, helai kawng hnih bik lutuk a Mizoram sorkarina heta rorel tura thiltih hi zah pawh a zahthlak a ni. Thil tih tur chi pawh ani lo. Kei ka ngaihtuah dan chuan Election te pawh lo awm dawn pawh nise, Resolution wording pawh hi himdam deuhhleka tih ni zawk selangin apuluttu tan pawh hian atha zawkin ka ring a. Hetiang hi chu Mizoram mipui mithmuhah pawh duhsak bik inva nei ve an ti mai dawn a, thil tha niin ka hre lova. Natural Calamity a tanpuina hmu thei turin kan qualified-in ka hmu bawk lova. Chuvangin, Aizawl 'E' bialtu rawtna anga amendment a pass kha House hian remti tlang ila, kan zavai atan Mamit lamah chuan Serthlum a lo tam anih chuan dawngtu pawh an tam ang a. Lungdar lamah te pawh a lo tam ve a. Chhim lamahte Hnahithial bialhte pawh a tam a. Mizoram chhunga harsatna nei zawng zawngte khan an lo chhawr ang a. Zoram pum huama roreltu kan lo ni dawn. Regional deuh rilru pua rorel hi thil ltha pawh niin ka hre lova. Chuvangin amendment anga pass kha mi zawk ta sela kan ram tan tin, Mamit bialtan pawh Zoram pum tan a tha hlein ka ring. Pu Speaker, ka lawm e.

**PU LALRINLIANA SAILO :**

Pu Speaker, vawiina kan Resolution ngaihtuah, Buarpu bialtu MLA zahawm tak Pu Zodintluanga rawn put luh hi a ngaihtuahna ka chhut sak thin a, a vanduaithlak hlein ka hria a. Hei thalai kan la nih angin kan zin tamin khulam bialte pawh khu kan zu kal tam viau a, amah ngei pawh hi a hmun ngeia zu kala a mit ngeia zu hmutu ani a. A tuartute thinlung inchantirna atang chuan tih awm ngawih ngawih niin a lang a. Ka member pui zahawm tak takte hi vawiinniah hian ahmunah zu kal ve ngat sela chuan tun hma atanga Serthluma inngkata an tu leh fate, dammawh hritlan leh School admission te, khang thill hrang hranga an lo inngah vena ro thep thup leh ro rire lmai an han hmuh khuan hmuhpui hrehawm tak anni. Chung atang chuan kan Resolution neitu hian arawn move niin a lang a. Chuvangin, Pu Speaker, a rawn tih danah pawh hian chutiang taka an rilru zu share pui a,



an lungngaihna leh rilru hrehawmna zu share puin a bik takin Mamit District-te a zu ti a ni a. Hei keini hi chuan kan hriatpui a. Kan awmna vengah emaw, kan awmna bialah emaw kan zinnaah khawimaw lai laia Serthlum han ching ve pheuh pheuh te chu an awm mahna, amaherawhchu, ahlawm a khutiang ang em ema tuar khu chu an awm lova, chuvang chuan a bik taka han tih pawh hi an phu ngawih ngawihin a lang a. Chuvangin vawiinniah hian pass ngei thain ka hria ani.

Tin, Serthlum tam kan han ti a, thildang, mau te pawh a tam ngei a, mau te hi chu a tam kum inher danglam, kum 50 dan velah tiin mithiamten an han chhut a. Serthlum te hi chu chutiang ni chuang lovin vanduaina (calamity) kan tih ang kha a ni ve tawp maiah ka'n ngai deuh a. Mihringin duh taka kan chin leh enkawl an ni a. Tikhan a lo tam a, engtingge a tam dan kha kan definition-ah hian kan sawi thiam lova, a tam kan ti mai a. Mihring pawh kan thi a, eng angin nge kan thih? A then chu Cancer-in a ni a, a then chu pumna an ti a, a then chu Kalna te an ti a, accident-te, thi an ni tawp a ni. Vawiinniah hian khunglaia Serthlumte khu an thi a, a tam tiin kan han term phawt a. Amaherawhchu, engvanga rawi thi (tam) nge tih kha kan hre si lova. Chuvangin nichina an sawi 12<sup>th</sup> Finance Commission 2005 Report ina a tih pawh hi kan keu thin a. Calamity tihah hian engvangan nge kan theih loh ang le? Kan puang anga a ni mai a lawm.

Tin, Pu Speaker, tunah hian a thihna chhan hi kan hre tlat lo a ni. Engemaw hrik nei avanga thi nge a nih a, a chhung lamah khan tui a lo tlachham nge, azung lamin tui a lo tlachhamin drough vang nge khangte pawh kha alo ni mai thei a. Hei arawn ziak kalh a ni. Kan hre si lova, chuvang chuan Scientific Method taka zu zira lo puan mai kha aphu hliah hliahin ka hria a. Tin, khutah mangangin mipuiten an lo thlir ve reng a, "sorkar hian engtingge hma an lo lak ang aw!" an ti a. A thawktute chuan an zu hnemthiam pawh ani mahna. Mahse, sorkar anga aw hian tak hi zu hnemna angte pawh an lo neilo te pawh ani ang a. Chuvang chuan, "Khaile, calamity ah kan rawn puang ang che u ang a, theih tawpin hma kan han la ange" ti ta se. An tawrh tawh nak alaiin an thinlung naa pawh kha a lo nuam ve ang a, an mut te pawh a lo tui vein ka ring a ni. Chuvangin tunah hianin kan awm khawmna, kan House-ah hian calamity-ah puang ta lo ila, khulai khu a bik taka zu ngaihtuah khu a thain kan hria a ni.

Tin, Pu Speaker, kum dangah pawh kan hriatna hi a tam lova, thil tha na na na chu kum hmasa lamahte leh a hmasa lamah pawh an lo pass pui tawh thin a. Opposition Resolution ani emaw

ni lo emaw, tunah pawh hian ka thinlung takin, a, i dinglama mite khan an duh ka ring ani. Amaherawhchu, ruling tih ani lova, opposition tih ani alawm mawle tih hrim hrima indan tunna niin ka hria. An han sawi an han sawi phenah pawh khanin thinlung chuan alo hmu ve niin ka hria a. Tin, tunah hian mipuiin an lo thlir reng a. A tak takah chuan an harsatnate helaiah a tak takin leh khulalah lo chhuak thla rum rum thei lo mah ila, helaia lo pass theih loh chu an rilru a na lehzual ang tih a hlauhawm a ni. Chuvangin tunah hian ngaihtuah ho harsa lo ila, pass mai ila a thain ka ring a, anihna ang angte hian hetia han tih han tih a, abawl deuh a ni emaw han tih leh han ngaihtuah a, han chin pawr han chin pawr chuan thil reng reng hi famkim hi a awm lo reng reng mai a. Chuvang chuan Pu Speaker, he Resolution hi anihna ang hian i pass mai teh ang u tih kha ka rawn rawtpui a ni. Ka lawm e.

**S P E A K E R**

Pu Rina leh Pu Tawna kha an phar ve ve a, tunge han sawi hmasa ang? Aw, hema zawhah hian veilam atangin kan sawm leh ang.

**PU TAWNLUIA  
MINISTER**

Pu Speaker, vawiin kan Resolution sawiho hi keini Mamit District-a mite a kawb bik lehngal a. Vawiinah hian Mamit District huamchungah MLA pahnih House-ah hian kan awm a. Member dang pahnihte erawh chu Kawrthah leh Phuldungsei bialtute erawh an awm hrih lova. Bialtu an nei hrih lova, kan hria a, chuvangin, keimahni Distirct bial chanchin te a nih avangin ding lo thei lo niin ka inhria a. Chuvangin vawiinniah hian kan bial awmna District, Mamit District chanchin a bikin Serthlum chungchangah Resolution a rawn lut a. Chuvangin tawitein Pu Speaker, han sawi ve ka duh a.

Kan hriat theuh angin Mizoram khawthlang lam hi tunhma atangin Serthlum chinna leh thar tamna hmunpui a ni a. Hei kan han chhui chian ve deuh chinah, phei chuan 1957 bawr velah Tut leh Tlawng dung khulai velah khuan a lang thamin kan han thar tam ohho ve a. Amaherawhchu, Mau a lo tam khan alo tam ohho ve niin an sawi a, thawnthu ang chuan 1965 bawr atang khan Mamit District a Hachhek tlangdung tunah chuan Mizorama Constitutency han siam thata

Hachhek bial Constituency tur Zampui thlang tuna Tripura tlangdung atang khuan Serthlum tiak la chho in an lo tam chho a, 1972 bawr velah khan Kawrtethawveng ah chuan an lo thar tam chho leh ta viau a. 1983 atang chuan Cachar vai pawhin a nawlpui a lei tham a ni tih hriain an rawn ngaihven tan a. Chutiang chuan 1978 thleng khan khulam khawthlang kan sawi bik Mamit District angah chuan engemaw a pung a, hrisel lohna leh a hralhna lamah pawh market ah pawh, harsatna awm lutuk lovin kan kal chho thei a, alawmawm kan ti khawp mai a. 1999 vel atang khan hri atha lo a lo lang tan a. Chuta tang chuan kan Serthlum te khu ahrisel ta lo viauin, duh angin a thangduang lo deuh emaw tih kha, a viltu Department pawhin an rawn enchiang tan viau a ni.

Mamit District pumpuiah khuan kumtinin a thar vanglaiah chuan Motor a insul zung zung mai a. Hetah Aizawlah a then a lo chho a, a then phai lamah, Zawlnuamah, Kanghmun ah, Silchar phai ah a pheih thin a ni a. Hmuhnawm tak a ni thin a ni.

Tunah erawh chuan kan hriat ang khan a kung a lo thi zo deuh vek tawh a. Chuvangin Serthlum atam kan ti a, Mizo tawng chuan khatiang ang dinhmunah khan kan ding a. Vawiinniah pawh hian Resolution hi a lo lut a ni a.

Kum 2002 - 2003 ah chuan Mamit District pumpui bawrah khuan nuaih 180 zet hi farmers ten Serthlum atangin an lei niin kan hria a. 2003 - 2004 ah khan nuaih 113 zet an leiin kan hria a. Chu chu 2004 - 2005 kum kaltaah khan atlahniam thut mai a, nuaih 30 bawr velah a tla ta a, a chhan chu kan sawi ang khan atam kan tih mai khan arawn nang ching chho ta a. Tunah hian Serthlum ching tute a bikin Mamit District ah hian kan dinhmun tlangpui an han sawi duh a ni a. Mizoram sorkarin tunah hian harsatna a lo awm hian nasa takin Horticulture leh Agriculture Department atang hian engvangin nge Serthlum kung hi a lo tam kan tih mai hi a lo awm thin enfiah a ni a. 2001 May thla ah khan Dr. J.P.Singh hovin chipchiar takin an zir a. 2003 Oct. thlaah leh 2004 Feb. thlaah NRCC Scientist Dr. ST.Gupta hovin an zir a. Horticulture Commission Govt. of India te leh R.B. Singh members of farmers Commission Govt. of India hovin Hlimen thlangin Serthlum tam chhan hi zirin an lokal a ni. Chuvangin sorkarin ngiahthah hauh lo a ni tih kha a ti lang ani. Hemi finding ah hian Mizorama Serthlum tamna chhan nia an hmuh te chungchang Doctor te leh Scientist te khan an hmuh record te chu hetiang hi a ni.

Pakhatnaah Huan enkawl that loh vang. Pahnihnaah thal lain tui pek tur a awm lova, hei hi Ser kungin a tuar phah hle ani. Pathumna Serthlum kung natna leh rannung laka ven nan huan neituten tui an pe thalo, palina huan enkawl faina a awm lo. Pangana awih lutuka Ser phun atha thei lo. Plan mumal lova thlai awmte nen chawhchawrawih a ni. Chung chu an Serthlum alo hrisel lohna chhan leh a tam an tihna chhan chu a ni.

Pu Speaker, Mizoram sorkar hian he Serthlum tam hi a ngaihthah lo a ngaihsak zawk a ni. Chuvang chuan sorkar hian a ngaihthah hauh lo a ni.

Tichuan, Natural Calamity ah puan nise Serthlum tam hi tih Pu Speaker, hemi tunah chuan Natural Calamity hi 12 Finance Commission Khan a tehfung an siam ta a. Chumi zingah chuan Serthlum tam tih anga han phuah tur tak hi thu a awm lo a ni. A sum min petu turin min pek theihna tura a siam ang te hi ani tura a ni tih Natural Calamity a vuah theih tur a siam zingah hian Serthlum tam kan tih tak a hi a tel tlat lo a ni. Serthlum atam lo kan tihna nilovin, House-ah hian inthlahrung taka kan ngaihtuah chhohnaah hian he resolution hi hnawl ni hauh lovin, kan Minister zahawm takin a Amendment-a kan Resolution hi tlem deuha ha siksawi deuhin Mizoram hmun hrang hranga Serthlum tam avanga huan neituten sum tam tak an chan mek leh an hlauh zel tur hi House hian pawh a ti takzet a, hetiang Serthlum tam nachhan hmuchhuak tura sorkar mithiamte hmanga research uluk taka akalpui hi chak zawkin kalpui nisela, hemi avanga tuartute tanpuina awm thei ang ang pe turin Central sorkarah thlen ni rawh se, tih hian he resolution content a hi a kaitawi mai a ni a, hemi form hian kan zavai hianin lungruah deuh main waviinah hian Pu Speaker, i phalna leh he House remtihnain lungruah takin pass ta mai ila, a tha awm mang e tih chu waviinniah hian kan sawi ve duh a, Mizoram mipuite tan hei hi a tangkai ang tih pawh kan ring a, tumah hlamchhiah leh kalsan neih hauh lovin Khawzawl bialtupa pawhin a rawn sawi a, Ratu bialah pawh Serthlum a tam, sawtah Lunglei lamah pawh tin, Hnahthial bialah pawh a tam hle a ni tih kan hria a. Kolasib bialah te, Pu Speaker, i bialah ngei pawh Serthlum atam em em a, chuvang chuan, Mamit bial pawh an tuar nasa bik e, tih kha chu kan zep lo, kan thlawp thlap, amaherawhchu, hetia kan ti rau rau anih chuanin Serthlum tam leh wawina rah theilo khawpa a kung lo thi ta hi ram pum huap hian kan resolution a hi her rem ta ila, tichuan Zoram mipuite, kan zavaia kan hlim tian leh zualna tur a ni ang tih ringin khatiang anga han siamrem kha leh amendment han tih puitlinga kha ka rawt vein ka han thlawp ve a ni e, ka lawm e.

**PU LALHMINGTHANGA :** Pu Speaker, vawiinnia Buarpui bialtu zahawm tak Pu Zodintluangan Resolution arawn pulut hi balloting a niha ka lo hmuh atang khan ngaihtuahna thui tak min siam a, tiang ang hian han sawi ka duh a, hei Mizoram hianin tunhma atanga kan eizawna thin ram that laia kan Pi leh Pu ten kawng dang aneih chuan loh avanga kan eizawna bulpui ber loneih hi ram a lo tunah hi chuanin asaptawnga rinrawl tling sustainable economy kan tih ang min pe pha ta lova, tichuan, ram leh hnam nive lem si leh hetiang anga state puitling te pawh nisi hian tuna kan economy hi rinrawl tlak, kumkhua rinrawl tlaka kan siam a ngai em em mai a, chumi/chu he rorelna in atan leh a memberte tan leh sorkar tan pawh kan hmaa economics challenge, lian tak awm lai mek a ni a, heti lainah hian ka rilru ka lo hmang nasa ve tawh em em thin a, chutiang anga Mizoram sustainable economy neih theihna tur atana kan rama thlai leh thei zinga langsar ber leh scientific method kan hman hma atanga kan pi pu a a bul kan lo tan chu Serthlum, China Serthlum atanga sum leh pai siam hi a ni a.

Tin, Serthlum hianin kan ramah chuan thlai dang chi hrang hrangte aiin. History pawh a nei thui a ni. Tun hma District Council kan han neih tan tirh chhoh te pawh khan zawhna leh chhanna lar tak awm thin chu Mizo District chuan a ram pawn lama a thawn chhuah thin chu Serthlum hi a ni tih a ni fo thin a. Chutiang ang khawp chuan Serthlum hian Mizoram leh hnam economy ah pawimawhna a nei a, tunah hian hei a tam thin a ni tih hi tum hnih lian tak takin kan experience chho tawh a. Kha kha mover khan a rawn sawi nghe nghe a. Hmanlai deuh 1920 vela Serthlum an chin tan kha, 1954 khan atam tiangpui deuh vek. Amaherawhchu, a ban tiang khawimaw laiah khan a awm tho a, kha kha Mautam hma 1958 hma lam khami atanga kan han chhut let chuan kumli velin Mautam leh Serthlum tam hi a inthlau a. Serthlum a tam hmasa deuh niin a lang a. Tunah hian Mautam hi 2007 ah hian kan hmabak lehin kan han chhut a. Khulai chauh ni lo, hei Mamit District ah hian a hluar a, a chhan chu achingtu an tam a, Kawrthah, Phuldungsei, Lokicherra ah te a chingtu tam na na chuanin mit ala lo thei lova, keipawh 2003 ah te khan khulai areaah khuan ka zuk zin a, tahkhan vedio in atam tan tir thla te pawh ka la a. LPS ah te kan chhuah tir a. House ah te pawh ka sawi chhuak a. Khang kha chuan atan tir dawn vel ani a. Tichuan tunah pawh kan han chhut leh chuan 1962 - 63 chho a an chin a kha tunah hian Mautam hma kumliah hian atam nasa leh hle mai a, Zoram pumpui ah hian, chu chu Scientific lutuk lem lo zawnga kan sawi pawhin Mizoram bikah hi chuanin kan Serthlum life cycle-a hi kum 50 bawr ang, Mautam nena kha tia in-preceed a kal a ang viau mai a ni.

Engpawh lo niselangin Serthlumin a kan ram a economy a siam ahi thei mal dang han lak chuanin a engmah hianin atluk lova, thlai mal dang han lak pawhin a engmahin a tluk lo hrim hrim a ni. Sawhthing hi an lar viau a, mahse, Sawhthing atanga kan lak luh hi engtik lai mahin a tluk ngai lova. Chutiang ang dinhmunah chuan Serthlum hi a ding ani. Chuvang chuan tuna kan resolution kan han ngaihtuah a engemaw Election Oriented zawng leh khami zawng lo deuh a han thluk theih athil awm te khang ang lai confussion rawn awm/siamtu Treasury Bench leh Opposition Bench lam a harsatna han siam tu akha chu thil te nau zawkah dah tlang vek ta ilangin aram pum huap a kan deal dan tur a kha apawimawh em em mai a ni.

Tin, a technical point kan Treasury Bench lam ten an rawn sawi chhuah, Natural Calamity a puan hi chu India ram kalhmangah hian Finance Commission ho hian anmahni term kum 5 atan hian classified chin an nei si a. Chumi chhungah chuan atel si lova, an han tih laite pawh kha opposition bench lam atang te pawn lak nat vak chuan lem loh atha pawh ka ring a. Helaiyah hian concensus deuh a vawiinah he resolution hi meeting point kan siam a, kan pass ngei chuan hun lokal tur atan he reorelnaah hian rahbi precedence lian tak mai ram pum tana tangkai tak kan siam dawn tihna ani anga, chuvang chuanin hei hi chu positive taka kan inlungruang theihna lai a kan pass ngei ngei kha a pawimawh em em in ka ring ani. Hei 2002-03 chho ah te khan Serthlum ngaihtuah hianin ka zin nasa ve em em a. Lungdar lam bial te, Serchhip bial te, Lunglei tlang dungah te leh Champhai, Kawlkulh lamah te, Lokichera, Mamit, Kawrthah te, tin, Vairengte, Bilkhawthlir ah te kan Serthlum hi a han rah that chuan aleitute hianin a sen tan tirh atang hian an rawn hauh duh mai a. Keini kan zawrh pawh ngai lovin, Sawhthing te anga han chawh a phurh a an lei duh leh duh loh hnawn ngai lo khan a market a hi a tha em em mai a ni. A kungin an rawn khar tawp mai a. Khimi Chhiahtlang, Chhingchhip vela an khar lai khi tum thum emaw chu ka han en a, TMB liana an han rem hianin singriat pum vel te an rem thei ta a. Tichuan, a hmunah a lotu rawn kengin chutiang chuan an rawn khar tawp tawp a. A bik takin tuna kan ngaihtuah lai Kawrthah tlangdungah te phei chu chuanin Zampui lamah Tripura State chhungah an lo ching nasa bawk a a tam hma kha chuanin sum a lut tha em em a. Tichuan, kan State economy te pawh hi Serthlum hian nasa takin asiam a ni. Tam thin mahselangin a life cyucle ate hi kan recognise chian anungchang kan hriat chian chuanin kum 45 chhunga khami tan han lak akan ram economy siam tur hi chuanin tam leh zel pawh nise a tam a hi kan ti reh theilo a nih pawn kan sum hnar sustainable economy kan neih theihna lai anih tlat avang hianin apawimawh ka ti takzet a. Chumi thinlung chuanin vawiinah hian kan resolution pawh hi dawr ilangin nitinin point tha tak an rawn rawt pawn ka hria ruling lam khan chuvang chuan

hei hi a pawimawh takzet a ni tih kan hriat a tul ani. Thil tam hi Pathian ina siam hian thil chhia vek ani lo tih asawi theih a, ka pa hian mawl taka min zirtir chu mau tam hi Pathian siam annia Mizoram tan atha a ni. A thatna chhan chu kan ramah Mau a tam em em a, kum 50 chhung hian alei hnuai zawng zawng hi azungin akhat a, hetia a lo tam hianin akung akha a lo tawih ta baw k a, azung zawng zawng kha a tawih a, tichuan lei a lo phur tha leh a, khami chemical mannure a va ti leh tur hi chuan aharsa lutuk, expensive lutuk a ni a. Mahse, a ma organic manure khan chu chu a generate leh a, chu chuan Mizoram hi lei tinrengin a siam a ni tih hian pawlkhat pawh pass lo hian min zirtir thin ani Mau tam ah hian. Serthlum tam te pawh hi khati zawnga kan zuk thlir chuan khumi a tamna tur area ah pawh a tam tawhna area pawh khu en ila, atam na hmun hrang hrang a hi. Khulaiah khuan a zualkai kan han tih hian chin tam vang ani ang. Kan veng lam ka bialah te ngei pawh sawn kan Minister zahawm tak Education Minister bial, kan khua Vanhne-ah te pawh sawn Serthlum a tam tho ani. Mahse, a tam hianin a zungte nena a lo tawih vek khan lei beng tawh leh manual generate thei tawh lo kha a zung tawih leh khang khan agenerate leh ta a. Tahchuan utililty a awm ve tlat ani. Chumi awmzia chu kan zuk man a, tan lakna atana kan hman theih thei hi chu a ni hrim hrim ani. Chuvangin kan ram economy ah hei hi thusawi a nei thuk em em a. Khawilaiah pawh chhiatna lo thleng sela kan zavaia a hnam pum pui leh a State pumpuini a a hlohna a nih tlat baw k avangin he chhiatna lo thleng fo thin a hi kan han hriat theih chuan Scientist te chuan an sawi kha a dik vek ang tui chawm that leh vang te, enkawl that loh avangte khan improvement siam theih a ni a. Khang zawng zawng kha lo ti pawh ni ila, a light cycle-a kha keini tan te chuan hetiangalo ni si a nih chuanin kum 45 chhung vel kha chuan hman that theih a nih tho baw k avang hian he resolution hi pass ngei ilangin. Tichuan, hun lokal zelah pawh a chingtute tana engthawlna chhuak thei turin hei hi buatsaih ilangin tih kha thinlungah a lian hle a, chutiang zawng chuan he resolution-ah hian rawtna ka rawn siam ve ani e, Pu Speaker, ka lawm e.

**PU LALRINCHHANA  
MINISTER**

: Pu Speaker, hun min pek avangin ka lawm e. Pu Zodintluanga resolution hi kan chhiar kan chhiar hian Serthlum tam neitute harsatna leh an manganna ka hmuhin rilru leh ngaihtuahna ka tawmpui hlein ka hria a. A bikin Mamit District an ti a, term hmasa lamah khan Mamit District ah ka zu kal tawh a. Chutah chuan an Serthlum nungchang ka enin anmahni hnenah pawh ka ti a, in Serthlum nungchang thlir hian tun ang anih chuan kum tam a daih dawn miah lo a ni a. Department lam pawhin kawng a zawnpui theih

anah loh chuan tiin ka sawi tawh nghe nghe a. Tichuan tun thla tantir lamah ka zu kal a, an Serthlum lo tam zo ka hmuhin hrehawm ka ti khawp a. Mamit amnite pawhin he thil hi Natural Calamity lam atanga tanpuina kawngte pawh zawn theih ni sela tiin ka hnenah an lo sawi a. Amaherawhchu, Natural Calamity Kalphung ah a enkawltu ka nih avangin Natural Calamity a refer theih ani lo tih ka hria a. Natural Calamity in a a tam dan ka thlirin a tih theih loh avangin adepartment neitute hnenah lo kalpui ula, lo thlen ula, departmentin hei hi kawng zawnpui sela, Serthlum hi atih theih loh anih pawhin alternative atan eng emaw Horticulture hovin an eizawna tur kawng leh an thil chin tur kawng pawh zawn pui ta sela a thain ka ring tih thu ka hrilh nghe nghe a. Serthlum hi a lo buaipui hmasa berte zing a mi niin ka inring a. 1940-50 inkar velah chhungkua Serthlum phun tawh zing ami ka ni a. Khang hunlai khan Tuiruang dung leh Tuirial dungahte Serthlum huan tha tak tak an nei a. Eizawna leh sum hmuhna hmanraw tha takah an hmang thin ani. Amaherawhchu, hun a lokal zel a, Tuiruang dung leh Tuirial vela Serthlum hmun saw atam fai ta vek a. Chin zui leh pawh tum se ati tak tak theih tawh loh chutiang bawkin Tlawng dungahte pawh eizawna bulpui tak sum lakluhna atan an hmang a, mahse, arem leh zo tawh. Chutiang chuan Serthlum tamna hian aching hmasain hma rawn la zel a a tam zel a, a ching hnunngah hna a rawn thawk zel a ni. Chu chu a kalphung a ni tawp mai a, hman kumah opposition a kan awm laia Ratu ka bial laiin sawmi tlangdung Agriculture leh Horticulture hmalakna turah enge tha ang tih kan survey khan Serthlum chinna te pawh kha a tha an ti a. Hei hi hma nghal ang an ti a, kei chu Serthlum-ah hian ka beidawng a nia ka ti a. Khawchhungah chuan tlema zawng Sakawrdai velah te chuan a la tha viau, amaherawhchu, khawchhungah pawh zawi zawiin achin theih loh tial tial a. Chutiang chuan a kal a ni, hei tuna an rawn tarlan khawthlang lam a mite pawh hi 1960 hnu lam 1970 chho vela rawn ti chho an nih avangin an tih a tlai avangin Serthlum tha reiin a lang mai a ni. Amaherawhchu, hun alo kal zel a, an tan tam hun a rawn thleng leh mai a ni. Kawkulh te pawh a tha rei kan ti a, amaherawhchu, a zo deuh avangin atha rei a, mahse, a tam tho. Khatiang khan hma a sawn zel a ni. Lungdar velah pawh ka han kal a, an la hlawkpui khawp mai a, atha viau a a lawmawm a nih chu. Khawchhak Zohmun a ni a, a ziaawm deuh pawh a ni ange ka ti a. Mahse, tunhunah chuan atam an sawi tan leh tawh a ni. Chu chu ania kan rama Serthlum tam dan han thlir hian hunbi a nei em ni aw tih a awl khawp mai. A tam han en chuan chi hrang hrang a tam chhan awm chu a hmuh theih Thlangdarin a bawh tihte a zungah thilin a kher tihte chi hrang hrang a tam mai. Amaherawhchu, a tam hunbi a rawn thlen chuan atam duak duak mai a ni, amak khawp mai a. Chu chu a nih avangin Serthlum tam hi ngaihtuah thiam a harin ka hria a, kan ramin ei kan hmuhna bul bera hman tlak ani dawn lo em ni ti hialin ka rilru chuan



a ngaihtuah a ni. Engpawh nise Department lamin Horticulture lampangte mithiamte ruaia kawng an, zawng a kan ram hi Serthlum chin leh tlakna tura an zawng chhuak thei a nih chuan a lawmawm khawp ang tunah hianin Department pawhin theih ang tawkin mithiamte pawh chahin an bei mek a. Tunah pawh hmabakah eng anginngge an tih aw ka hrechiang lova. A Minister ngei pawh kan zingah a awm a, tunah hian hma engang chiahin nge hma an lak dan sawi sela Resolution kan pass hnan ngai lo hian Department hian chak takin hma an lo la em aw tih hi ka rilru chuan a ngiahtuah ve hle a ni. Engpawh nisela, tun huna Serthlum tam te hi Mamit bial pawh a ni hmundangah pawh a ni. Kum tinin Serthlum tam hi a awm zel a. Chung mite chu harsatna an lo tawka, an eizawna sum hmuhna a lo tawpah chuan sorkar hian anmahni tanpui letna tur leh eizawna kawng buatsaih puina tur chu kan mawhphurhna leh kan tihtur chu a ni ang tih ka ring. Tunah hian kawng chi hrang hrangin Natural Calamity a ti kherlo pawhin department hrang hrangin hmalakna chi hrang hrang kan bei zel a, loneituten eizawna ngelnghet an neih theihna turin chung kawngah chuanin heng Serthlum tam area chin theih lohna hmunah chuanin a dang thlai dangah eizawna an neihna tur kan ngaihtuahpui hi kan tihtur chu a ni ang a. Chumi atana chak zawka hma kan lakpuia loneitute tanpuina kawng kan dappui chu kan tih tur a ni ang tih ka ring ani. Chutiang ang chuanin Serthlum chungchangah hianin ka lo experience leh ka lo thlir ve dan kawng ani a. Tun ka resolution hi nichina ka sawi tawh ang khan Natural Calamities items kan han tichhuak a, chutah chuanin, Serthlum pawh ni rawh se, Serthlum huan kha min chhe vek ni sela, Natural Calamity fund atangin tanpuina pek theih a ni. Anih loh vek leh thlipuiin tiche ta sela, kha Serthlum chhia atang khan Natural Calamity tanpuina pek theih a ni. Amaherawhchu, a ngetin a kher avanga a lawn avanga a tam avanga a lo thih takah Natural Calamity atang chuanin tanpuina hetiang pek tur chiah hianin an rawn titel tlat lo, a tih theih tlat lo mai a ni. Chu chu anih avangin Natural Calamity a puante hi chu tuna Central kaihhruaina hnuaiia kal kan nih a ngia a anmahni atanga sum beisei kan nih lai hi chuan Natural Calamity a puan hi chuan awmzia a nei chuang lo. Chu chu a kalphung anih avangin Natural Calamity a puan tur anga hetiang Resolution lokal hi chu he thil hi a pawimawhna avanga engemaw resolution kan siamduh a nih pawn Natural Calamity a puantur zawng hi chuanin kal lo sela a pawimawhin ka hria a.

Tin, Research uluk taka bei tur tih thuah pawh hian a department kengtuten tunah hian eng ang chauhin nge research ti tura hma an lak dan te pawh hi hriatchian hmasak te te chu a va tha em? tih te ka ngaihtuahnaah chuan a awm a. Engpawh nisela, heng Serthlum avanga sum tam tak lalut tuten an eizawna an lo thlan

takah hian anmahni tanpuina tur leh anmahni kawng zawnpuina tur erawh chu engemaw ti kawnga han ngaihtuahpui erawh chu a tha ka ti a. Chu chu ka rawn sawi ve a ni e.

**S P E A K E R**

Le, kan Resolution pawimawh tak mai hi khi minute 50 tling tawh lo kan nei a. Serthlum concern Minister pawhin a sawi duhin ka ring a. Tin, Resolution neituin a wine-up a chutianga kan tihte pawh chu a tul ang a, chu chu engtinng e hun kan han insiam ang. Nichinah khan Pu Rohluna hian a phar a, Pu Rohluna hi sawm leh ta ila, tichuan, concern Minister, Leader of Opposition, House Leader tikhan ti ta ila, kan hun hi kan hmang tawh mai awm mang e ka ti deuh a, a tha mai em ? anih tunah Pu Rohluna sawm ila, chumi zawh chuan concern Minister sawm ila, khatiang khan kal tum ila.

**P U H. R O H L U N A**

Pu Speaker, ka lawm e. Hun chep tak karah min la duhsak a min la pe hram hram a ka lawm khawp mai. Hei vawina kan Resolution Buarpui bialtu zahawm takina an move hi a pawimawh tak tak a kut hnathawktute thlavang hauh na hetiang resolution an move a, he rorelna sang bera kan sawi ho hi han pass pui ngei atan pawh tha ka ti a. Kut hnathawktute hi Mizoram hian a tam ber an ni a, churang chuan anmahni hma khua leh an pawimawhna hi, he House zahawm tak pawh hian kan ngaih pawimawh hi a tul tak tak a.

Tichuan, hei Serthlum chungchangah Resolution han move tu khanin a Resolution a bik takin Mamit District huamchhungah tih lai hi i dinglama thute khan an rawn sawisel deuh a ni a. Amaherawhchu, Zoram pumpui a huam vek a, tawngkam han enin churang chuan Mamit District ah a chingtute leh tunhma atanga eizawna atana lo hmang thin bik te hi a bik takin, kan sorkar hianin ngaihsak bik deuh sela, hma han lak nan, abul tan nan han hmang se tih kha atawngkam han enin a ni deuhin a lang a. Amaherawhchu,, nia Mamit District huamchhung amite ngei pawhin, Bial dang helamah Hnathial Bialtu zahawm tak te pawhin an thik em em lai pawhin, lehlamah chuan anni an hawihhawm nge ni, Mamit bialtu te Zawlnuam lama mite pawhin

nia, hei hi abik deuhva thil han hui luh ah hi chuan he House zahawm tak a han sawi ho hi anmahni hmakhua ngai lutukah an inggai deuh nge, anni pawhin hei hi chu tha lo an ti deuh nge ni, an han sawi deuhva. Khatiang lam zawng ni lovin, abik takah Mamit District in an tawrh nasat dante pawh he House ah hian a changtu Minister zahawm tak pawhin, November Session ah pawh khanin a sawi tawh a. Chutiang bawk chuan he House ah pawh hian sawiho tawh a ni a. Chuvang chuanin an harsatna bik a hi sorkarin a tih tak tak a angaihtuah hi a pawimawh a. Hei tun tum Session ah pawh Unstarred Question ka zawt a, chutah pawh chuan engtingge Natural Calamities ah puan theih a ni em? Engvanginngge puan theih anih lovang tih te? Tin, Serthlum tam hi sorkarin a hriat chuan hma alak? tihte ka zawt a. A chhanna te, pawh min han pe a. Hetah pawh hian National Research Centre tan citrues an ti a, dinglam mite member zahawm tak takte pawhin Pu Chairman, an han sawi lang tawh a. Hetah hian nia, chhannaah chuan tam nilovin a tam a nih zawk hi an ti a tih hi a ni a, chumi anih chuan Serthlum kut hnathawktu tam zawkin a eizawna atana kan hman, 'Keimahni chin ngei atam anih hi chuan, Kan chin loh tam, Mau tam te pawh hi ti khawp hian kan vei a, kan do a ni a. BAFFACOS te din a ni a. Heti anih chuan Orange famine combat scheme te pawh hi sorkarin han ti ta zawk selangin, chutiang zawngte chuanin hma te pawh hi sorkarin a duh zawng ah hi chuan hma a la thei a ni. Kan House Leader ngei pawhin Mau a sawi uar em em a, a vei em em a. Chutiang chuan an han vei zawng tak takah hi chuanin, Central ah pawh hian pawisa hi scheme eng eng emaw siam pawhin an hnuk chhuak thei a ni. Chuvang chuan hemi Serthlum tam ah pawh hian kan sorkar hian tih tak takin tunhma atangin lo nei ni sela chuan, vawiinniah hi chuan hetiang tak hi chuan Serthlum chingtute hianin harsatna hi an tawkin ka ring lo ani. Mau tam tur kan tih ang hian mutmawh hnarmawh hianin kan sorkar hianin a nei tak tak lo hianin ka hria a. Chuvang chuanin hei hi vawiinniah hianin Mamit District leh hmun dang ami te pawhin Serthlum chingtute hian harsatna hi an tawh phah niin ka hria a, hei hi alungchhiat thlak hlein ka hria ani. Research te leh engemaw thil han sawi tur hi chuan department lam pawhin hma chu an lo la aniang, amaherawhchu, an hmalak naah hian recommendation hi nichina member zahawm tak tak ten an han sawi atang pawhin a thu hi han hlim fuh chat tur hi a la awm tak tak thei lo a ni. Chuvang chuan research hi chu nasa lehzual a tih hi chu a tul a ni tih hi alangin ka hria a, tichuan hei, a tam chhan chi hrang hrang te pawh Zopaina a chingtute ngei pawhin an han ngaihtuahna ah te pawh ngaihdan chi hrang hrang a awm a ni tih hi vawiinnia member zahawm tak tak ten an sawi atang pawhin a Chiang a, chuvang chuan hei hi chu tih tak tak a, kan sorkar pawhin a hma a lak theihna tur pawh a keini he rorelna sang bera vawiinnia he resolution ngaihtuah tute pawhina kan

thlawp hi a pawimawh tak takin ka hria a. Tichuan, a department lam te pawh tam takin an rawn mawhpuh mai thei a, amaherawh department lam te pawhin hma duh ang pawhin han la dawn pawh ni ta sela, sum leh paiah hian harsatna hi an tawh lo thei lo a ni. A chhan chu vawiinnia Serthlum tam neitute hian an mamawh ber hi chu sum leh pai a chhawmdawlna hi ani tel lo thei lo a ni. Nichina kan sawi tak ang khan Serthlum hi a tam ni lovin a tam a ni tih ang zawnga hetah Scientist te pawh ina an lo hmu anih pheichuan, khami tam han chhawmdawlna tur a kha achingtu te leh he a serthlum neitu te hianin an mamawh hle a ni. Chuvang chuan Serthlum hi a tam ni lovin a tam a nih pheichuan Natural Calamities angah te pawh hian puan theih dan tepawh a awm lawm ni. Angola te leh hmun dang dang te pawh an tam a, hei khawvel pumpuiah thawhlawm te an khawn a, an tanpui luai luai alawm mawle. Chutiang bawh chuan Sorkar pawhin khawilayah emaw tam a awm hi chuanin an ti thin anih kha. Vawiinnia kan Serthlum keimahnichin ngei ngei nunna nei ve si heti khawpa an tam anih hi chuan an ngaihtuah awma an khawngaih thlak hle a ni, tih hi kan sawi lang duh bawh a ni a.

Tichuan hei Natural Calamities chungchangah hian 12<sup>th</sup> Finance Commission te 11<sup>th</sup> Financial Commission te an sawi lang a, hetah hianin Natural Calamities a puan theih anih loh chuan engvangnge tia ka zawhna chu Department lamin Serthlum tam kan tih hi vawi lehkhata thleng thut ni lovin natna leh thil chi hrang hrang vanga zawi zawia awm, kum 2/3 hnua lo lang chauh anih bakah a chingtu ten enkawltha an pek loh avanga thleng anih avangin tih lam kha a ni a. 11<sup>th</sup> Finance Commission te leh khatiang lam kha engmah sawilan a awm lo a ni hetah hian. Finance Commission lam te, 12<sup>th</sup> Finance Commission lamte hi chu sawilan a awm velo, chuvang chuan helaia rorelna sang bera keimahnina kan remtih tlan hi chuan harsatna awm awm lo takah ka ngai a ni. Tichuan, leimin te pawh kan ti bawh. Kalkawng kamah te Quarry ah te sorkarin lung hal lo turin ahrilha dan te pawh a puanhnana mahse min an hal lui a, khatah pawh khan lei a mina Natural Calamities ah an pawm leh tho a ni. Hei hi mihring siam ve tho a ni. Pu Speaker, chu vang chuan tuna hetiang kuthnathawktute kan ngaihthaha heti zawnga chhuanlam kan siam hi a dikan ka hre lova. Chuvang chuan an hamthatna tur hi kan ngaihtuah hi a tul takzetin ka hria a. Chu chu kan sawilang tel duh bawh a ni.

Tichuan Mau kan chin loh mah heti khawpa atam hi kan vei anih chuan, keimahnin eizawna bulpui, a nuaih tel, a nuaih za tel kan lo lei chhuahna te hi chu Mau ai hi chuan kan sorkar hianin vei zawk se tih hi kan sawilang tel duh bawh a ni. He Resolution tha

tak mai hi Pu Chairman, ka thlawp a. Tin, a tha pawh ka ti a. A thute hi engtin ngeni Buarpui MLA bialtu zahawmtakin hetiang a thaa a rawn phuah chhuak theite hi a ropui ka ti a. Pass pui ngei tha ka tih thu kan sawi duh bawka ni. ka lawm e.

**PU S. HIATO  
CHAIRMAN**

Ngawi rawh u, A sawi duh inawm viau naa Speaker ina kan ngaihdan a lakah khan a hun rem siamna kha a nei a. Chuvangin lo hrethiam ula, tunah

Minister incharge Pu H.Rammawi, a ngaihdan sawi turin i lo sawm ang.

**PU H. RAMMAWI  
MINISTER**

Pu Chairman, ka lawm e. He Resolution hian thil pahnih kawp a neiin ka hmu a, a pakhatnaah chuan he Resolution hi hetiang anga kan pass chuan

Central lamah tanpuina te a awm thei ang a. Serthlum chingtute tan khan a tha ang tih alang theiin ka hria a. Pakhat erawh chu Bye Election anih dawn avanga khawthlang MLA bial 2 inthlan dawn avanga he resolution hi tun tumah hian lo lut niawma lang asawina te pawh kha adik niawm pawhin a lang thoin ka hria a. Amaherawhchu, thil awmdan, Pu Chairman, he resolution ah hian sorkarin ngaihsakin ti hi a awm a. Sorkarin ahmain a ngaihsak lo em ni? tih neih theih te pawh a ni a. A tawngkamah hian chuvang chuan a enkawltu Department Horticulture Department hian tunhmain Member zahawm tak takte sawi tawh ang khan thui tak hma an la tawh a. Pu Chairman, ka hma ami te sawi ang khanin 1999 kum atang kha chuanin khawthlang tlangdung, Hachhek tlangdungah khuan Serthlum chingtute hian harsatna an tawka.

Pu Speaker, tunah ngat hi chuan khawthlang tlangdungah khuan kan hotute khawthlang hotute pawh kan zawhin Serthlum ching leh tur hian hma. la ila, mipui rilru kan chawk tho thei angem? tia kan zawh pawhin in-chawhthawh theih hi kan beisei lo, tih hi chhanna kan hmuh thin a ni. Chuvang chuan farmer te an beidawng tawh a ni. A chhan chu, kum 3/4 chhung hianin tunhma an hmuh anga chhut chuan vaibelchhe tam tak hi an hloh tawh a ni. Khatiang dinhmuna ding kha an ni a. Agriculture Department lam atangte'n engtingge alternative hi tihdan tur ni ang tih hi tunah pawh kan ngaihtuah lai mek a ni a. Chutih laiin Pu Speaker, vawiinniah hian sawi ngei ngai chu he Resolution hi

Horticulture Department concerned a nih avangin Department atanga tunhma atanga hma an lo lak dan, ka hmaa member zahawm tak tak tena an sawi tawh, Department hianin mithiamte hi a chah hnem ve viau tawh a ni. Doctor I.P.Singh leh a hote, National Research Centre a mi, ni 3/4 Mizoramah hian an awm a ni. Chuan, chumi hnuah Doctor A.G.Gupta te leh a hote kha training pein tum hnih kum 2003, Oct. 13 - 18 leh kum 2004, February 27 - 28 kha training an rawn neihpui a ni. Chu chauh a ni lova, Pu Speaker, National Level workshop te pawh Aizawl-ah hian November 2004, ni 23-24 khan Aizawlah hian neih a ni a. Mithiam rual pawh Dr. ML.Chowdhury khulaia Horticulture Commission hovin, tin, farmer Commission of India member Dr. R.P.Singh-a te pawh a lo tel ve nghe nghe ani, khami tum khan. Chu chauh chu ani lova, Dr. J.L.Cole leh a hote pawh Mizoramah hian chahchhuah an niin hemi chungchangah hian hma an rawn la tawh a, chumi karah chuan Pu Speaker, Indian Council of Agriculture Research ami hi an lo kal deuh reng bawk a. Tiang khan min buaipui viau a ni. Chu chauh a ni lova. Pu Speaker, Japan mithiamte pawh 4 Mizoramah hian an lokal a, ni 12 vel ngawt Mizoramah an awm nghe nghe a, Champhai te, Chhingchhip te, helai Tanhril thlate hi an tlawh a, khua zawng zawng an tlawh thei lo, chung 4 te chu Dr. Meera tih te, Ajuriayamagata tih te, Hassi tih te, Dr. Sonayee, Sowaraborai heng pali pawh hi kar hnih dawn lai ni 12 vel Mizoramah hian an cham a. Khatiang khan thil awmdan min enpui a, chutah chuan Pu Speaker, Scientist mithiamte, heng expert ho reng reng lokal te kan kawm hian anni chuan a seed atangin an chhui zel a ni. Engangnge seeds in hman? Khawiami nge in lak? Engtingge in enkawl? Leitha engangnge in pek? Tui engtingge in pek dan? Kha kha ani ta zel a ni. Chuvang chuan a tir atanga enkawl ngun hi a ngai khawp a, a seeds atang hian min zawt zel a ni. Chuvang chuan a tirta atanga enkawl ngai hi a lo ni a. Vawi leh khata a buai tawh hnu a thum that leh hi chu har tak a ni a.

Tiang ang khanin mithiam rualten min buaipui viau mahsela, Pu Speaker, khang mi thiam kan chah chhuah zawng zawng bakah helaiah department changtu mithiam rual kan neih bakah ministry amite pawhin min buaipui viau mahsela, a tam zui zel chu a ni mai a. Kan veng thei lo chu a ni mai a. A lehlamah chuan Mau pawh a tam dawn a. Pathian remruat Lunglei South bialtu zahawm takin a sawi ang khan mau tam turte pawh hi Pathiam remruat a nih chuan engmahin a dang thei dawn reng reng lo mai a. Sazu puang tur pawh hi engmahin a dang dawn reng reng lo mai a. Kan sorkar tan pawh hian ngaihtuah a ngai chu a ni ta a. Chutih lai chuan, farmer ten an tuar si a. Farmer te dinhmun tur ngaihtuah a ngai bawk si a. Tahchuan mithiam kan chahchhuah Mizoram lokalte reng reng hian a seed atanga bul tan uluk an

sawi thin avang hian achi tha chungchangthu hma la turin Pu Speaker, Israel Corporation of Agriculture application te nen hma lain tunah hian Israel Scientist te nen a chi tha siam tura a chi tha kan neih theihna turin Chitea Horticulture centre-ah khuan hma lak kan tum a. MOU sign turin tunah hian kan inbuatsaih mek a. Chumi tanah chuan Central sorkarah pawisa pawh dil a ni a. Nuai 64, singli bawr vel erawh hi chu fel sa ang a kan ngaih tawh a ni. Chu chu kumin Financial year chhungah hian hma lak tan kan inbeisei a. Chutiang ang chuan Department pawhin hma alo la a. Tahchuan, a resolution ang ngau ngau a han pass hi chu rem lohna lai a awm a. Pu Speaker, han chhiar leh chiah mah ila Serthlum huan neitu tena kung tam avanga sum tam tak an hloh tur hi a chiang lo a ni. a resolution siamtu pawh hian, a vaibelchhe telin Serthlum chingtute hian kum  $\frac{3}{4}$  chhung hian sum an hlauh tawh, an hlauh tur ani lo, an hlauh tawh a, an hlauh zel dawn ani. Chuvang chuan hei pawh hi enchian chu a ngai khawp mai a. Tin, tanpuina tha tawh pe turin he House hian aphut a, eng hi nge phut ang? Mizoram sorkar nge kan phut ang, Central sorkar? Natural Calamity ah puangin a tamna chhan hi uluk taka research mithiamte tih turin he House hian aphut a ni. Research hi chu kan beih tir a, kan beih tir zel dawn a. Natural Calamity a puang tur hian Pu Speaker, hei tak a hi a vital laia a ni a. 12<sup>th</sup> Financial Commission kan ti, 11<sup>th</sup> Finance Commission kan ti, khang report reng reng akha India sorkar hi a fimkhur tawh khawp mai a, hetiangah hianin. National disaster management-ah hian a fimkhur tawh khawp a. Home Ministry hnuai ah National disaster management hi division-in heng zawng zawng hi an monitor a. Chutah chuan a tih theih chin tur leh tih theih loh chin tur Natural Calamity-a rin luh theih chin leh rin luh theih loh chin kha duan fel a ni a. Tahchuan, Finance Commission-in a hmanna an belh tharah khan Pest attack tih hi atel a. Hetah pawh hian pest tih lai tak kha pest vang hian Serthlum tam hi an ngai vek lo ani. Mithiam reng rengin report an pek hian a pest a hi chu achhan pakhat vang ve maiah an ngai a. Enkawlna tur leitha te, tui te, thil chi hrang hrang zinga pakhatah, a veah an dah a. Mahse, hei hi thu tawp a ni rih lova, expert team an siam a, member pariat an dah a, chumite chuan heng hi a tihdan tur a aspect hi engtin nge sorkarin kan kalpui dawn tih kha rawn duang chhuak sela. Tun 31<sup>st</sup> Oct. 2005 hian report hi rawn pe hman hram sela an ti chauh a ni.

Tin, 31<sup>st</sup> Oct. 2005 hian report pe turin an siam hman loh phei chuan extend leh angai ang a. An report pek hnuah khan Ministry hianin khalai kha engtia tih tur nge tih an rel tur chauh a ni. A dinhmun ania chuvang chuan Pu Speaker, a resolution wording ang ngau ngau hi chuan; he House image hi kan ven a ngai ani. Mizoram Legislative Assembly House hi a image hi kan ven a ngai a. Department ang pawhin

khatiang kha kan tih duh loh ani a. Chuvang chuan, kan target kha a chiang a. Aizawl North II bialtu zahawm tak Pu Liansailova'n kan duhthu khulama kan zuk thlen theihna tur ang zawng a kha chu a tha mai a. A wording ang ngau ngau hi chuan he House image a hi kan ven angai ani tih kha kan sawi duh a ni e, ka lawm e.

**SPEAKER** : Kan Opposition Leader zahawm tak Pu Lal Thanhawla i lo sawm ang.

**PU LAL THANHAWLA** : Pu Speaker, tam tak sawitur a awm nain tam tak sawi ka tum lova. Treasury Bench lampang lawmthu sawi tur nei tih hrereng chungang an han sawi ve tir a lawmawm ka ti a. Tin, Pu Zodintluanga member zahawm takin hemi a rawn pulut hi a lawmawm ka ti a. Treasury Bench lam atanga a rawn ngaih mawh deuh a bikin Mamit bial/District tih in, ngatinge i tih kher tihin ka zawt a, aman a la rawn sawi tho ang a. Hei ka hriat ve lai ka sawi mai a nia. Mizoram pum chu ka ti tho a a ti a. Helai hi chu zuk ngaih mawh emaw engemaw bing alak chi-ah ka ngai lova. Tin, kan Serthlum hi a tam ani emaw a tam emaw a huan neituten an tuar a, mipuiin kan tuar a. Chuvang chuan, a remedy zawn a ngai tih kha chu kan inlungual tlang niin a lang a.

Tin, a chhan leh vang zawng turin research beih a ngai a, hun rei tawh tak atang khan an lo bei tawh a. Vawiinni thleng hian a solution an la hmu lo a ni tih chu achiang mai a. Hun hmasa lam daihah khan Horticulture Scientist te pawh an lo kal a, hmun hrang hrangte pawh an tlawh a, hemi Hlimen tlangdungah sawn atlangpuiin Serthlum saw kum 60, 70 leh 80 te anni nual a, an ti a. A huan neitu ten arsi ek kai thalh anni a. Mahse, an la rah tha viau reng mai a ni. Chu chu alokal ngeite pawh kan hmu a, kan bia a, an hrechuang lova, a chhan leh vang. Sawlai climate Soil condition te leh thil dang dang an rinthute an sawi ve mai a ni a. Chutiang chu a nih avangin, atam chhan leh vang hi an la hrechhuak lova. Chutiang chu a pawimawh lai chu ani a, hriatchhuah dan tur chu sorkarin ngawrh, taka abeih zel a tha a. Hei hi kan phut pakhat niin a lang a. Tin, kha experience neite an rawn sawi kha Scientist lam te pawhin an rawn sawi kha dan a ni ve tho mai a. Mamit bialtu zahawm takin a pa hunlai atanga an chindan leh an tihdan arawn sawite kha, kha kha thlai reng reng hian a thingkungte pawhin tihfai te, chawtha te, leh enkawingun hi an duh ve hrim hrim a. Tin, duat leh duat lohte pawh hi



an hre ve ani. Thilnung annih avangin, chutiang chu anih avangin thuneitu ten an duat hle a ni tih an hriat hrim hrim pawh hi an that phah ve a ni. An ti tho maia Scientist ten. Tin, Member thenkhat ten an sawi angin, hetia a han tam nachhan hi a chi atangin a ni, tih hi a ni ve tho a ni. Helaiia kan hotu ten experience nei tawh ten an rawn sawi ang tho kha Scientist ten an sawi a ni ve tho mai a. A chi atangin uluk a ngai, a hrisel tur a ni a, a la vanglai deuh a nei a ni tur ani a, tih ang chi tein an rawn sawi ve tho a. Chutiang chuan, kawng tam takin sawi dan a awm thei a. Helaiiah hian he resolution neituin a rawn ziak dan hian Mizoram pumpuiah a tam a ni. Amaherawhchu, kan member zahawm tak tak ten an rawn sawi ang khan a concentration bik deuh leh a chingtu tamna bik deuh chu Mamit District-ah pawh a khua zawng zawng a ni chuang lova. Chunglai chu an rawn hriat lai leh an rawn uar bik lai deuh chu a ni a. A pawimawh ber chu heng atuatu te, an tuar tawh a, an tuar mek a, an la tuar zel dawn niin a lang a.

Tin, kan Economy hnar, chhungkaw tam tak intunnunna hnar anih avangin an beidawn lohna tur atan productive zawka a kal theihna tur atan ngaihtuah pui, dappui an ngai a. Chulai chu resolution neitu pawhin a rawn ngaihpawimawh lai a ni a. Tin, an tawrhna avanga a compensation emaw lo tanpui kha chu a tul tehmeuh nain Mizoramin tunhma atanga kan thlai thawnchhuah neihve chhun anih avangin hei khawchhak lamahte pawh E.Lungdarah te pawh a sen lain avaiin an khar sak ve tho tawh ani. Chutiang khawpa a market pawh, ready market awmsa reng a ni a. Sawhthing te nen a inang lo deuhhlekk a, engpawh chu niselangin, thildang dang pawh chu lo tamin, kut hnathawktu ten an tawrh phawt chuan anmahnin enkawl dan emaw, tihdan emaw, a remedy emaw an hriat loh avangin a tanpui thei chu kan ramah chuan sorkar ani leh mai a. Chuvangin, khang zawng zawngah khan a tul apiangah i he lova an zawrh lan kher loh pawh sorkarin a ngaihven tawh thin a, an ngaihven mek a, ngaihven zel turin Resolution neitu hian a rawn phut tihna a ni mai a. Chuvangin he Resolution hi a pawimawh ber zawka chu Serthlum tam hi ngaihtuah tawh a ni thin a, tunhma atang tawhin sorkar kalta pawh, tun sorkarah pawh, amaherawhchu, vawiinni thlengin a damdawi dik tak hriat a la ni lova hi rang zawka hriat a, siamthat dan kuthnathawktute tanpui dan a awm lawm ni? tih laia hi a pawimawh laia chu a ni a. Chu chu Resolution neitu pawhin a rawn putluh chhan pakhat a a sawi a ni.

Tin, chutih rual chuan hetianga eibela lo hmang tawh thintute hian ti khawp hian an tuar si a, helai tak hi engtinngge kan tanpui ang? Sorkarin enganginngge a ngaihtuah? tih a kha a

question a chu a ni leh ta a, chuvangin, engtingge kan tanpui ang tih a kha member zahawm tak hian ama mimal ang chuan House hian hetiang ngaihtuah sak tur hian, tanpuina tha tawk pe turin House hi tawiawmah a rawn sawm a ni mai a. Engtizawng pawhin a resolution neitun aduhdan diak diak ang anih loh pawhin kan duhtlan a chu Serthlum a tam thin a, a tam tawh lohna turin engtianga tihtur nge, tih, vawiinnia hma lo lak mek pawh hi chak zawka hma lak dan a awm em? Sorkar hian ngaihtuah se, tih a ni a.

Tin, vawiinnia a chingtute, a tam nasat avanga tuarmek tu hi tanpui niselangin tih ani leh a, chulaia chu a pawimawh lai a chu a ni. Chuvangin engtia tanpui tur nge ni ang? Sorkar tih lai khan eng sorkar nge tih pawh alang si lova tih te kha chu sorkar kan tih chuan State-in a theih chuan State-in a tanpui mai tur a ni a. A theih loh chuan min tanpui theitu kan phut mai tur a ni a. Kha kha chu thil harsa a ni lova.

Tin, Natural Calamity a puan leh puan loh a hi State-in a duh phawt chuan a puang theiin ka hria a. Hei Andhra te kha khawiah emaw farmers tan harsatna an tawk a, suicide te a tam em em a, heng karah pawh hian State sorkar hian an puang mai a ni. Tin, a dang chi a kha nge, natural calamity zuk ni tih akha chu a State sorkar ngaihdan dan a ni mai a. Chuvangin, a theih leh theih loh thuah hi chuan inhnial vak turah kei ka ngai lova, a pawimawh zawka a chu atuartute tanpuina hi a ni. Chuvangin, Pu Speaker, hun ka lak tam loh nan L.A.D. Minister zahawm takin a rawn amendment-te pawh kha a tha tlangpui tho mai a, Mamit District bik han tiha kha a Resolution origin ah pawh hian a Mizotawng pawhin a dik fel zan lo a nih pawhin Mizoram pum huap kha chu a sawi tho mai a, mahse, a hriat chian bik, a statistical pawh a nih deuh bik, Mamit ah tunhnaia an tawh a kha a sawi a ni mai a, chuvangin a Resolution neitu ngaihdan ka hre lova. Keima ngaihdanah chuan Amendment ang hawi zawng pawh khan a language leh Mizotawnga kha a tha ber em phei chu ka hre lova. Hei hian Resolution neitu rawn putluhna chhan leh thahnemngaihna kha a paih chuangin ka hre lova. Chuvangin, mimal ang chuan hei hi atha ka ti a. A neitu duhthusam anih loh pawhin pass lova hnawl thlawt ai chuan hemi tuartute tan hi chuan a lawmawm thei tho turah ka ngai a. Chuvangin, a original Resolution ka support rualin mimal ang chuan hemi Amended Form LAD Minister in a rawn tih ang pawh hi a pawm theih tho ve tih kha ka rawn dipui ve a ni. Ka lawm e.

**PU ZORAMTHANGA**  
**CHIEF MINISTER**

Pu Speaker, ka lawm e. Vawiina kan Resolution hi kan tum leh kan ngaihtuah nate a inang tlang a. Engtingge effective-in kan kalpui theih ang tiha kha kan zawm tlan a ni mai a. Kan Serthlum te tama chumi ina thil tam tak kan chantirte hemi avanga tanpuinate leh Alternative Assistance engemawni kan ngaihtuah atul zia te kan sawi tlang a. Thildang kha chu kan Member ten an sawi tawh a. Hmanniah Israel atanga lokal min rawn tlawh vetute hnenah pawh ka lo sawi thin a. Anni pawhin a ni khawp mai. A har khawp mai a, keini pawhin theihtawp chu han chhuah kan tum ang a. Israel sorkar lamah te pawh heng hi chu kan theihtawpin an ni khu Horticulture leh Agriculture lamah expert deuhite an ni a. Helamah pawh hian sorkar pawhin kan theih ang tawkin hma kan la ani tih kha tawite kan sawi duh a.

Tuna kan sawi duha chu kan Resolution hi engemawti kawnga Pass chu tha kan ti khawp a. House in Resolution kan neih hi hetia lehkhaa Central a kan zuk thlen a, kan han tih naran ngawt ai hian House in a pawimawhzia kan hria a, lungrual takin kan pass a, min pui teh u kan zuk tiha hi a weight pawh arit bik a. Chumi tur atana Resolution kan siam a, a nawr pawh kan zuk nawr a thain kan hria a. Nichina Pu Hminga sawi ang deuhite pawh kha ngaihtuah naah pawh a zawng zawng anih loh pawhin a Life Cycle hi nei ve deuhin engemaw hi a kal emaw ni chu tih turte pawh kha a awm theihna lai pawh a awm khawp mai a. Chuvangin, khangte pawh kha Research te nena tiha tunah phei chuan Mau hi kum 50 danah a tam a, Serthlum pawh hi kan en kan en a, Mau hi hmanah a tam bawka, tunah a tam leh a. Hei nen hian in-connect na life cycle nei ve deuh hi a ni awm mang e kan ti a. Hengte pawh hi anih avangin kan Mau tam rualin hei hi a ken tel niin kan hre deuh a. In mipuihna pawh kan ngai a ni. Hetilo chuan Buh chingtute tuar bawka. Serthlum chingtute life cycle avang anih phei chuan tuar bawka, min puihna hi central in atul a ni. Vawiinniah House-in kan sawi a, a tul ani kan tih kha central sorkarah pawh thil tihawm takah an ngaih phahin ka ring a.

Tichuan, kan member zahawm tak Pu Zodintluanga zawhna pawh kha athat em em rualin, hei keimahni zingah chuan sawi ila Mizoram sorkarin kan pawisa sanction tur chu nisela zuk amend pawh a ngai chuang hauh lova, anih ang ang hian kan Chiang mai a. Hetia kan pawisa neih sa atanga pek mai tur chu nisela achiang em em a, a fel vek a. Amaherawhchu, sorkar laipuih kan thlen thla dawn a nih chuan khami base-a annin hma an lakna turah chuan tlemin a defective deuh hlek a. Tuna kan sawi ang khan Mizorama Serthlum kung tam a bik takin Mamit District huamchhung a mite hi sorkarin ngaihsakin an hloh turte hi

pawisa pe rawh se, ati ta a, a permit hi Delhi ah hian pawisa min petute hnena kan zu dil khan min pe dawn nise Mamit District pawn a mite tan khan an pe ve a nih pawhin tlema zawng an pe dawn a nih pawhin a concentrate-na tur kha, a majority pui ber kha Mamit District ah khan research rawn beiin tanpuina rawn pe dawn se, tihianin an bur bun mai dawn a ni. Chuvangin, Mizoram puma mi hi tih pawh awm lovin, Mizorama Serthlum kung tam a bik takin Mamit District huamchhung a mi hi sorkarin ngaihsak sela chuti chuan ti rawh se a tih khan tanpuina min pek dawnin Mamit kha arawn kaw k bik tlat mai a. Chutih laiin hei kan hriat angin Hnahthial bialah sawtah Rawpui te, Thiltlangte, Pangzawl, Bualte, Tawipui, Darzo, S.Vanlaiphai, hemi kan Resolution rawn puluttu bialah ngei pawh Zawlpui leh Binghamun leh Lungsenah te pawh atam nasa em em a ni tih report kan hmu si a. Mamit District zah zet kha adangah tanpuina sem dawn ila a awm si a, keimahni Mizoram sorkarin kan neihsa hi khatia sem mai tur kan ni lova. Central lama zu nawr tur kha kan ni si a, Chuvangin helaiah hian tlema a zuk defective deuhna lai kha a awm a. Zoram pum kha rawn aim se tih kha amendment mai kha a ni a.

Tin, Natural Calamity a puan tih kha puan ngawt kha chu tunah pawh kan puang thei mai a. Mahse, kan tum a chu hemi Natural Calamity-a a puanna fund an pekna hnuaiah khan min tanpui sela kan ti anih chuan heng tuilian te, khawkheng te leh rial tlate leh thlipui te hi Natural Calamities a ni a. Chuvangin heng hi hemi fund bik atang hian pek theih ani e, tih kha sorkarin a nei fel thlap si a. Khami kha a nih si loh chuan zu sawi mah ila min pe dawn si lova. Chuvangin, Natural Calamity a puan a, Natural Calamity atanga fund an pek tur zu nawr ni lovin Central-a kan nawrna tur chu hemi tam avang hian pawisa min pe ula kan miten bul an tan theih nan alternative a kawng dang eng emaw, a nih loh leh improvement emaw, chutiang chu an neih theihna turin tanpuina min rawn pe rawh u kan zu tih mai kha, a pawisa lakna tur kha annin min lo ngaihtuah pui ang a, chutilo chuan Natural Calamity fund pangngai atanga CRS hemi fund atanga kan zuk dilna turin hemi Natural Calamities a kan tih chuan azo der a ni mai a. A tel tlat si lova. Chuvangin khamiah khan ni lovin, a remchang ang anga Central atanga fund kan nawr chhuah theih nan hemi laia hi chu slipped over kalsan mai ila. Chuvangin kan LAD Minister zahawm takin a han tih ang khan hei hi pass pui pawh kan duh a, kan House resolution hi Centrala nawr nen pawh tha kan ti a. Tin, an beng thleng zawng tak anih kan ring baw k a, chuvangin, hetah hian Mizoram hmun hrang hrang a Serthlum tam avanga huan neituten sum tam tak an chan mek leh do zel tur hi he House hian paw i ati takzet a. Hetianga Serthlum tamna tura sorkarin Mithiamte hmanga research uluk taka a kalpui hi kalpui ni sela, tin, hemi avanga tuarte tanpuina a awm thei ang ang pe turin

Central sorkarah thlen ni rawh se, tih kha ani a. Helaiia resolution hmasaah kha chuan Central Sorkarah thlen ni rawh se, tih kha text takah a awm loh avangin hemi ang hian zu pe ta ila, lehkhah min dilna pawh hei a awm reng reng hlei nem, nangmahmin in pass tih thu in express naran alawm lo ti duh official, Secretary te, Director-te zu tawng ila, kan tawn thin a te hi hetiang a hi an ni si a. Chuvangin, Central sorkarin hetiang a Mizoram chhiatna nasa kan lo tawng hi min pui teh u, kan zu tihna tur kha resolve ta ila, tichuan lungrual takin pass tlang ila, a nawr pawh hi a nuam deuh ang e a. Chuvangin kan thu rawn puluttu hian helamah hian tlawmngaih lamah la lovin, keini pawhin pass puia kha tlawm ngaih lamah la lovin a wording hi tlemin central lama kan zuk thlen tum kha zuk refine tha deuh ila, tichuan a tha mai lawm maw ni le, tichuan lungrual taka kan pass tlan theih chuan a tha mai lawm ni tih kha kan rawt a ni e. Ka lawm e.

**S P E A K E R**

Awle, kan sawihona kan duhtawk tawh ang a, kan resolution neitu kan sawm dawn ang a. Hun hi a chep deuh hlek tawh a. Kan pelh hret pawhin kan kal tlang law law em ni ang ?

Resolution neitu sawm hmain thil pahnih khat han sawi ka duh a. Serthlum tam avanga tam tak chantute kan lainat theuh a. Amaherawhchu, a thu kan dah duh dante a lo in ang lo deuh a, amaherawhchu, sawihona tha tak kan nei hi lawmawm ka ti a. Hei Treasury Bench lam atang khan Amendment niawm tak deuh kha an rawn sawi chhuak a, amaherawhchu, kan dan 129-na en hian amendment tih danphung a ni lova, chuvang chuan amendment move-ah kan ngai lovang a, he resolution hi modify then an duh ani tih erawh chu kan resolution neitu hian hre ta sela, amendment tihdan ang thlap anih loh avangin amendment leh resolution kha buk tur engmah a awm chuang lo. Amaherawhchu, he House ah hian 2003 July 18 ah khan kan Member zahawm tak Pu Lalhmingthanga resolution hi minor modification tih tawngkam kan hmang a, a resolution ngai ngai a pass lo in tlema tih danglam khan House in lungrual takin a lo pass tawh a ni a.

Kan House ah hian kan dan a lal ber a, a dawtah chuan Member te kan inlungrualna hi a lal leh ani tih kha hrenawn ila. Amendment erawh kha chu buk tur a awm lo a ni. Resolution neitu te khan siamthat hret nise a tha em tih pawh tha an tih a, House-in rem kan tih bawk chuan khalam ah kha chuan abukna kan siam thei ang chu. Resolution neitu sawm ang.

**PU ZODINTLUANGA**

Pu Speaker, ka lawm e. Vawiinniah hian i kaihhruaina hnuaiah hian he House zahawm tak hian hun tha tak a tawng mek niin ka hria. Hun kaltawh te kan thlir let hian ruling lam in thil an tih hrim hrim te, opposition atang chuan hnial tur emaw te kan ti tawh thin a, hei Session kum 2 vel i kaihhruaina hnuaiah he House chhungah hian kan han awm ve tawh a. Chungah chuan kan Member tam tak te heti lam atang pawhin kan sawi tawh thin a. Ruling lam atang a Bill emaw, rawtna kan ram tana tha, lo chhuak ang chi chu kan support viau thin a. Sawiselna leh siamthatna engemaw chu sawi thin mah ila, a bill te kan support thin a, hei hi a ropui kan ti tak tak a. Vawiinah pawh kan resolution hi Member 17 lain min rawn participate pui a, an rawn sawi a, a lawmawm ka ti tak tak a. Kan Member ten thahnem ngai taka an rawn sawi naah lawmthu ka sawi nghal duh a. Hun a tlem a, Member tam takin sawi ve na chance an nei lo te kha pawh ka ti a. Han sawi ho a kan ngaihdan han sawite kha a nuamin a bengvar thlak ka ti a. Chuvangin kan House zahawm takin danglamna leh hetiang a lungrual taka ro kan rel thei hi lawmawm ka ti a. Vawiinniah pawh kan resolution hi i dinglama thu pawh in lungrual taka kan pass pui theih ngei hi kei pawhin ka ring a ni.

Kan Resolution ah khan kan Member tam tak ten an sawina point pakhat ram pum ahuap lo e tih kha an sawi tam zingah khan a tel ve a. Uluk taka an chhiar chuan Mizorama Serthlum kung tam tih ani a. A bikin kan ti a, a bika kan tihna chhan chu kan sawi tawh ang khan Mamit District ah khuan a tak taka eizawng a Serthlum kunga inngat tak tak tam tak an awm a, hmundang ah chuan resolution han putluh ngai khawpin a nasa lo pawh a lo ni thei. Chungte avang chuan Mamit te pawh hi a tuartu an tam bikna lai a ni a. Chuvang chuan khalaiah pawh khan research an lak thu ang te kha an rawn sawi a, a move tu te pawhin kan hre ve khawp mai. National Research Centre a Scientist rual te lokal ten an rawn hmuh chhuah te hi Home Minister pawhin a point tam tak a rawn sawi chhuak tawh a. Huan enkawl that lohvang tih te, Serthlum huante an tet lai atangin uluk takin enkawl nilovin chaw tha pek an ni lo, chuvangin a tam a ni tih a ni a. Thallaiin tui pek tur a awm lova, hei hi Serkungin a tuar phah hle ani tih point 7 an research in a an rawn hmuh chhuah te a ni. Chutiang ang anih chuan Mizoramah hian Serthlum tharna tur hi a awm lovin Serthlum huan tur a awm mang dawn lo a ni. Amaherawhchu, Miozrama Intodelhna Project MIP guidelines te kan han en chuan phek 47 naah chuan "Mizoram District hrang hrangah Kolasib District, Mamit etc. hengah an rawn ziah ah hian below 700 meter thlai thar theih tur an rawn ziah chhungah hian Serthlum an telh vek a ni. Chuan, metres 1300 chhunga thlai thar theihna tha tur zinga MIP project atanga chhiarin

Serthlum a tel vek a ni. Mizoram pumah hian MIP in guide line asiamah hian Serthlum thar thei turin mipuite hnenah min zirtir a. Hetiang a nih chuan, kan scientist ten a an rawn hmuhchhuah te nen hian a inkalh nasa em em a ni. Kan guideline te hi Horticulture lam te pawh a ni bawk a, siamthat leh atan nakinah pawh kan Minister zahawm tak te khanin min lo hriatpui turin ka duh bawk a. Chutiang anih loh chuanin Scientist tena Serthlum a that lohna tam tak an sawi laia a department anga Serthlum chin theihna zawng zawng an rawn sawite hi a chingtute leh a department te pawh nakina kan buai leh thona tur a nih dawn avangin khalaia kha ka rawn sawilang duh a. Scientist te uluk taka research rawn beih leh turin, m tih resolution kan rawn belhna chhan hi nichina kan sawi ang khan Mizoram Serthlum tam hi a chhan leh avang department ang pawhin vawi tam tak chu Scientist te mithiamte an chah chhuak tawh thin, amaherawhchu, achhan leh vang leh a tak taka he Serthlum hi a tam leh tawh lohna tur leh Serthlum a eizawngtuten an tuar tawh lohna tura tan lakna an la nei tlat lo mai a, chung avang chuan uluk lehzuala research nei tura mithiam leh zualte tih tir turin he House hian a phut a ni, tih lai kha ka rawn sawi duh a. Kan Department ang chuan vawi tam tak nichinah kan Minister zahawm tak Horticulture changtu khan a rawn sawi tawh a, Janpan rama Scientist te pawh an chah thleng tawh ani a. Amaherawhchu, khang pawh khanin awmzia a nei thei chuang si lova, chuvang chuan a aia nasa lehzuala research hi kan neih a tulin kan hria a. Chuvangin, kan resolution-ah hian kan rawn telh a ni a, sawi tur tam tak a awm a, amaherawhchu, Pu Speaker, hun ka la tam tawh lovang a, kan Member zahawm tak tak ten min veipui hun tam tak kan sen tawhna ka resolution Mizorama Serthlum kung tam a bik takin Mamit District chhung a mi hi sorkarin ngaihsakin Serthlum huan neituten he Serthlum kung tam avang hian sum tam tak an hloh tur hi tanpuina tha tawk pe turin he House hian aphut a. Tin, he Serthlum tam nasa hi natural calamity ah puangin hetia a tamna chhan hi research uluk taka mithiamte tih tir turin he House hian aphut ani tih hi khawngaih taka min pass pui turin ka ngen che u a, amaherawhchu, nichina, kan sawi tawh ang khan a thu rem lo lai deuhthe engemaw siamthat ngai deuhthe a awm a nih chuan Pu Speaker, kha kha siamthat tul anih chuan siamthat kha ka remti tih kha ka rawn sawi nghal a ni e. Ka lawm e.

**S P E A K E R**

Sawi tawh lo mai ila, helai atang hianin pass kha chu kan duh tlang a, a ngai ang ang khan Treasury Bench lam khan an hreh deuh a. Amendment chu kan vuah thei lovang ka tih tawh kha. Amaherawhchu, modification kha an rawn rawt a.

Modification ang hianin kan resolution neitu khanin pass kha hrehawm a ti viau dawn em ni? tih laia kha a copy kha chu a pe che in ka ring a. Khalai a kha aw, a nih sawi leh ta lawk che.

**PU H. VANLALAUVA  
MINISTER**

Pu Speaker, ka lawm e, hemi ka'n ngenna chhan chu (nia amendment tih tawngkam ka lo hmang a ni mai thei a) House-in a remtih dan leh kan danin a phal ang a, a tawngkam her rem/siam remna mai kha ani a. Pu Speaker, i veilam a mite rawtna a nih avanga hei hi han rawt ka ni lova. Hemi resolution wording hi han en ila, Mizoram Serthlum kung tam (a ti a, (koma) a dah a,) a bik takin Mamit District huamchhunga mi hi sorkarin ngaihsakin a ti zui ta a. Kawma, piah lam hian Mamit District bak kha a huam ta lova, hetiang hian kal sela chuan a ziaawm ang a. "A bik takin Mamit District huamchhung ami hian an tuar nasa zual a chuvangin Serthlum huan neitu ten an Serthlum kung tam avang a" tiin zawm sela chuan Zoram pum kha ahuam niin ka ngai a. Chuvang chuan helaia kan rawtna chhan pakhat lehah chuan he House hian aphut ani, tihna ah khan sorkar emaw, department emaw, a Minister emaw sawilan a awm lo ve ve a ni. A hmasa zawk ah khan "Serthlum kung tam avanga sum tam tak an hloh tur hi tanpuina tha tawk pe turin he House hian a phut a" a ti a tunge ni a phut? tih kha a sawi lo tlat mai a.

Tin, a pahnihnaah hian 'he Serthlum tam nasa hi.. research uluk taka mithiamte tih tir turin he House hian aphut a ni' a ti leh a, a phut akha a department lam nge? sorkar nge? enge kha asawi lova, chuvang chuan hetiang a han her rem tur hian a resolution neitu pawhin min pawm sak hram sela ka duh a. "Mizoram hmun hrang hranga Serthlum tam avanga huan neitu ten sum tam tak an chan mek leh an hloh zel tur hi he House hian pawl a ti takzet a. Hetiang a Serthlum tamna chhan hmuchhuak tura sorkarin mithiamte hmanga research uluk taka a kalpui mek hi chak zawkin kalpui nise, hemi avanga tuar tute tan (huan neitute tan) tanpuina awm thei ang ang pe turin central sorkarah thlen/nawr ni rawh se" tiin chak deuh hleka 'nawr' kha telh nghe nghe sela atha mang e aw! tiin he resolution neitu hi ka'n dil a ni e. Ka lawm e.

**S P E A K E R**

A chiang e. Amendment a awm lo ka tihna laia kha technically-in amendment kha a awm lova, chuvangin kan buk



dawn chuan resolution neituin kha a original ang kha i buk ang a tih chuan kan buk ang a. Amendment kha dan anga tih chu nisela amendment leh original kha kan buk tur ani. Mahse, tunah hi chuan amendment hi dan anga a awm loh avangin buk tur aawm ta lova, a resolution neituin a original ang kha ni rawh se, i buk ang a ti thei a. Tin, a resolution neituin a ngai ngai kha chu kan pass hreh deuh anih chuan siamrem an rawn tih ang pawh hian min pass pui turin ka ngen mai e, a ti anih chuan kha pawh kha a theih tho a ni. A Chiang em aw? Tichuan a resolution hi chu a neitu hming hian a kal tho tho dawn a ni. Kan hnawl emaw, kan pass emaw siamremin kan nei a nih pawhin a resolution neitu hming hian a kal tho tho dawn a ni. I lo sawm leh ang.

**PU ZODINTLUANGA** : Pu Speaker, ka lawm e. Mizoram a kut hnathawktute a bik takin Serthlum huan neitute an Serthlum huan a tam avanga harsatna an tawh mek tena harsatna an tawh tawh lohna tur atana kan House ina resolution ka rawn putluh hi pass harsa kan ti a nih si chuan tuna rawtna thar rawn awm ang a kha ka pawm mai e.

**S P E A K E R** : Awle, Pu Zodintluanga member zahawm takin a resolution 'Mizoram Serthlum kung tam a bik takin Mamit District huam chung ami hi sorkarin ngaihsakin Serthlum huan neituten an Serthlum kung tam avanga sum tam tak an hlah tur hi tanpuina tha tawk pe turin he House hian a phut a, he Serthlum tam nasa hi natural calamity ah puangin atamna chhan hi research uluk taka mithiamte tih tir turin he House hian aphut ani' tia arawn move chu Member thenkhatin her rem an rawn rawtna "Mizoram hmun hrang hranga Serthlum tam avanga huan neituten sum tam tak an chan mek leh an hloh zel tur hi he House hian pawh a ti takzet a. Hetianga Serthlum tam nachhan hmu chhuak tura Sorkarin mithiamte hmanga research uluk taka a kalpui hi chak zawkin kalpui nise. Hemi avanga tuarte tan tanpuina awm thei ang ang pe turin central-ah hian thlen ni rawh se tih angin i buk ang hmiang a tih chu House-in buk tha kan ti em ? kan remti em ? kan remtih chuan buk ila, he resolution member zahawm tak Pu Zodintluanga rawn putluh hi minor modification ang hian adopt remti apiangin 'remti' ti rawh ule. Remti lo kan awm em ? Remtilo kan awm chuan 'remtilo' i ti ang u.

Awle, member zahawm tak Pu Zodintluanga Private Member Resolution rawn putluh chu minor modification siamin hetiang hian House-in lungrual takin a pass ta a ni. 'Mizoram hmun hrang hrang a Serthlum tam avanga huan neitu ten sum tam tak an chan mek leh an hloh zel tur hi he house hian pawl a ti takzet a. hetiang a Serthlum tam nachhan hmu chhuak tura Sorkarin mithiamte hmanga research uluk taka a kalpui hi chak zawkin kalpui nise. Hemi avanga tuartute tanpuina awm thei ang ang pe turin Central sorkarah thlen ni rawh se' tih chu House-in lungrual takin a pass a ni.

Awle, tun tum Session a kan business duan sa chu kan lo zo a ni ta a, kan tin darh hmain thil puan tur thenkhat a awm a, kan puang lawk ang e.

A hmasa berah chuan kan hriat theuh angin tun September ni 24, 2005 khan India rama hotu ber kan President zahawm tak Dr. A.P.J.Abdul Kalam chuan Mizoram rawn tlawnin kan House ah thu a rawn sawi a. Kha kha India President-in Mizoram Legislative Assembly a address vawikhatna ani a, a lawmawm takzetin kan ram tan thil chhinchhiah tlak tak ani a. President in House atlawh tum khan Member zawng zawngte hnen atangin tawiawmna tha tak kan dawn avangin lawmthu ka sawi a. Tin, Assembly Officer leh Staff te pawh an thawk rim a. Chuvangin President Address leh Power point presentation tuang takin kan nei thei a. Anni bakah hian I.T. Wing te, Information Department te, N.I.C. atangte pawhin power point presentation turah khan puihna nasa tak kan dawng a. Chuvangin kan Officer leh Staff te leh Department min puitute zawng zawng chungah lawmthu kan sawi a ni. Tun September 26 - 30 Session vawirukna kan neih chhunga kan business khawihte a tlangpuia report lo pe ila.

Tun tum favang Session thutkhawm hi BAC vawihnih lai thukhawmin a rel angin nili chhung thutkhawm a ni a, vawiin hi kan thutkhawm tawp ni a lo ni leh ta ani. Tun tum kan Session chhunga kan hnathawhte chu hengte hi an ni:

Zawhna chungchangah : Starred Question lut zat 216, rejected 17, admit 199, club khawm 11. List of Business a dah zat 80, House chhunga chhan zat 16, House a chhan hman loh 64, Starred Question Unstarred Question a leh zat 107, Unstarred Question lut zat 108, reject 9. Admit 99, club 11. House Table a dah zat 188. Zawhna zawng zawng Starred Question leh Unstarred Question hi a chhanna kan hmu kim vek hman a ni. A lawmawm hlein ka hria. Kan Dan

Rules of Procedure and Conduct of Business in Mizoram Legislative Assembly in Mizoram Legislative Assembly 194 na chang 2 na in a phut angin, Speaker-in Pu Saikapthianga leh Pu Liansuama te ban thu Member te hriattirna a nei. Special Mention Honourable Member Pu Lalrinliana Sailo in ZEDA Project Director-in sum a tihchingpen chungchang nia ahriat sawi arawn dil angin pek a ni. Resolution – Private Member Resolution 9 dawnah pawm vek a ni a. Ballot a hmasa ber Honourable Member Pu Zodintluanga'n a resolution chu Minor-Modification nen pawm a ni. House ah hengte hi present ani bawk –

- (1) Honourable Speaker-in Business Advisory Committee Report tun Session atan a pe.
- (2) Pu Lalduhoma, Chairman elect chuan, Rural Development Department chungchanga Public Accounts Committee 16 report a pe.
- (3) Pu Lalhmingthanga, Chairman, Subordinate Legislation Committee-in heng report te hi a pe.
  - (i) Industrial Estate Rules, 2002.
  - (ii) The Mizoram Minor Consession Rule, 2000.
  - (iii) The Mizoram Election to Village Council 4<sup>th</sup> Amendment Rule, 1974.
  - (iv) The Mizoram Regulation of Animal Movement Rule, 2000.
  - (v) The 4<sup>th</sup>, 5<sup>th</sup>, 6<sup>th</sup>, 7<sup>th</sup> and 8<sup>th</sup> of Subject Committee hi Chairman Pu Andrew Lalherliana'n a pe bawk a ni.

Laying of Papers : Heng a hnuaia mite hi House Table-ah lay a ni.-

- (1) Report of Controller and Auditor General of India, Audit Report 2003 - 2004 Relating to Govt. of Mizoram.
- (2) Delimitation Commission of India Order No. 7 & 10.
- (3) Audit Report and Accounts in respect of Mizoram KVI Board for the year 2000 – 2001, 2001 – 2002 and 18<sup>th</sup> Annual Report 2002 – 2003.

Governor of Mizoram under paragraph 16 of 6<sup>th</sup> rules the Constitution khangte kha kan hnathawhte an ni.

This pawimawh deuh nia ka hriat ve pawh kan sawi leh ang e. Sensitisation of Mizoram State Legislation on Earthquake risks Management hei hi Relief & Rehabilitation Department in

Central sorkarin duhdan anga huaihawt a, chu chu min rawn rawn a, chu chu kar leh Tuesday oct. ni 4 zing dar 10:30 a.m. ah hian neih nise thain kan hria a. Hemi atana sawm pawh bikim thain kan hria a, kan Minister concern pawhin a ngai pawimawh em em a, a Ministerial te hnenah pawh a hrangin lehkha a ziaak a, hei hi member zawng zawng ten ngai pawimawh thei ila atha hle a. Tunlai ah chuan, thil reng rengah mipuite kan zirtir dawn chuan Legislator te hi an pawimawh a ni tih hi an hrechhuak tan deuh deuhva. Chuvang chuan min rawn sawm a. Ngaih pawimawh theih hram nisela a lawmawm em em ang. Nichina kan hnathawh kha alo kim lo deuhva, hei kan tichawp deuh chung chung a, Paper layah khan 9 ka rawn sawi tawh a, Bill te pawh a la awm a. The Mizoram Inter State... workmen Regulation of Employment and Condition of Service Rules 11-na The Mizoram Sports & Council Rules 2005, 12-na "The Institution of Charters and Financial Amendments of India University Mizoram Ordinance 2005; 13 na Copy of Reply to Unstarred Question to No. 7, hei hi paper layah khan kan sawi belh ani. Tin, bill kan pass nual a pathum lai ani a. Tichuan heng bill te hi House-in lungruak taka apass te chu anni. (1) The Mizoram Fisheries Bill, 2002 (2) The Mizoram Societies Registration Bill, 2005 (3) The Mizoram Civil Courts Bill, 2005. Tin, tun Sessionah hian Honourable zahawm tak Pu Andrew Lalherliana hnen atangin Private Members bill - The Aizawl Municipality Bill, 2005 dawn a ni a. Mahse, kan sawi tawh ang khan tuntumah hian resolution lam kha president kan pe a, sawi ho hman a ni ta lo a ni.

Tin, kan bill pass tawh, 5<sup>th</sup> Session-a kan lo pass tawh 'The Aizawl Development Authority Bill, 2005 chu Governor assent dawn tawh a ni.

A tawp berah chuan tun tum Sessionah hian Member zawng zawngte atangin Co-operation thatak kan dawng a. A lawmawm ka ti takzet a, kan House lungruak tak leh zahawm takin kan ram tana pawimawhah chuan kan han thukhawm thei thin hi a lawmawm ka ti a. Mahse, kan House Leader pawhin vawikhat a sawi kha kan sawihona neihah hian Chair address lo deuha in han tih emaw an han tih vel hi a lo awm ve leh zauh thin a. Chuvang chuan, Chair address zel kha ni thei sela, athain ka hria a. Tin, tawngkam mawi kan hman zel hi keimahni zahawm na a nih bakah kan House zahawm na a ni, tih kha hria ila, Un-Parliamentary language tih ang chi te, kan hmang tlem hlein ka hria a. Hman loh hram hram theih zel hi a thain ka hria a. Ka han inngen duh bawka a. Tin, Office lama zawhna a neitu hming nilova, lo chhuak aawm hlauh mai a. A department ina a chhanna a copy tam tak nena min rawn pek hi a ni thin a. Khang kha kan lo check chiang tawk lova. Tin, tun hnuah chuan department lam pawh an fimkhur tawh turah ka ngai a ni.

A tawp berah chuan ka sawi tawh ka sawi nawn leh duh kha Member te kan zahawmna hi keimahniah tam tak aawm rualin kan invenpui a ngai ani. Zawhna an zawh reng rengin department ten a tha thei ang bera kan chhan thin hi kan tihtur a ni, tih kha kan hriatnawn leh a thain ka hria a. Chutih rual chuan ka sawi tawh baw, Unstarred Question-ah pawh bulky lutuk deuh lam chi kha avoid theih hram hram nisela. Kan thawk tu ten tha zawka min chhan a, awlsam deuh hleka min chhan sak theih kha thil duhawm tak ani tih ka han sawi tel duh baw a ni e.

In zavai a chungah tuang taka Session kan neih avangin lawmthu ka sawi e.

Sitting is adjourned sine die

at 4:23 P.M.

T. SAIKUNGA  
Secretary.

\*\*\*\*\*

